



**“BIN,
SIGUI MI”**



Bo sa sinti manera kos ku bo a pèrdè kaminda i ku bo mester di guia? Hesukristu ta e Lider duná pa Dios ku tur hende tin mester. El a bisa: “Ami ta e bon wardadó; i mi konosé esnan ku ta di mi, i esnan ku ta di mi, konosé mi.” (Juan 10:14) Di bèrdat bo konosé e Bon Wardadó? Bo konosé su kualidatnan, su mensahe i trabou, su selo, su amor? E buki aki lo yuda bo siña konosé Hesus mas íntimamente i siguié mas estrechamente.

“BIN, SIGUI MI”

E BUKI AKI TA PROPIEDAT DI

© 2007

WATCH TOWER BIBLE AND TRACT SOCIETY OF PENNSYLVANIA
Tur Derecho Reservá

“Bin, Sigui Mi”

Editornan

WATCHTOWER BIBLE AND TRACT SOCIETY OF NEW YORK, INC.
Brooklyn, New York, U.S.A.
Imprimí na Novèmber 2012

E publikashon akí no ta pa bende. E ta parti di un obra mundial
di edukashon bíbliko sostené pa donashon boluntario.

Den e publikashon akí, e tekstonan ta saká for di *Beibel Santu*. Kaminda
tin e lèternan *NW* tras di un teksto, e ta tradusí for di e *Tradukshon di*
Mundu Nobo di e Santu Skritura (Ku Referensia) na ingles. Ora tin *BPK*
tras di un teksto, e ta saká for di *Beibel na papiamentu koriente*.

Krédito pa Potrèt:

Página 39: Kaft di e buki: J. Hester and P. Scowen (AZ State Univ.), NASA;
página 87: © Tim Lynch/Index Stock Imagery

“Come Be My Follower”

Papiamento (Curaçao) (cf-PA)

Made in the United States of America
Produsí na Merka

Kerido Lektor,

“Bin, sigui mi.” (Marko 10:21) Bon mirá, ku e palabranan ei Hesukristu ta invitá nos pa siguié. Abo ta reakshonando riba su yamada? Si bo ta hasi esei, lo e tin un impakto profundo riba bo bida. Dikon?

Yehova a manda su Yu unigénito na mundu pa duna su bida komo un reskate. (Juan 3:16) Banda di esei, e Yu ei a mustra nos kon pa hiba nos bida. Den tur loke el a hasi, el a mantené su integridat i a hasi kurason di su Tata kontentu. Tambe Hesus a mustra nos kon nos por ta meskos ku su Tata. E palabranan i akshonnan di e Yu a reflehá perfektamente e manera di aktua i e boluntat di e Tata.—Juan 14:9.

Beibel ta bisa ku Hesus ta ‘un ehèmpel pa nos sigui den su pasonan.’ (1 Pedro 2:21) Si nos ke hala mas serka Yehova, si nos ke tin for di awor un bida ku berdadero propósito i si nos ke keda riba e kaminda ku ta hiba na bida eterno, nos tin ku sigui den e pasonan di Kristu ku sumo kuidou i atenshon.

Pa kuminsá e trayekto aki, nos tin ku familiarisá nos mes ku Hesus su bida riba tera. Pues, ta bale la pena pa studia kuidadosamente e deskripshon di Hesus ku tin konserbá den Beibel. Algu ku lo yuda nos mira mas kla kon nos por sigui Hesus ta di meditá riba e kosnan ku el a bisa i hasi, i konsiderá kon nos por imit’é den palabra i akshon.

Nos ta spera ku e publikashon aki lo yuda bo krese den bo amor pa Hesus i pa Yehova. I laga e amor ei motivá bo pa sigui den e pasonan di Hesus ku sumo kuidou i atenshon di manera ku abo por hasi Yehova su kurason kontentu awor i pa semper.

E Editornan

Kontenido

Kapítulo	Página
----------	--------

1 Kiko Hesus Tabata Ke Men ku “Sigui Mi”?	5
2 “E Kaminda, i e Bèrdat, i e Bida”	15

SEKSHON 1 “Bin i Mira” e Kristu

3 “Mi Ta . . . Humilde di Kurason”	25
4 “Mira, e Leon Ku Ta di e Tribu di Huda”	35
5 “Tur e Tesoronan di Sabiduria”	46
6 “El A Siña Obedensia”	56
7 Konsiderá Esun Ku A Perseverá	66

SEKSHON 2 El A “Siña . . . i Proklamá e Evangelio”

8 “Pa e Propósito Aki Mi A Wòrdu Mandá”	77
9 “Bai i Hasi . . . Disipel”	87
10 “Ta Pará Skirbí”	98
11 “Nunka un Hende No A Papia Manera e Hòmber Aki”	108
12 “E No A Papia Nada ku Nan sin Usa Parábola”	118

SEKSHON 3 “E Amor di Kristu Ta Obligá Nos”

13 “Mi Ta Stima e Tata”	129
14 “Multitutnan Grandi A Bin Serka Dje”	139
15 El “A Tene Kompashon”	150
16 “Hesus . . . A Stima Nan te na Fin”	161
17 “Ni Un Hende No Tin Amor Mas Grandi ku Esaki”	172
18 “Keda Sigui Mi”	182



Kiko Hesus Tabata Ke Men ku “Sigui Mi”?

KUA ta e mihó invitashon ku bo a yega di haña? Podisé tabata e biaha ku bo a haña un invitashon pa asistí na un okashon spesial, kisas e kasamentu di dos hende ku bo tin hopi kariño p’e. Òf lo bo por pensa riba e dia ku bo a haña e invitashon pa aseptá un trabou importante. Si bo a yega di haña e tipo di invitashonnan ei, sin duda bo a sinti bo masha emoshoná, asta onrá, di a haña nan. Pero echo ta ku bo a haña un invitashon hopi mas mihó. Kada un di nos a haña e invitashon ei. Anto e manera ku nos ta reakshoná riba dje lo tin un efekto profundo riba nos. Ta e desishon di mas importante ku nos lo tuma den bida.

² Kua invitashon esei ta? E ta bin di Hesukristu, e Yu unigénito di Dios Todopoderoso, Yehova, i e ta pará skirbí den Beibel. Na Marko 10:21 nos ta lesa e palabranan aki di Hesus: “Bin, sigui mi.” Bon mirá, ta un invitashon ku Hesus ta ekstendé na kada un di nos. Ta bon pa nos puntra nos mes: ‘Kon lo mi reakshoná riba e invitashon ei?’ Podisé bo ta pensa ku e kontesta mester ta bisto. Ta ken lo nenga un invitashon maravioso asina? Pa straño ku por parse, mayoria hende ta neng’é. Dikon?

³ Ban wak e ehèmpel di un hòmbler ku a haña e invitashon ei direktamente for di Hesus un 2.000 aña pasá. E tabata un hòmbler masha respetá. E tabatin por lo ménos tres kos

1, 2. Kua ta e mihó invitashon ku un hende por haña, i ki pregunta nos lo por hasi nos mes?

3, 4. (a) Kiko hende lo por a haña envidiabel di e hòmbler ku a aserká Hesus pa puntr’é tokante bida eterno? (b) Ki bon kualidatnan Hesus lo a mira den e hóben gobernante riku?

ku hende sa konsiderá deseabel, asta envidiabel: hubentut, rikesa i poder. Segun e relato bíbliko, e tabata un "hóben," tambe e tabata "masha riku mes" i e tabata un "gubernante." (Mateo 19:20; Lukas 18:18, 23) Sin embargo, e yònkuman aki tabatin un kualidat mas importante ainda. El a tende di e Gran Maestro, Hesus, i el a gusta loke el a tende.

⁴ Mayoria gobernante den e tempu ei no a duna Hesus e rèspèt ku el a meresé. (Juan 7:48; 12:42) Pero e gobernante aki sí a aktua diferente. Beibel ta konta nos: "Ora ku [Hesus] tabata sali bai pa sigui su kaminda, un hòMBER a kore bin serka dje i a kai na rudia su dilanti i a puntr'é: 'Bon Maestro, kiko mi mester hasi pa heredá bida eterno?' " (Marko 10:17) Bo a nota kon ansioso e hòMBER aki tabata pa papia ku Hesus? El a kore bin serka Hesus den públiko, meskos ku kualke hende pover i di kondishon humilde kisas lo a hasi. Es mas, el a hinka rudia respetuosamente dilanti di Kristu. Pues e tabatin un grado di humildat i tabata konsiente di su nesesidat spiritual. Hesus a apresia e tipo di bon kualidatnan ei. (Mateo 5:3, NW; 18:4) Ta di komprondé anto ku 'ora Hesus a wak é, el a stim'é.' (Marko 10:21) Kon Hesus a kontestá e pregunta di e hòMBER hóben aki?

Un Invitashon Úniko

⁵ Hesus a mostra e hòMBER ku su Tata a duna informashon kaba riba e pregunta importante ei tokante kon pa haña bida eterno. Hesus a referí na e Skritura, i e hòMBER a konfirmá ku e tabata obedesé e Lei di Moisés fielmente. Pero Hesus, ku su komprondementu penetrante ekstraordinario, a ripará algu mas profundo. (Juan 2:25) El a ripará ku e gobernante aki tabatin un problema spiritual, anto un problema serio. P'esei Hesus a bis'é: "Un kos bo falta." Kiko e "un kos" ei tabata? Hesus di kuné: "Bai i bende tur

5. Kiko Hesus a kontestá e hòMBER hóben i riku, i kon nos por sa ku e "un kos" ku e tabata falta no a nifiká ku e mester tabata pover? (Wak tambe e nota na pia di página.)

loke bo tin, i duna na hende pober.” (Marko 10:21) Akaso Hesus tabata ke men ku un persona mester ta blo bashí pa e por sirbi Dios? Nò.* Kristu kier a revelá algu di gran importansia.

⁶ Pa saka na kla kiko e hòmbler tabata falta, Hesus a ofres’é un oportunitat maravioso: “Bin, sigui mi.” Djis imaginá: E Yu di e Dios Haltísimo a invitá e hòmbler ei personalmente pa siguié! Tambe Hesus a primintié un rekompensa inimaginabel. Hesus a bis’é: “Lo bo tin tesoro den shelu.” E hóben gobernante riku a gara e oportunitat aki, e invitashon magnífiko aki? E relato ta bisa: “E palabranan aki a hasié bira masha afligí, i el a bai tur tristu, pasobra e tabata doño di hopi propiedat.” (Marko 10:21, 22) Pues Hesus su palabranan inesperá a revelá un problema den e hòmbler aki su kurason. Su kurason tabata muchu pegá na su propiedat i, sin duda, pegá na e poder i prestigio ku rikesa ta trese kuné. Lamentablemente, su amor pa e kosnan ei a surpasá tur e amor ku e tabatin pa Kristu. Pues anto, e “un kos” ku e tabata falta ta amor di henter kurason pa Hesus i Yehova, un amor di sakrifisio propio. Komo ku e hòmbler hóben tabata falta e amor ei, el a rechasá e mihó invitashon di su bida! Pero, kiko esaki tin keber ku abo?

⁷ Hesus su invitashon no tabata limitá na e hòmbler ei; tampoko e tabata pa solamente un par di hende. Hesus a bisa: “Si un hende kier bin mi tras, lag’é . . . sigui mi.” (Lukas 9:23) Tuma nota ku “un hende” por ta un siguidó di

* Hesus no a pidi tur hende ku a siguié pa deshasí di tur nan propiedatnan. Anto apesar ku el a komentá ku ta masha difisil pa un persona riku dreña e Reino di Dios, el a agregá: “Tur kos ta posibel serka Dios.” (Marko 10:23, 27) De echo, tabatin algun hende riku ku a bira siguidó di Kristu. Nan a haña konseho spesífiko den e kongregashon kristian, pero no a pidi nan duna tur nan rikesa na hende pober.—1 Timoteo 6:17.

6. Ki invitashon Hesus a ekstendé na e hóben gobernante riku, i kiko su reakshon a revelá tokante su kurason?

7. Dikon nos por tin sigur ku Hesus su invitashon ta inkluí nos awe?

Kristu si di bèrdat e “kier.” Dios ta hala e tipo di personanan ei di kurason onrado na su Yu. (Juan 6:44) No ta hende riku so, ni hende pover so, ni esnan di sierto rasa òf nashon so ni tampoko esnan ku a biba den e tempu ei so, sino *tur* hende ta haña e oportunidat pa aseptá Hesus su invitashon. Pues e palabranan di Hesus, “Bin, sigui mi,” en bèrdat ta apliká na abo tambe. Pakiko lo bo ke sigui Kristu? I kiko presis esei ta enserá?

Pakiko Sigui Kristu?

⁸ Tin un bèrdat ku nos mester rekonosé: Komo hende, nos tin e nesesidat básiko di haña bon liderato. No ta tur hende ta atmití ku nan tin e nesesidat aki, pero e t’ei sí. Yehova a inspirá su profeta Jeremias pa skirbi e bèrdat eterno aki: “O SEÑOR, mi sa ku e kaminda di hende no ta di dje mes; tampoko no ta keda na hende pa dirigí su pasonan.” (Jeremias 10:23) Hende no tin ni e kapasidat ni e derecho di goberná nan mes. Bon mirá, gran parti di historia humano ta un registro di mal liderato. (Elesiastés 8:9) Den tempu di Hesus, e lidernan a oprimí e pueblo, abusá di nan i engañá nan. Hesus a duna un bon deskripshon di hende komun ora el a bisa ku nan tabata “manera karné sin wardadó.” (Marko 6:34) Awe humanidat ta den mesun situashon. Komo grupo i komo personanan individual, nos tin mester di liderato ku nos por konfia i respetá. Hesus ta satisfasé e nesesidat ei? Ban konsiderá vários motibu pakiko e kontesta ta sí.

⁹ Na promé lugá, *ta Yehova Dios a skohe Hesus*. Mayoria lider humano ta ser skohé pa otro hende imperfekto, kendenan hopi biaha ta ser engañá i ta inkliná pa husga kosnan robes. Hesus ta un otro tipo di lider. E título ku e tin mes ta indiká esei. E palabra “Kristu,” meskos ku e palabra

8. Ki nesesidat tur hende tin, i dikon?

9. Kiko ta distinguí Hesus for di tur otro lider?

"Mesias," ta nifiká "Ungí." I esun ku a ungi Hesus—es desir, dun'é un nombramentu spesial na un posishon sagra—ta netamente e Señor Soberano di universo. Yehova Dios a bisa di su Yu: "Ata mi sirbidó ku mi a skohe, mi stímá, den kende mi alma tin goso; lo mi pone mi spiritu riba dje." (Mateo 12:18) No tin ningun otro persona ku sa mihó ku nos Kreadó ki tipo di lider nos mester. Yehova su sabiduria ta infinito, pues nos tin suficiente motibu pa konfia e persona ku el a skohe.—Proverbionan 3:5, 6.

¹⁰ Na di dos lugá, *Hesus a pone un ehèmpel perfekto pa nos, un ehèmpel ku ta inspirá nos*. E mihó tipo di lider tin kualidatnan ku su súpditonan por atmirá i imitá. E ta dirigí hende mediante su ehèmpel, i ta inspirá nan pa bira mihó hende. Kua ta e kualidatnan ku lo bo atmirá mas den un lider? Kurashi? Sabiduria? Kompashon? Kiko di perseveransia ora e ta konfrontá difikultat? Segun ku bo ta studia e registro di Hesus su bida riba tera, lo bo deskubrí ku e tabatin tur e kualidatnan ei, i asta mas! Siendo ku Hesus tabata un refleho perfekto di su Tata selestial, e tabatin tur kualidat divino a la perfekshon. E tabata di bèrdat un hende perfekto den tur sentido. Pues den tur loke el a hasi, den delaster un palabra ku el a ekspresá, den delaster un sintimentu ku el a revelá, nos ta haña algu ku ta bale la pena pa nos imitá. Beibel ta bisa ku el a 'laga un ehèmpel pa bo sigui den su pasonan' ku sumo kuidou i atenshon.—1 Pedro 2:21.

¹¹ Na di tres lugá, *Kristu a kumpli ku su afirmashon: "Ami ta e bon wardadó."* (Juan 10:14) Pa hende den tempu bíbliko, e komparashon ku wardadó tabata basá riba algu konosí. Wardadónan tabata traha duru pa kuida e karnénan ku tabata na nan enkargo. Un "bon wardadó" tabata pone e siguridat i bienestar di su tou promé ku di dje mes. Por ehèmpel, Hesus su antepasado David tabata un wardadó

10. Dikon Hesus su ehèmpel ta e mihó ehèmpel pa hende sigui?

11. Kon Hesus a duna prueba di ta "e bon wardadó"?

tempu ku e tabata hóben, i na mas ku un okashon, el a riska su bida pa defendé su karnénan kontra atake di bestia feros. (1 Samuel 17:34-36) Hesus a bai asta mas leu na fabor di su siguidónan humano. El a entrega su bida pa nan. (Juan 10:15) Kuantu lider tin tal aktitut di sakrifisio propio?

¹² Hesus tabata "e bon wardadó" den un otro sentido tambe. Refiriendo na e karnénan, el a bisa: "Mi konosé esnan ku ta di mi, i esnan ku ta di mi, konosé mi." (Juan 10:14) Meditá un ratu riba Hesus su ilustrashon. Pa un opservadó kasual, un tou di karné lo por parse simplemente un bola di lana riba otro. Sin embargo, e wardadó konosé kada un di su karnénan. E sa kua hembra lo tin mester di su yudansa djis akí ora di wèrp, kua ta e lamchinan ku ainda e tin ku karga pasobra nan ta muchu chikí i suak pa kana riba nan mes forsa, i kua karné resientemente tabata malu òf heridá. E karnénan tambe konosé nan wardadó bon. Nan ta rekonsé su bos, i nunca ta bruha kere ku ta bos di un otro wardadó. Ora e bos di e wardadó tin un tono di alerta òf ta indiká ku tin algu urgente, nan ta reashoná rápidamente. Kaminda e dirigí nan, nan ta siguié. Anto e wardadó sa presis unda e tin ku hiba nan. E sa unda tin yerba bèrdè na abundansia, unda tin awa limpi i refrescante, unda tin sabana fuera di peliger. Segun ku e ta vigilá e karnénan, nan ta sinti ku nan ta sano i salvo.—Salmo 23.

¹³ Abo no ta anhelá un liderato asina? E Bon Wardadó tin un registro inkomparabel di ta trata su siguidónan presisamente asina. E ta primintí di guia bo for di awor na un bida felis i satisfasiente i tambe na un futuro eterno! (Juan 10:10, 11; Revelashon 7:16, 17) P'esei nos mester sa kiko presis sigui Kristu ta enserá.

12, 13. (a) Den ki sentido un wardadó konosé su karnénan, i den ki manera nan konos'é? (b) Dikon abo lo ke ta bou di e liderato di e Bon Wardadó?

Loke Ta Nifiká Sigui Kristu

¹⁴ Awe, miónes i miónes di hende probablemente ta sinti ku nan a aseptá Kristu su invitashon. De echo, nan ta yama nan mes kristian. Podisé nan ta pertenesé na e religion den kua nan mayornan a batisá nan. Òf kisas nan ta pretendé ku nan tin un laso emoshonal ku Hesus i ta asept'é komo nan Salbadó personal. Pero akaso esei ta hasi nan siguidó di Kristu? Ta esei Hesus tabatin na mente ora el a invitá nos pa bira su siguidó? Esaki ta enserá hopi mas kos.

¹⁵ Konsiderá e mundu di kristiandat, esta, e nashonnan kaminda mayor parti di nan siudadanonan ta pretendé di ta siguidó di Kristu. Kristiandat ta praktiká e siñansanan di Hesukristu? Òf nos ta mira den e paisnan ei e mesun odio, opreshon, kriminalidat i inhustisia ku nos ta haña den e restu di mundu? E lider hindú respetá Mohandas Gandhi a yega di bisa: "Mi no sa di ningun hende ku a hasi mas pa humanidat ku Hesus. Pa bisa bèrdat, no tin nada malu ku kristianismo." El a agregá: "E problema ta ku boso, kristiannan. Boso no ta ni apliká boso mes siñansanan."

¹⁶ Hesus a bisa ku su berdadero siguidónan lo ta konosí prinsipalmente pa nan akshonnan i no simplemente a base di loke nan ta bisa òf e nòmber ku nan ta duna nan mes. Por ehèmpel, el a bisa: "No ta tur hende ku bisa mi: 'Señor, Señor,' lo dreña e reino di shelu; ma esun ku hasi e boluntat di mi Tata ku ta den shelu." (Mateo 7:21) Dikon asina tantu hende ku ta pretendé ku Hesus ta nan Señor no ta hasiendo e boluntat di su Tata? Kòrda riba e hóben gobernante riku. Hopi biaha, tin 'un kos ku ta falta' den

14, 15. Pa un hende ta un siguidó di Kristu, dikon no ta basta p'e djis deklará ku e ta un kristian òf p'e forma un laso emoshonal ku Hesus?

16, 17. Kiko ta falta hopi biaha den e hendenan ku ta pretendé di ta kristian, i kiko ta distinguí nan for di berdadero siguidónan di Kristu?

e hendenan ku ta pretendé di ta kristian. Esei ta amor di henter nan alma pa Hesus i pa Esun ku a mand'é.

¹⁷ Kon esei por ta? E miónes di hendenan ku ta yama nan mes kristian no ta pretendé tambe di ta stima Kristu? Indudablemente ku sí. Pero amor pa Hesus i pa Yehova ta enserá mas ku simpel palabra. Hesus a bisa: "Si un hende ta stima mi, e lo warda mi palabra." (Juan 14:23) Anto papiando komo wardadó, el a bisa un biaha mas: "Mi karné-nan ta tende mi bos, i mi konosé nan, i nan ta sigui mi." (Juan 10:27) Sí, e berdadero prueba di nos amor pa Kristu no ta simplemente loke nos ta bisa ni loke nos ta sinti sino prinsipalmente loke nos ta hasi.

¹⁸ Sin embargo, nos akshonnan ta originá for di algu. Nan ta reflehá e persona ku nos realmente ta di paden. Ta einan nos trabou mester kuminsá. Hesus a bisa: "Esaki ta bida eterno, ku nan por konosé bo, e úniko Dios berdadero, i Hesukristu, kende bo a manda." (Juan 17:3) Si nos atkerí konosementu eksakto tokante Hesus i meditá riba dje, esei lo tin efekto riba nos kurason. Nos lo bin stim'é mas i mas, i kultivá den nos mes un deseo kada bes mas grandi pa siguié diariamente.

¹⁹ Ta esaki ta e propósito di e buki aki. Su meta no ta pa duna un resúmen kompletu di e bida i ministerio di Hesus, sino pa yuda nos mira den un forma mas kla kon nos por sigui Hesus.* E buki aki ta prepará di tal manera ku e ta yuda nos wak den e spil di e Skritura i puntra nos mes: 'Di bèrdad mi ta siguiendo Hesus?' (Santiago 1:23-25)

* Pa un resúmen kompletu i kronológiko di e susesonan di Hesus su bida i ministerio, wak e buki *E homber mas importante cu hamás a biba*, publiká pa Testigunan di Yehova.

18, 19. (a) Ki efekto loke nos ta siña tokante Hesus mester tin riba nos? (b) Kiko ta e propósito di e buki aki, i kon lo e benefisiá personanan ku ya pa hopi tempu ta konsiderá nan mes siguidó di Kristu?

Invitashonnan Ku e Yu Unigénito di Dios A Ekstendé

Imaginá bo ku Hesus ta ekstendiendo e siguiente invitashonnan na bo personalmente. Kon lo bo reashoná, i dikon?

"Sigui mi!"—Mateo 9:9; Lukas 9:59; Juan 1:43.

"Si un hende kier bin mi tras, lag'é nenga su mes . . . i sigui mi."—Mateo 16:24.

"Bin serka mi tur ku ta kansá i kargá, i lo mi duna boso sosiegu. Tuma mi yugo riba boso, i siña di mi."—Mateo 11:28, 29.

"Si un hende tin set, lag'é bin serka mi i bebe."—Juan 7:37.

Podisé ya pa hopi tempu bo ta konsiderá bo mes un karné ku ta sigui e guía di e Bon Wardadó. Sin embargo, bo no ta di akuerdo ku semper nos por haña maneranan pa mehorá? Beibel ta urgi nos: "Saminá boso mes pa wak si boso ta den e fe; saminá boso mes!" (2 Korintionan 13:5) Ta bale la pena pa nos hasi sigur ku en bèrdat nos ta ser guiá pa nos amoroso Bon Wardadó, Hesus, kende Yehova mes a nombra pa guia nos.

²⁰ Nos ta spera ku bo estudio di e buki aki lo yuda bo fortalés bo amor pa Hesus i pa Yehova. Segun ku e amor ei ta guia bo den bida, lo bo haña e pas i satisfakshon di mas grandi ku ta posibel den e mundu bieu aki. Ademas, lo bo biba pa alabá Yehova pa semper pa e echo ku el a perkurá e Bon Wardadó pa nos. Klaru ku nos estudio di Kristu mester ta basá riba e fundeshi korekto. P'esei ta na su lugá ku den Kapítulo 2 nos lo bai analisá Hesus su papel den Yehova su propósito universal.

20. Kiko nos lo konsiderá den e siguiente kapítulo?



“E Kaminda, i e Bèrdat, i e Bida”

BO A yega di pèrdè kaminda? Kisas bo ta kòrda un biaha ku bo tabata bai bishitá un amigu òf famia i bo no por a haña e adrès. Segun ku bo tabata bai riba un kaminda deskonosí, bo a para i puntra un hende kon pa yega? Imaginá bo kon lo bo a sinti si, en bes di djis bisa bo kua kaminda pa sigui, un persona bondadoso a bisa: “Djis sigui mi. Lo mi hiba bo einan.” Esta un alivio lo bo a sinti!

² Den un sentido, Hesukristu ta hasi algu similar pa nos. Riba nos mes, lo ta imposibel pa yega serka Dios. Debí na imperfekshon i piká heredá, mundu di humanidat a dual i ta “ekskluí di e bida di Dios.” (Efesionan 4:17, 18) Nos tin mester di yudansa pa haña e kaminda pa yega serka Dios. Hesus, nos bondadoso Gran Ehèmpel, no ta djis duna konseho i instrukshon; e ta hasi mas. Manera nos a mira den Kapítulo 1, Hesus ta invitá nos, bisando: “Bin, sigui mi.” (Marko 10:21) Sin embargo, e ta duna nos motibu konvinsente tambe pa aseptá e invitashon ei. Na un okashon Hesus a bisa: “Ami ta e kaminda, i e bèrdat, i e bida; ni un hende no ta bin serka e Tata, sino pa medio di mi.” (Juan 14:6) Laga nos analisá algun motibu dikon ta pa medio di e Yu so nos por yega serka e Tata. Anto ku e motibunan ei na mente, nos lo konsiderá kon Hesus en bèrdat ta “e kaminda, i e bèrdat, i e bida.”

1, 2. Dikon lo ta imposibel pa nos yega serka Yehova riba nos mes, i kiko Hesukristu a hasi pa nos relashoná ku esaki?

Un Papel Hopi Importante den e Propósito di Yehova

³ Na promé lugá, pa yega serka Dios nos mester pasa via Hesus pasobra Yehova a haña ta bon pa duna su Yu e papel sumamente importante ei.* E Tata a hasié e personahe sentral den e realisashon di tur Su propósitonan. (2 Korintionan 1:20; Kolosensenan 1:18-20) Pa por komprondé e papel sumamente importante ku e Yu tin, nos mester konsiderá loke a pasa den hòfi di Edén, kaminda e promé pareha humano a djòin Satanas den su rebelion kontra Yehova.—Génesis 2:16, 17; 3:1-6.

⁴ E rebelion den Edén a lanta un kuestion di importansia universal: Yehova Dios ta goberná su kriaturanan na e manera korekto? Pa resolvé e kuestion sumamente importante aki, Yehova a disidí ku un yu spiritual perfekto mester a baha na tera. No por tabatin un mishon mas importante: e yu lo mester a entregá su bida pa vindiká Yehova su soberania i fungi komo un reskate pa salba humanidat. Kedando fiel te na morto, e yu skohí lo a hasi posibel pa resolvé tur e problemanan ku Satanas su rebelion a krea. (Hebreonan 2:14, 15; 1 Juan 3:8) Pero Yehova tabatin mîles di miónes di yu spiritual perfekto. (Daniel 7:9, 10) Kua di nan el a skohe pa kumpli ku e asignashon sumamente importante aki? Yehova a skohe su "Yu unigénito," esun ku despues a bira konosí komo Hesukristu.—Juan 3:16.

⁵ E eskoho ku Yehova a hasi mester sorprendé nos? Definitivamente ku nò! E Tata tabatin tur konfiansa den su

* E Yu su papel ta asina importante ku Beibel ta dun'é vários nòmber i título profétiko.—Wak e kuadro na página 23.

3. Dikon nos mester pasa via Hesus pa yega serka Dios?

4. E rebelion den Edén a lanta kua kuestion, i kiko Yehova a disidí di hasi pa resolvé e kuestion ei?

5, 6. Kon Yehova a demostrá ku e tabatin konfiansa den su Yu, i riba kiko e konfiansa aki tabata basá?

Yu unigénito. Siglonan promé ku yegada di su Yu riba tera, Yehova a profetisá ku e Yu aki lo keda fiel apesar ku lo e pasa den tur sorto di sufrimentu. (Isaias 53:3-7, 10-12; Echonan 8:32-35) Konsiderá kiko e echo ku Yehova a profetisá tur esei a indiká. E Yu tabatin boluntat liber i por a skohe su propio rumbo, meskos ku tur otro kriatura inteligente. Sin embargo, Yehova tabatin asina tantu konfiansa den dje ku el a profetisá ku e Yu lo a keda fiel na dje. Riba kiko e konfiansa aki tabata basá? Den un solo palabra: konosementu. Yehova konosé su Yu íntimamente i e sa kuantu su Yu ke agrad’é. (Juan 8:29; 14:31) E Yu stima su Tata, i Yehova na su turno tambe ta stima su Yu. (Juan 3:35) E amor ku Tata i Yu tin pa otro ta forma entre nan un laso di union i konfiansa ku ta inkebrantabel.—Kolosense-nan 3:14.

⁶ En bista di e papel importante di e Yu, e konfiansa ku e Tata tin den dje i e amor ku ta uni e Tata ku e Yu, no ta nada straño ku ta pa medio di Hesus so nos por yega serka Dios. Pero tin un otro motibu mas pakiko ta e Yu so por hiba nos na e Tata.

Ta e Yu So Konosé e Tata Plenamente

⁷ Pa nos por haña aksesu na Yehova tin sierto rekisitonan ku nos mester kumpli kuné. (Salmo 15:1-5) Ken por sa mas mihó ku e Yu kiko ta nesesario pa kumpli ku e normanan di Dios i haña Su aprobashon? Hesus a bisa: “Tur kos a wòrdu entregá na mi dor di mi Tata; i ningun hende no konosé e Yu [“plenamente,” NW], sino e Tata so; ni ningun hende no konosé e Tata [“plenamente,” NW], sino e Yu so, i esun na kende e Yu kier revel’é.” (Mateo 11:27) Laga nos wak dikon Hesus por a bisa, korektamente i sin eksagerá, ku ningun hende no konosé e Tata plenamente “sino e Yu so.”

7, 8. Dikon Hesus por a bisa korektamente ku ningun hende no konosé e Tata plenamente “sino e Yu so”?

⁸ Komo "e primogénito di henter kreashon," e Yu tin un intimidat úniko ku Yehova. (Kolosensenan 1:15) Imaginá bo e relashon íntimo ku a desaroyá entre Tata ku Yu durante e miónes i miónes di aña ku nan dos so tabata eksistí, for di prinsipio di kreashon te ora ku a krea e otro kriaturanan spiritual. (Juan 1:3; Kolosensenan 1:16, 17) Djis pensa riba e oportunitat presioso ku e Yu tabatin na lado di su Tata, familiarisando su mes ku e pensamentunan di su Tata i siñando Su boluntat, normanan i manera di aktua. De echo, no ta un eksagerashon pa bisa ku Hesus konosé su Tata mas mihó ku kualke otro persona. E intimidat aki sigur a hasi posibel ku Hesus por a revelá e personalidat di su Tata na un manera úniko. Ningun otro persona lo por a hasié meskos.

⁹ E siñansanan di Hesus a demostrá ku e tabata bon na haltura di e manera ku Yehova ta pensa i sinti i kiko Yehova ta rekerí di Su adoradónan.* Pero Hesus a revelá kon su Tata ta den un otro manera mas ku ta masha profundo. El a bisa: "Esun ku a mira mi a mira e Tata." (Juan 14:9) Hesus a imitá su Tata perfektamente den tur loke el a bisa i hasi. P'esei ora nos ta lesa den Beibel tokante Hesus—e palabranan potente i agradabel ku el a usa den su siñansa, e kompashon ku a motiv'é pa kura otro hende i e empatia ku a pon'é yora—ta fásil pa nos imaginá ku Yehova lo a bisa i hasi presis meskos. (Mateo 7:28, 29; Marko 1:40-42; Juan 11:32-36) E manera di aktua i e boluntat di e Tata ta ser revelá perfektamente den e palabranan i akshonnan di e Yu. (Juan 5:19; 8:28; 12:49, 50) Pues, pa nos por tin Yehova su aprobashon, nos

* Wak por ehèmpel, e palabranan di Hesus na Mateo 10:29-31; 18:12-14, 21-35; 22:36-40.

9, 10. (a) Den ki maneranan Hesus a revelá e personalidat di su Tata?
(b) Pa nos por tin Yehova su aprobashon, kiko nos tin ku hasi?

mester hasi kaso di e siñansanan di Hesus i sigui su ehèmpel.—Juan 14:23.

¹⁰ Komo ku Hesus konosé Yehova íntimamente i ta imit’é perfektamente, no ta un sorpresa ku Yehova a disidí ku ta e Yu ta e medio pa yega serka e Tata. Awor ku nos tin e base pa komprondé dikon nos por yega serka Yehova solamente pa medio di Hesus, laga nos konsiderá e nifikashon di e palabranan di Hesus: “Ami ta e kaminda, i e bèrdat, i e bida; ni un hende no ta bin serka e Tata, sino pa medio di mi.”—Juan 14:6.

“Ami Ta e Kaminda”

¹¹ Nos a siña kaba ku hende no por yega serka Dios si no ta pa medio di Hesus. Ban wak kiko spesífikamente esaki ta nifiká pa nos. Hesus ta “e kaminda” den e sentido ku ta pa medio di dje so nos por dreña den un relashon aprobá ku Dios. Dikon ta asina? Hesus a keda fiel te na morto i asina el a duna su bida komo un sakrifisio di reskate. (Mateo 20:28) Sin e provishon di reskate aki, lo tabata imposibel pa nos tin aksesu na Dios. Piká ta krea un barera entre hende i Dios pasobra Yehova ta santu, i p’esei nunca e no por aprobá piká. (Isaias 6:3; 59:2) Pero e sakrifisio di Hesus a eliminá e barera; e sakrifisio ei a proveé loka tabata nesesario pa ekspíá, es desir, pa kubri piká. (Hebreonan 10:12; 1 Juan 1:7) Si nos asepta loka Dios a proveé pa medio di Kristu i pone fe den esei, nos por haña Yehova su fabor. Simplemente no tin un otro manera pa nos “rekonsiliá ku Dios.”*—Romanonan 5:6-11.

* Na Juan 14:6, uso di e pronòmber personal “ami” huntu ku e artíkulo definí “e” ta enfatisá ku Hesus su posishon ta úniko, ku é ta e kaminda, e úniko persona pa medio di ken nos por yega serka e Tata.

11. (a) Dikon ta pa medio di Hesus so nos por dreña den un relashon aprobá ku Dios? (b) Kon e palabranan na Juan 14:6 ta enfatisá Hesus su posishon úniko? (Wak nota na pia di página.)

¹² Hesus ta "e kaminda" pa loke ta trata orashon. Pa medio di Hesus so nos por akudí na Yehova den orashon ku e siguransa ku nos petishonnan sinsero lo ser skuchá favorablemente. (1 Juan 5:13, 14) Hesus mes a bisa: "Kiko ku boso pidi e Tata, e lo duna boso den mi nòmber. . . . Pidi, i boso lo risibí, pa boso goso por ta kompletu." (Juan 16:23, 24) P'esei ta na su lugá ku den nòmber di Hesus, nos por aserká Yehova den orashon i yam'é "nos Tata." (Mateo 6:9) Hesus ta "e kaminda" den un otro sentido mas: pa medio di su ehèmpel. Manera a keda menshoná kaba, Hesus a imitá su Tata perfektamente. Pues Hesus su ehèmpel ta mustra nos kon pa hiba nos bida di e manera ku ta agradá Yehova. Pa yega serka Yehova, anto, nos tin ku kana den e pasonan di Hesus.—1 Pedro 2:21.

"Ami Ta . . . e Bèrdat"

¹³ Hesus semper a papia e bèrdat tokante e palabra profétiko di su Tata. (Juan 8:40, 45, 46) Hamas a haña mentira den Hesus su boka. (1 Pedro 2:22) Asta su opositornan a rekonosé ku el a siña "e kaminda di Dios den bèrdat." (Marko 12:13, 14) Sin embargo, ora Hesus a bisa ku "ami ta . . . e bèrdat," e no tabata referí simplemente na e echo ku el a hasi e bèrdat konosí ora ku el a papia, prediká i siña hende. Esei a enserá hopi mas kos, mas ku papia so.

¹⁴ Kòrda ku siglonan di antemano, Yehova a inspirá eskritornan bíbliko pa registrá hopi profesia tokante e Mesias òf Kristu. E profesianan aki a papia di detayenan di su bida, ministerio i morto. Ademas, e Lei di Moisés a kontené sombra, òf patronchinan profétiko, ku a señalá na e Mesias. (Hebreonan 10:1) Akaso Hesus lo a demostrá di ta fiel te na morto, i asina kumpli ku tur loke a

12. Den ki otro sentido mas Hesus ta "e kaminda"?

13, 14. (a) Kon Hesus a papia e bèrdat? (b) Pa Hesus por ta "e bèrdat," kiko e tabatin ku hasi, i dikon?

ser profetisá tokante dje? Ta e ora ei numa Yehova lo a ser vindiká komo e Dios di berdadero profesia. E responsabilidad inmenso ei tabata riba Hesus su skouder. Na e manera ku Hesus a biba—tur loke el a papia i tur loke el a hasi—el a duna prueba ku e patronchinan profétiko ei tabata bèrdat. (2 Korintionan 1:20) Pues, Hesus *tabata* “e bèrdat.” Ta komo si fuera e bèrdat di Yehova su palabra profétiko a bira realidat ku e yegada di Hesus.—Juan 1:17; Kolosensenan 2:16, 17.

“Ami Ta . . . e Bida”

¹⁵ Hesus ta “e bida,” pasobra ta pa medio di dje so nos por haña bida, esta, e “bida berdadero.” (1 Timoteo 6:19) Beibel ta bisa: “Esun ku kere den e Yu tin bida eterno; ma esun ku no obedesé e Yu lo no mira bida, ma e furia di Dios ta keda riba dje.” (Juan 3:36) Kiko ta nifiká kere den e Yu di Dios? Esei ta nifiká ku nos tin e konvikshon ku nos no por haña bida sin dje. Es mas, e ta nifiká ku nos ta demostrá nos fe pa medio di nos obranan, ku nos ta keda siña for di Hesus i ku nos ta hasi nos bèst pa sigui su siñansanan i ehèmpel. (Santiago 2:26) Pues, kere den e Yu di Dios ta hiba na bida eterno, esta, bida spiritual inmortal den shelu pa un “tou chikitu” di kristiannan ungi pa spiritu santu i bida humano perfekto den un paradeis riba tera pa “un multitut grandi” di ‘otro karné.’—Lukas 12:32; 23:43; Revelashon 7:9-17; Juan 10:16.

¹⁶ Kiko di e hendenan ku a muri kaba? Hesus ta “e bida” pa nan tambe. Poko promé ku Hesus a lanta su amigu Lá-zaro for di morto, el a bisa Marta, ruman muhé di Lá-zaro: “Ami ta e resurekshon i e bida; esun ku kere den mi lo biba, maske e muri.” (Juan 11:25) Yehova a konfia su

15. Kiko kere den e Yu ta nifiká, i na kiko esei por hiba?

16, 17. (a) Kon Hesus lo resultá di ta “e bida” asta pa hende ku a muri? (b) Ki konfiansa nos por tin?

Yu ku "e yabinan di morto i di Hades," dunand'e poder pa resusitá hende. (Revelashon 1:17, 18) Ku e yabinan ei, Hesus glorifiká lo habri e portanan di Hades i asina libra tur e hendenan prezu den e graf komun di humanidat. —Juan 5:28, 29.

¹⁷ "Ami ta e kaminda, i e bèrdat, i e bida." Ku e deklarashon simpel aki, Hesus a resumí e propósito di su bida i ministerio riba tera. E palabranan ei ta yen di nifikashon pa nos awe. Kòrda ku despues di e deklarashon ei Hesus a sigui bisa: "Ni un hende no ta bin serka e Tata, sino pa medio di mi." (Juan 14:6) Hesus su palabranan ta mes relevante awe ku nan tabata tempu ku el a ekspresá nan. P'esei nos por tin e pleno konfiansa ku si nos sigui Hesus, nunka nos lo no pèrdè kaminda. Ta Hesus so lo mustra nos e kaminda pa "bin serka e Tata."

Kon Lo Bo Reakshoná?

¹⁸ En bista di e papel sumamente importante ku Hesus tin i su konosementu íntimo di e Tata, nos tin bon motibu pa sigui e Yu. Manera nos a mira den e kapítulo anterior, ser un berdadero siguidó di Hesus ta enserá akshon, no simplemente palabra òf sintimentu. Sigui Kristu ta enserá hiba nos bida segun su siñansa i ehèmpel. (Juan 13:15) E buki di estudio aki ku bo ta lesando por yuda bo den esaki.

¹⁹ Den e kapítulonon ku ta bai sigui, nos lo studia Hesus su bida i ministerio kuidadosamente. E kapítulonon aki ta partí den tres sekshon. Den e promé sekshon nos lo haña un bista general di su kualidatnan i manera di aktua. Den e di dos, nos lo analisá su ehèmpel seloso di prediká i siña hende. Den e di tres, nos lo konsiderá kon

18. Kiko ser un berdadero siguidó di Hesus ta enserá?

19, 20. Kiko e buki di estudio aki ta kontené ku por yuda bo den bo esfuerso pa sigui Kristu?

Algun Título Apliká na Hesukristu

E Amèn (ku ta nifiká “sea asina” òf “siguramente”). E ta Esun den ken Dios su promesanan lo kumpli sigur.—2 Korintionan 1:19, 20.

Tata Eterno. Yehova a dun’é poder i utoridat pa duna hende e chèns di haña bida eterno den perfekshon riba tera.—Isaias 9:6.

Sumo Saserdote. E por limpia nos di piká i libra nos for di e efektonan mortal di piká.—Hebreonan 3:1; 9:13, 14, 25, 26.

Rei di reinan. Komo un Rei selestial apuntá pa Dios, Hesus ta hopi mas poderoso ku kualke gobernante riba tera.—Revelashon 17:14.

Prens di Pas. Komo e Gobernante di e Reino di Dios, Hesus lo establese pas mundial riba tera, un pas ku lo no kaba nunca.—Isaias 9:6.

Konsehero Maravioso. Hesus su konseho semper ta práktiko i perfekto. Si nos sigui su liderato, esei ta hiba na salbashon.—Isaias 9:6; Juan 6:68.

E Palabra. E ta e Bosero di Yehova.—Juan 1:1.

el a manifestá amor. Kuminsando ku Kapítulo 3, tin un kuadro di siñansa titulá “Kon Bo Por Sigui Hesus?” E tekstonan bíbliko i e preguntanan den e kuadro aki ta spesial pa yuda nos meditá riba e manera ku nos por imitá Hesus ku echo i palabra.

²⁰ Ku Yehova Dios su yudansa, bo no tin nodi ta di dual, ekskluí di tin un bon relashon kuné debí na piká heredá. Hasiendo un sakrifisio grandi, Yehova amorosamente a manda su Yu pa mostra nos e kaminda pa yega den un relashon aprobá ku Dios. (1 Juan 4:9, 10) Nos ta spe-
ra ku lo bo ser konmoví, sí impulsá, pa reakshoná riba e gran amor ei dor di aseptá i aktua riba Hesus su invitashon: “Sigui mi.”—Juan 1:43.

“BIN I MIRA” E KRISTU

*Hesus a biba komo hende un 2.000 año pasá,
i sin embargo te ainda ta posibel pa nos awe
“bin i mira” e Yu di Dios. (Juan 1:46)*

*E relatonan di Evangelio ta pinta un kuadro bibu
di su personalidat, aktitut i manera di aktua.
E sekshon aki lo duna un bista general
di Hesus su kualidatnan sobresaliente.*

“Mi Ta ... Humilde di Kurason”

YERUSALÈM tabata aribabou. Un gran hòmber tabata bi-niendo! Pafó di e stat, hendenan a bai para kant’i kamin-da. Nan tabata ansioso pa yama e hòmber aki bonbiní, pa-sobra tabatin hende ta bisa ku e hòmber aki ta un heredero di Rei David i e Gobernante legítimo di Israel. Basta hende a bin ku rama di palma pa waya komo saludo, otronan a habri paña i rama di mata abou pa hasi e kaminda mas suave p’e. (Mateo 21:7, 8; Juan 12:12, 13) Hopi hende lo tabata puntra nan mes kon lo el a hasi su entrada den e stat.

² Tin hende kisas a spera un entrada masha luhoso i mag-nífiko. Kasi sigur nan tabata sa di hòmbènan importan-te ku a hasi un entrada mahestuoso. Por ehèmpel, David su yu hòmber Absalon a proklamá su mes komo rei i a laga 50 hòmber kore dilanti di su garoshi. (2 Samuel 15:1, 10) E gobernante romano Julio Cesar tabata ke mas fanfare ainda; un biaha el a enkabesá un proseshon triunfal te na e kapi-tolio romano, kompañá pa 40 olefante ku lampi kargá! Sin embargo, e hendenan di Yerusaleùm tabata spera un hòmber hopi mas prominente. Sea ku e multitud di hende tabata plenamente konsiente di esei òf nò, esaki tabata e Mesias, e hòmber mas importante ku hamas a biba. Pero ora ku e fu-turo Rei aki a dreña e stat, algun hende lo a keda sorprendí.

³ Nan no a mira ningun garoshi di guera, ningun kore-dó, ningun kabai, i sigur ningun olefante. Nò, Hesus a bin riba un simpel bestia di karga, un buriku.* Ni é ni e bestia

* Un buki di referensia ku a papia di e suseso aki ta bisa ku e bestia-nan aki “ta kriaturanan inferior,” i a agregá: “Nan ta lento, terko, e bes-tianan di trabou típiko di hende pover, i no masha atraktivo.”

1-3. Den ki manera Hesus a hasi su entrada den Yerusaleùm, i dikon algun hende den e multitud di mirónes lo a keda sorprendí?

riba kua e tabata kore no tabata dòrná ku pañanan luhoso. En bes di un sia kostoso, tabatin algun paña ku e siguidónan íntimo di Hesus a pone riba lomba di e buriku. Dikon Hesus a skohe pa dreña Yerusalem na un manera asina humilde, miéntras ku hòmbènan muchu ménos prominente a insistí pa hasi un entrada ku muchu mas splendor i sere-
monia?

⁴ Hesus tabata kumpli ku un profesia: "Regosihá grandemente . . . Grita ku húbilo, o yu muhé di Yerusalem! Ata bo rei ta bin serka bo; e ta hustu i ta trese salbashon, humilde i sintá riba un buriku." (Zakarias 9:9) E profesia aki a musta ku e Ungi di Dios, e Mesias, lo a revelá su mes un dia na e pueblo di Yerusalem komo e Rei apuntá pa Dios. Ademas, e manera ku e lo a hasié—inkluso e bestia ku e lo a skohe pa kore ariba—lo a revelá un bunita kualidat di su kurason, esta, humildat.

⁵ Hesus su humildat ta un di su kualidatnan di mas atrak-
tivo, unu ku ta konmové nos profundamente ora nos pensa riba dje. Manera nos a trata den e kapítulo anterior, ta Hesus so ta "e kaminda, i e bèrdat, i e bida." (Juan 14:6) Ta bisto ku ningun di e míles di miónes di hendenan ku a yega di biba riba e mundu aki a yega di ta dje importante ei manera e Yu di Dios. Sin embargo, nos no ta haña den Hesus ni sikiera un rastro di e orguyo òf arogansia ku tin den masha hopi hende imperfekto. Pa nos por ta siguidó di Kristu, nos tin ku lucha kontra e tendensia di ta orguyoso. (Santiago 4:6) No lubidá ku Yehova ta odia arogansia. Pues anto, ta masha importante pa nos siña imitá Hesus su humildat.

4. Kiko Beibel a profetisá tokante e manera ku e Rei Mesianiko lo a dreña Yerusalem?

5. Kiko ta hasi e humildat di Hesus asina konmovedor, i dikon ta importante pa nos siña imitá Hesus den esaki?

***"Ata bo rei ta bin
serka bo"***



Un Registro Largu di Mustra Humildat

⁶ Humildat ta un birtut ku ta nèt lo kontrario di orguyo òf arogansia. E ta un kualidat ku ta originá den un persona su kurason i ta ser manifestá na su manera di papia, di komportá su mes i di trata ku otro hende. Kon Yehova por tabata sa ku e Mesias lo ta humilde? E tabata sa ku su Yu a reflehá su propio ehèmpel perfekto di humildat. (Juan 10:15) Ademas, Yehova a mira e humildat di su Yu den akshon. Kon asina?

⁷ E buki di Hudas ta revelá un ehèmpel fasinante: "E arkangel Miguel, ora ku e tabata pleita ku Diabel i tabata diskutí tokante di e kurpa di Moisés, no a tripi pronunsiá un huisio di maldishon kontra dje, ma a bisa: 'SEÑOR reprehendé bo.'" (Hudas 9) Miguel ta un nòmber ku ta ser apliká na Hesus—tantu promé komo despues di su bida riba tera—den su papel komo arkangel, òf hefe di Yehova su ehérsito selesstial di angel.* (1 Tesalonisensenan 4:16) Pero tuma nota kon Miguel a atendé e konfrontashon aki ku Satanás.

⁸ E relato di Hudas no ta bisa nos kiko Satanás kier a hasi ku e kurpa di Moisés. Pero nos por tin sigur ku Diabel tabatin kualke propósito malisioso na mente. Podisé e kier a usa e restunan mortal di e hònber fiel ei pa fomentá adorashon falsu. Ounke Miguel a resistí Satanás su plan malisioso, el a demostrá a la bes un dominio propio remarkabel. Satanás siguramente a meresé un reprendementu. Pero Miguel, kende na momento di e diskushon ku Satanás ainda no a risibí "tur huisio" òf outoridat pa husga, a sinti ku ta for di Yehova Dios so tal huisio lo mester a bin. (Juan 5:22) Komo arkangel, Miguel tabatin hopi outoridat. Pero tòg humildemente el a laga

* Pa mas prueba ku Miguel ta Hesus, wak página 218-19 di e buki *Kiko Beibel Ta Siña Realmente?* publiká pa Testigunan di Yehova.

6. Kiko ta humildat, i kon Yehova por tabata sa ku e Mesias lo ta humilde?

7-9. (a) Kon Miguel a demostrá humildat den su konfrontashon ku Satanás? (b) Kon kristiannan lo por imitá Miguel den mustra humildat?

e asuntu den man di Yehova en bes di purba poderá di mas outoridat. Fuera di humildat, el a demostrá tambe di ta modesto, es desir, konsiente di su limitashonnan.

⁹ Hudas a ser inspirá pa skirbi tokante e insidente aki pa un motibu. Tabatin algun kristian den tempu di Hudas ku lamentablemente no tabata humilde. Ku arogansia nan tabata "papia malu di tur loke nan no [a] komprondé." (Hudas 10) Komo hende imperfekto, ta masha fásil pa laga nos orguyo dominá nos! Kon nos ta reakshoná ora nos no ta komprondé algu ku ta ser hasí den e kongregashon kristian, kisas algu ku tin keber ku un desishon ku e kuerpo di ansiano a tuma? Si nos kuminsá papia kosnan negativo i krítiko, sin ku nos por ta na haltura di tur e faktornan tras di tal desishonnan, nos lo no ta demostrando un falta di humildat? Na lugá di hasi esei, laga nos imitá Miguel, esta Hesus, i apstené di husga asuntunan pa kua Dios no a duna nos e outoridat.

¹⁰ Dios su Yu a demostrá humildat tambe dor di aseptá e asignashon pa bin na tera. Pensa riba loke e tabatin ku laga atras. E tabata e arkangel. E tabata tambe "e Palabra," es desir, e Bosero di Yehova. (Juan 1:1-3) E tabata biba den shelu, den Yehova su "habitashon santu i glorioso." (Isaias 63:15) Apesar di tur esei, e Yu "a bandoná su mes gloria, tuman-do forma di un sirbidó, siendo trahá den e semehansa di hende." (Filipensenan 2:7) Anto pensa riba loke su asignashon riba tera a enserá! Su bida a ser transferí na e matris di un bírgen hudiu, kaminda el a desaroyá durante nuebe luna pa bira un beibi humano. El a nase komo un kriatura indefenso den kas di un karpinté pober. E mester a siña kana komo beibi i pokopoko krese bira un mucha chikí, despues un tiner. Ounke e mes tabata perfekto, durante henter su hubentut e mester a keda sumiso na mayornan humano imperfekto. (Lukas 2:40, 51, 52) Ki un humildat ekstraordinario!

10, 11. (a) Kiko ta remarkabel di e echo ku Dios su Yu tabata dispuesto pa aseptá e asignashon pa bin na tera? (b) Kon nos por imitá Hesus su humildat?

¹¹ Nos por imitá Hesus su humildat i aseptá di buena gana asignashonnan di sirbishi ku tin biaha por parse inferior? Por ehèmpel, nos asignashon di prediká e bon nobo di e Reino di Dios por parse inferior ora ku hende ta reakshoná na un manera indiferente, ku bofon òf agresivo. (Mateo 28: 19, 20) Pero si nos perseverá den e trabou aki, nos por yuda salba bida. Asta si no yega asina leu, nos lo siña manifestá mas humildat, i nos lo ta siguiendo e pasonan di nos Shon, Hesuskristu.

Hesus Su Humildat Komo Hende

¹² Hesus su ministerio riba tera, for di kuminsamentu te final, tabata marká pa humildat. El a demostrá su humildat den e manera ku el a dirigí tur alabansa i gloria na su Tata. Tabatin biaha ku hende a elogiá Hesus pa e sabiduría di su palabranan, pa e poder di su milagernan, asta pa su karakter bondadoso. Pero bes tras bes, na lugá di aseptá e gloria ei, Hesus a dirigí na Yehova.—Marko 10:17, 18; Juan 7: 15, 16.

¹³ Hesus a demostrá humildat den e manera ku el a trata hende. De echo, el a splika bon kla ku el a bin na tera, no pa wòrdu sirbí, ma pa sirbi otronan. (Mateo 20:28) El a mostra humildat den su manera suave i rasonabel di trata ku hende. Ora ku su siguidónan a desapunt'é, e no a zundra nan; el a sigui purba di yega na nan kurason. (Mateo 26:39-41) Ora ku e multitutnan a strob'é den su intento di buska un tiki trankilidat, sosiegu i privasidat, e no a manda nan bai; el a sigui duna di su mes, i a siña nan "hopi kos." (Marko 6: 30-34) Ora ku un señora no-israelita tabata blo rog'é pa kura su yu muhé, el a indiká na promé instante ku e no kier a hasi esei. Sin embargo, e no a nenga na un manera rabiá; al final

12-14. (a) Kon Hesus a demostrá humildat ora ku hende a elogi'é?
 (b) Den ki maneranan Hesus a trata humildemente ku otro hende?
 (c) Kiko ta mostra ku Hesus su humildat no tabata djis un formalidat òf kortesia?

el a hasié tòg en bista di e muhé su fe ekstraordinario, manera nos lo bai trata den Kapítulo 14.—Mateo 15:22-28.

¹⁴ Den masha hopi manera mes, Hesus a kumpli ku loke el a bisa tokante su mes: “Mi ta mansu i humilde di kurason.” (Mateo 11:29) Su humildat no tabata superfisial, un simpel formalidat òf kortesia. El a sali di fondo di su kurason. P’esei ta di komprondé ku Hesus a duna un prioridat haltu na siña su siguidónan pa nan ta humilde!

Hesus Ta Siña Su Siguidónan pa Ta Humilde

¹⁵ Hesus su apòstelnan tabata slow den kultivá humildat. Hesus a hañ’é obligá ta purba bes tras bes pa siña nan humildat. Por ehèmpel, na un okashon Santiago ku Juan a laga nan mama pidi Hesus pa primintí ku lo e duna nan un puesto haltu den e Reino di Dios. Modestamente, Hesus a kontestá: “Pa sinta na mi man drechi i na mi man robes, esaki no ta keda na mi pa duna, ma ta pa esnan pa kendenan mi Tata a prepará esei.” E dies otro apòstelnan a tuma Santiago ku Juan “mashá na malu.” (Mateo 20:20-24) Kon Hesus a atendé e problema aki?

¹⁶ El a skual nan na un manera bondadoso, bisando: “Boso sa ku e gobernantenan di e paganonan tin dominio riba nan, i nan shon grandinan ta ehersé outoridat riba nan. Entre boso no t’asina, ma ken ku kier bira grandi entre boso lo ta boso sirbidó, i ken ku kier ta esun di promé entre boso lo ta boso esklabo.” (Mateo 20:25-27) E apòstelnan probablemente a yega di mira kon arogante, ambisioso i egoista “e gobernantenan di e paganonan” por ta. Hesus a mostra ku su siguidónan mester ta diferente for di e tiranonan hambrá pa poder ei. Nan mester tabata humilde. E apòstelnan a kapta e punto?

15, 16. Ki kontraste Hesus a menshoná entre e aktitut di gobernantenan di mundu i e aktitut ku su siguidónan mester kultivá?

¹⁷ Esei no tabata fásil pa nan. No tabata ni promé ni último biaha ku Hesus a siña nan e lès ei. Mas promé, ora ku nan tabata diskutí tokante kua di nan ta mas grandi, el a pone un mucha meimei di nan i a bisa nan pa nan ta mas manera mucha, ya ku mucha por lo general no tin e orguyo, ambishon i interes pa haña puesto ku ta asina komun entre adultonan. (Mateo 18:1-4) Sin embargo, asta riba e anochi bispu di su morto el a mira ku su apòstelnan te ainda tabata lucha ku orguyo. E ora ei el a siña nan un lès masha memorabel. El a mara un sèrbètè na su sintura i a hasi e trabou di mas humilde, algu ku normalmente ta kriánan tabata hasi den e tempu ei pa bishitantenan di un kas. Hesus a laba pia di kada un di su apòstelnan, inkluso pia di Hudas, kende tabata a punto di traishon'é!—Juan 13:1-11.

¹⁸ Hesus a yuda nan komprondé e punto tokante humildat ora ku el a bisa nan: "Mi a duna boso un ehèmpel." (Juan 13:15) E lès aki por fin a yega na nan kurason? Wèl, mas lat e anochi ei, nan a bolbe kuminsá diskutí tokante kua di nan tabata esun di mas grandi. (Lukas 22:24-27) Pero Hesus a sigui tene pasenshi ku nan i a siña nan humildemente. Despues el a duna nan e lès di mas impaktante: "El a humiliá su mes dor di bira obedesidu te na morto, asta morto na un [staka]." (Filipensenan 2:8) Hesus boluntariamente a someté su mes na un morto humiliante, kondená eróneamente komo un kriminal i un blasfemadó. Ku esei e Yu di Dios a demostrá ku e ta úniko, pasobra di tur e kriaturanan di Yehova, e ta esun ku a duna e ehèmpel sublime i perfekto di humildat.

¹⁹ Podisé ta esaki—e último lès di humildat ku Hesus a siña otronan tempu ku e tabata hende—a graba e kualidat di humildat permanentemente den kurason di su fiel apòstelnan.

17-19. (a) Bispu di Hesus su morto, den ki manera memorabel el a siña su apòstelnan un lès tokante humildat? (b) Kua tabata e lès di mas impaktante di humildat ku Hesus a siña otronan tempu ku e tabata hende?

Beibel ta bisa nos ku e hòmbèrnan aki a sigui traha humil-demente pa añanan, asta dékadanán, despues. Kiko di nos?

Abo Lo Sigui e Ehèmpel Ku Hesus A Pone?

²⁰ Pablo a konsehá kada un di nos: "Laga tin den boso e aktitut aki ku tabatin tambe den Kristu Hesus." (Filipense-nan 2:5) Meskos ku Hesus, nos mester ta humilde. Kon nos por sa si nos tin un kurason humilde? Wèl, Pablo a rekordá nos ku nos no mester "hasi nada ku un aktitut di egoismo òf orguyo, ma ku humildat laga kada un di [nos] konsiderá e otro mas importante ku [nos] mes." (Filipensenan 2:3) Pues e faktor klave ta kon nos ta mira otro hende na komparashon ku nos mes. Nos tin ku mira nan komo superior, komo mas importante ku nos. Abo lo apliká e konseho ei?

²¹ Hopi aña despues di Hesus su morto, apòstel Pedro tabata pensa ainda riba e importansia di humildat. Pedro a siña su-perintendentenan kristian pa kumpli ku nan debèrnan hu-mildemente, i nunca ehersé dominio riba e karnénan di Yehova. (1 Pedro 5:2, 3) Responsabilidat no ta hustifiká orgu-yo. Al kontrario, responsabilidat ta oumentá e nesésidat di berdadero humildat. (Lukas 12:48) Klaru ku e kualidat aki ta masha importante no solamente pa superintendentenan sino tambe pa tur kristian.

²² Un kos ta sigur, Pedro nunca mas a lubidá e anochi ei ku Hesus a laba su pia, apesar ku Pedro mes no tabata ke! (Juan 13:6-10) Pedro a skirbi na e kristiannan: "Boso tur, bisti boso mes ku humildat pa ku otro." (1 Pedro 5:5) E ekspre-shon "bisti boso mes" ta duna e idea di un kriá ku ta bis-ti un frèskòt pa kumpli ku trabou humilde. E frase aki pro-bablemente ta rekordá nos di e okashon ku Hesus a mara un sèrbètè na su sintura promé ku el a hinka rudia pa hasi e tarea di laba pia di su apòstelnan. Si nos ta sigui Hesus, lo por tin kualke asignashon ku Dios ta duna nos ku nos lo

20. Kon nos por sa si nos ta humilde?

21, 22. (a) Dikon superintendentenan kristian mester ta humilde?
(b) Kon nos por demostrá ku nos a bisti nos mes ku humildat?

Kon Bo Por Sigui Hesus?

- Ora bo ta sinti bo tentá pa broma tokante bo logronan, kon e ehèmpel di Hesus lo por guia bo?—Mateo 12:15-19; Marko 7:35-37.
- Kon lo bo por imitá e ehèmpel di Hesus dor di hasi trabou humilde na fabor di bo rumannan spiritual?—Juan 21:1-13.
- Kon lo bo por benefisiá di e ehèmpel di Hesus si bo ta sinti bo tentá pa buska prominensia i éksito den e sistema di kosnan aki?—Juan 6:14, 15.

konsiderá bou di nos nivel? E humildat di nos kurason lo mester ta bisto pa tur hende, komo si fuera nos tiné bistí.

²³ Arogansia ta manera venenu. E efektonan por ta devastador. Arogansia ta un kualidat ku por pone e persona di mas talentoso bira inútil den bista di Dios. Di otro banda, humildat por hasi asta e persona di mas ménos bira masha útil pa Yehova. Kultivá e kualidat presioso aki diariamente dor di hasi esfuerso pa kana humildemente den e pasonan di Kristu. Ki maravioso lo ta pa meditá riba e bendishon ku esei lo trese kuné. Pedro a skirbi: "Humiá boso mes anto bou di e man poderoso di Dios, pa e por halsa boso na e tempu apropiá." (1 Pedro 5:6) Yehova definitivamente a halsa Hesus p'e echo ku el a humiliá su mes kompletamente. Nos Dios di igual manera lo tin deleite den rekompensá bo pa bo humildat.

²⁴ Lamentablemente, algun hende ta pensa ku humildat ta un señal di debilidad. Hesus su ehèmpel ta yuda nos mira ki robes e pensamentu ei ta, pasobra e hònber di mas humilde tabata tambe esun ku mas kurashi. Esaki lo ta e tópiko di e siguiente kapítulo.

23, 24. (a) Dikon nos mester resistí kualke inklinashon pa ta arogante? (b) Ki idea eróneo tokante humildat e siguiente kapítulo lo yuda korigí?

“Mira, e Leon Ku Ta di e Tribu di Huda”

UN MULTITUT violento tabata buska Hesus pa arestá. Nan tabata armá ku spada i klòp i kompañá pa sòldá. Komo si fuera ku un solo propósito maligno na mente, nan a kana dor di e kayanan skur di Yerusalèm i a pasa den Roi Kedron rumbo pa Seru di Oleifi. Tabata luna yen, i tòg nan tabatin flambeau i lanterna. Akaso nan tabatin esakinan pasobra e nubianan a tapa e klaridat di luna? Òf nan a kere ku e persona ku nan tabata buska lo a bai skonde den skuridat? Un kos ta sigur: Ken ku a pensa ku Hesus lo a kobardiá no a konosé su karakter.

² Hesus tabata sa di e peliger ku tabata aserká. Tòg el a para warda. E multitut violento a yega serka dje, guiá pa Hudas ku anteriormente tabata un amigu di konfiansa. Sin niun klase di bèrgwensa, Hudas a traishoná Hesus. El a identifiká su shon ku un saludo i un sunchi hipókrita. Pero Hesus a keda trankil. Anto Hesus a bin dilanti di e multitut violento i a puntra nan: “Ta ken boso ta buska?” Nan a kontest’é: “Hesus di Názaret.”

³ Mayoria di hende lo tabata morto spantá dilanti di un multitut violento i armá asina. Podisé ta esei tabata loke e multitut aki a ferwagt di e hòmbler nan dilanti. Pero Hesus no a kobardiá, e no a hui bai ni e no a kore gaña algu. Mas bien, el a bisa simplemente: “Ta ami t’e.” El a reakshoná asina kalmu, ku asina tantu kurashi, ku e hòmbnernan a keda pasmá. Nan a hala atras, tambaleá i kai abou na suela!—Juan 18:1-6; Mateo 26:45-50; Marko 14:41-46.

⁴ Kiko por a yuda Hesus konfrontá un peliger asina grandi

1-3. Ki peliger a bin riba Hesus, i kon el a reakshoná?

4-6. (a) Beibel ta kompará e Yu di Dios ku kiko, i dikon? (b) Kua ta tres manera ku Hesus a desplega kurashi?

ku tantu trankilidat i dominio propio? Den un solo palabra: kurashi. Kurashi ta un di e kualidatnan mas nesario i mas gustá den un lider, i ningun hende nunca a igualá, muchu ménos surpasá, Hesus den esaki. Den e kapítulo anterior, nos a siña kon humilde i mansu Hesus tabata. Korektamente Beibel a yam'é "un Lamchi." (Juan 1:29) Sin embargo, e kurashi di Hesus ta pone ku Beibel ta deskribié ku kompletamente un otro nòmber. E ta bisa di e Yu di Dios: "Mira, e Leon ku ta di e tribu di Huda."—Revelashon 5:5.

⁵ Leon ta ser ligá hopi biaha ku kurashi. Abo a yega di ta kara-kara ku un leon machu adulto? Wèl, muy probablemente tabatin un waya ta protehá bo for di e bestia aki, kisas e waya di su kouchi den un parke di bestia. Asina mes, esei por ta un eksperensia ku ta hinka spantu den bo kurpa. Ora bo wak e kriatura grandi i poderoso aki stret den su kara i e tambe keda wak bo bèk duru den bo kara, lo bo no por imaginá ku un leon ta kore bai di miedu. Beibel ta papia di "e leon, ku ta esun di mas fuerte entre e bestianan, i ku no ta hala atras pa nada." (Proverbionan 30:30) Asina e kurashi di Kristu tabata.

⁶ Laga nos ban konsiderá awor tres manera ku Hesus a desplegá kurashi manera leon: ora el a defendé e bèrdad, ora el a sostené hustisia i ora el a enfrentá oposishon. Nos lo mira tambe ku nos tur por imitá Hesus den musta kurashi, sea ku di naturalesa nos tin kurashi òf nò.

Ku Kurashi El A Defendé e Bèrdad

⁷ Den un mundu goberná pa Satanas, "e tata di mentira," hopi bes bo mester tin kurashi pa defendé e bèrdad. (Juan 8:44; 14:30) Hesus no a warda te ora el a bira adulto pa hasi esei. Na edat di 12 aña, Hesus a pèrdè for di su mayornan

7-9. (a) Kiko a sosodé tempu Hesus tabatin 12 aña, i kiko bo ta kere a hasi e situashon ei intimidante? (b) Kon Hesus a desplegá kurashi den su trato ku e siñadónan den tèmpel?

despues di e fiesta di Pasku Hudiu na Yerusalem. Tres dia largu, Maria ku Hosé a buska e mucha desesperadamente. Finalmente nan a hañ'é den tèmpel. Anto kiko nan a hañ'é ta hasi einan? “Sintá meimei di e siñadónan, ta skucha nan i ta hasi nan pregunta.” (Lukas 2:41-50) Pensa riba e marko di sirkunstansia di e kòmbersashon ei.

⁸ Historiadónan ta bisa ku algun di e lidernan religioso principal tabatin e kustumber di keda na e tèmpel despues di e fiestanen i siña hende den un di e verandanan espasioso ku tabatin einan. Hende tabata kai sinta na nan pia pa skucha nan i hasi nan pregunta. E maestronan aki tabata hòmbrenan siñá. Nan tabata vèrsá den e Lei di Moisés i tambe den e gran kantidat di lei i tradishon kompliká ku hende a traha i ku a oumentá sinfin atraves di añanan. Kon abo lo a sinti bo sintá meimei di nan? Intimidá? Esei lo ta di komprondé. I kiko si bo tabatin apénas 12 aña di edat? Hopi mucha ta tímido. (Jeremias 1:6) Tin di nan ta purba tur manera pa no hala atenshon di nan maestronan na skol; e hòbennan aki tin miedu ku ta yama riba nan pa hasi òf bisa algu, nan tin miedu di haña atenshon spesial, miedu di e posibilidat di ser bron-gosá òf tentá.

⁹ Sin embargo, aki nos ta haña Hesus, sintá meimei di e hòmbrenan siñá ei, ta hasi nan pregunta profundo sin miedu. El a bai asta mas aleu. E relato ta bisa nos: “Tur esnan ku a tend'é a keda strañá di su komprondementu i su kontestanan.” (Lukas 2:47, 48) Beibel no ta konta nos kiko el a bisa na e okashon ei, pero nos por tin sigur ku e no a djis ripití manera lora e mentiranan ku e maestronan religioso ei tabata promové. (1 Pedro 2:22) Nò, Hesus a sostené e bèrdat di e Palabra di Dios, i su oyentenan sigur tabata asombrá ku un mucha hòMBER di 12 aña por a ekspresá su mes ku asina tantu komprondementu penetrante i kurashi.

¹⁰ Awe tin kantidat di hóben kristian ta sigui den e pasonan

10. Kon hòbennan kristian awe ta imitá e kurashi di Hesus?

di Hesus. Ta bèrdat ku nan no ta perfekto manera e hóben Hesus tabata. Pero meskos ku Hesus, nan no ta warda te ora nan bira adulto pa nan defendé e bèrdat. Na skol òf den e komunidad kaminda nan ta biba, nan ta hasi hende pregunta ku takto, ta skucha nan kontesta i ku rèspèt ta kompartí e bèrdat ku nan. (1 Pedro 3:15) Komo grupo, e hóbennan aki a yuda hopi kompañero di skol, maestro i bisiña bira siguidó di Kristu. Yehova lo mester ta hopi kontentu ku nan kura-shi! Su Palabra ta kompará hóbennan asina ku serena, algu refrescante, agradabel i numeroso.—Salmo 110:3.

¹¹ Komo adulto, Hesus bes tras bes a defendé e bèrdat ku kurashi. De echo, su ministerio a kuminsá ku un konfrontashon ku hopi hende lo a yama spantoso. Hesus komo hende di karni i sanger, no komo arkangel poderoso, mester a konfrontá Satanas, e enemigu di mas fuerte i peligroso di Yehova. Hesus a rechasá Satanas i a refutá e manera ku el a trose e Skritura inspirá. Hesus a terminá e enkuentro bisando ku kurashi: "Bai for di akinan, Satanas!"—Mateo 4:2-11.

¹² Pues asina Hesus a establese e patronchi ku lo el a sigui den su ministerio, esta, di defendé e Palabra di su Tata ku kurashi kontra esfuersonan pa tros'é òf aplik'é robes. E tempu ei, meskos ku awor, tabatin hopi engaño religioso. Hesus a bisa lidernan religioso di su tempu: 'Boso ta hasi e palabra di Dios bira sin balor dor di boso tradishon ku boso a pasa over pa otronan.' (Marko 7:13) E pueblo en general tabata venerá e hòmbennan ei mashá, pero sin miedu Hesus a denunsiá nan komo guia siegu i hipókrita.* (Mateo 23:13, 16) Kon nos por imitá e aspekto aki di Hesus su ehèmpel di kurashi?

* Historiadónan a komentá ku nan tabata venerá e grafnan di e rabinan den kasi mesun manera ku nan tabata hasi ku e grafnan di e profetanen i patriarkanen.



***Hopi hóben kristian
ku kurashi ta kompartí
nan fe ku otro hende***

¹³ Naturalmente, nos ta kon-
siente ku nos no tin Hesus su
kapasidat di lesa kurason ni
su outoridat di husga. Sin em-
bargo, nos por imitá su kura-
shi den defendé e bèrdat. Por
ehèmpel, ora nos ta desen-
maskará mentiranan religio-
so—e mentiranan ku asina
hopi biaha nan ta siña hen-
de tokante Dios i su propó-
sito i su Palabra—nos ta trese
lus den un mundu ku ta den
skuridat debí na propaganda
satániko. (Mateo 5:14; Revela-
shon 12:9, 10) Nos ta yuda li-
bra hende for di sklabilitut na
siñansanan falsu ku ta yena

nan kurason ku un miedu insaludabel i ku ta perhudiká nan
relashon ku Dios. Ki un gran privilegio nos tin di mira e kum-
plimentu di Hesus su promesa: “E bèrdat lo hasi boso liber”!
—Juan 8:32.

Ku Kurashi El A Sostené Hustisia

¹⁴ Profesia bíbliko a bisa di antemano ku e Mesias lo a klari-
fiká pa e nashonnan “kiko ta hustisia.” (Mateo 12:18, NW;
Isaias 42:1) Hesus sigur a kuminsá hasi esei tempu e tabata
riba tera. Ku gran kurashi el a demostrá di ta semper hustu
i imparsial den su trato ku hende. Por ehèmpel, el a nenga

13. Kiko nos tin ku kòrda ora nos ta imitá Hesus, pero ki privilegio
nos tin?

14, 15. (a) Kua ta un manera ku Hesus a klarifiká “kiko ta hustisia”?
(b) Ora Hesus a papia ku un muhé samaritano, ki prehuisionan e no
a hasi kaso di dje?

di adoptá e prehuisionan i intoleransia ku tabata reina den e mundu rònt di dje i ku tabata kontrali na siñansa bíbliko.

¹⁵ Ora ku Hesus a papia ku un muhé samaritano na e pos di Sikar, su disipelnan a keda sorprendí. Dikon? Den e tempu ei, hudiu en general tabata odia samaritano; pa hopi siglo kaba nan tabatin e despresio aki. (Esdras 4:4) Ademá, algun rabi tabata mira hende muhé ku menospresio. E reglanan rabíniko, ku despues nan a pone por eskrito, a deskurashá hende hòMBER di kòMBERSÁ ku hende muhé; asta nan a sugerí ku hende muhé no tabata digno di haña instrukshon den e Lei di Dios. Especialmente hende muhé samaritano nan a konsiderá impuru. Hesus no a hasi kaso di tal prehuizio inhustu i abiertamente el a siña e muhé samaritano (ku por sierto tabata hiba un bida immoral), i asta a revelá na e muhé ku é ta e Mesias.—Juan 4:5-27.

¹⁶ Bo a yega di ta den kompania di hende ku tin prehuizio masha ofensivo? Podisé nan ta konta chiste di menospresio tokante hende di otro rasa òf nashon, ta rebahá e sekso opuesto òf ta despresiá hende di otro nivel ekonómiko òf sosial. Siguidónan di Kristu no ta aprobá tal punto di bista ku ta reflehá odio, i nan ta traha duru pa eliminá kualke rastro di prehuizio ku tin den nan propio kurason. (Echonan 10:34) Kada un di nos tin ku kultivá kurashi pa ta hustu den e aspekto aki.

¹⁷ Ta kurashi tambe a pone Hesus bringa pa tene e pueblo di Dios limpi i pa e areglo di adorashon puru. Na prinsipio di su ministerio, el a dreña den e patio di e tèmpel na Yerusalèm i a keda hororisá di mira komersiante i kambiadó di plaka ta hasi nan negoshi einan. Yen di indignashon hustu, Hesus a saka e hòMBERNAN golos ei i nan merkansia for di den tèmpel. (Juan 2:13-17) Mas despues, kasi na final di su ministerio, el

16. Dikon kristiannan tin mester di kurashi pa ta diferente relashoná ku prehuizio?

17. Ki akshon Hesus a tuma den tèmpel, i dikon?

a bolbe hasi meskos. (Marko 11:15-18) E akshonnan aki sigur a pon'é haña algun enemigu poderoso, tòg e no a vasilá. Dikon? Pasobra for di chikí, el a yama e tèmpel aki e kas di su Tata, i el a men esei. (Lukas 2:49) E kontaminashon di adorashon puru ku tabata tuma lugá einan tabata un inhustisia ku hamas lo e por a sera wowo p'e. Su selo a dun'é e kurashi pa hasi loke tabata nesenario.

¹⁸ E siguidónan di Kristu awe tambe ta profundamente interesá pa e pueblo di Dios ta limpi i interesá den e areglo di adorashon puru. Si nan mira ku un kompañero kristian ta enbolbí den malecho serio, nan no ta djis sera wowo pa esei. Ku kurashi nan ta papia ku e persona òf ku e ansianonan. (1 Korintionan 1:11) Nan ta hasi sigur ku e ansianonan di kongregashon ta haña sa di e asunto. E ansianonan por yuda e personanan ku ta spiritualmente malu i tambe por tuma akshon pa konserbá e posishon limpi di e karnénan di Yehova.—Santiago 5:14, 15.

¹⁹ Pero nos mester konkluí for di esaki ku Hesus a lucha kontra inhustisia den mundu en general? Tur rònt di dje siguramente tabatin inhustisia. Su pais tabata okupá pa un potensia stranhero. E romanonan a oprimí e hudiunan ku un presensia militar potente, a kobra nan belasting pisá i asta a interferí den nan kustumbènan religioso. P'esei no ta un sorpresa ku hopi hende tabata ke pa Hesus drenta den e polítika di su tempu. (Juan 6:14, 15) Un biaha mas Hesus mester a demostrá kurashi.

²⁰ Hesus a splika ku su Reino no tabata parti di mundu. Mediante su ehèmpel, el a entrená su siguidónan pa nan no mete den e peleanan polítiko di e tempu ei i pa nan enfoká

18. Kon kristiannan djawe por demostrá kurashi den e asunto di tene e kongregashon limpi?

19, 20. (a) Ki inhustisianan tabata reina den tempu di Hesus, i ki preshon Hesus a konfrontá? (b) Dikon siguidónan di Kristu ta nenga di mete den polítika i violensia, i kiko ta un di e rekompensanan pa nan posishon?



mas bien riba e predikashon di e bon nobo di e Reino di Dios. (Juan 17:16; 18:36) El a siña nan un lès impaktante relashoná ku neutralidat ora ku e multitud violento a bin pa arest'é. Pedro a bula aktua, i sin pensa el a zuai su spada i heridá un hòmber. Ta fásil pa aprobá loke Pedro a hasi. Si un dia violencia lo por a parse hustifiká, lo tabata e anochi ei ku nan a ataká Dios su Yu inosente. Sin embargo, Hesus na e momento ei a establese e norma pa su siguidónan terenal te ku awe: “Pone bo spada bèk na su lugá; pasobra tur esnan ku saka spada lo peresé pa medio di spada.” (Mateo 26:51-54) Pa e siguidónan di Kristu por a mantené tal posishon pasífiko, nan definitivamente tabatin mester di kurashi e tempu ei, meskos ku ta e kaso awe. Debí ku e pueblo di Dios djawe a tuma un posishon di neutralidat kristian, nan registro ta limpi i nunca nan a enbolbé nan mes den e kantidat sinfin di guera, holokousto, disturbio i aktonan similar di violencia. E registro ekselente ei ta un di e rekompensanan pa nan kurashi.

Ku Kurashi El A Enfrentá Oposishon

²¹ Yehova su Yu tabata sa di antemano ku lo el a enfrentá oposishon severo aki riba tera. (Isaias 50:4-7) El a enfrentá hopi menasa di morto ku a kulminá den esun deskribí na komienso di e kapítulo aki. Kon Hesus a mantené su kurashi apesar di tal peliger? Wèl, kiko Hesus tabata hasi nèt promé ku e multitud violento a bin pa arest'é? E tabata hasi orashon ferviente na Yehova. Anto kiko Yehova a hasi? Beibel ta bisa nos ku Hesus “a wòrdu tendí.” (Hebreonan 5:7) Yehova a manda un angel for di shelu pa fortalese su Yu balente. —Lukas 22:42, 43.

²² Djis despues ku e angel a fortalese, Hesus a bisa su apòstelnan: “Lanta, laga nos ban.” (Mateo 26:46) Pensa riba

21, 22. (a) Ki yudansa Hesus a haña promé ku el a enfrentá su prueba di mas difisil? (b) Kon Hesus a demostrá di tin kurashi te na final?

“Ta ami t’e”

kuantu kurashi tabatin tras di e palabranan ei. El a bisa: "Laga nos ban," sabiendo ku e lo a pidi e multitud violento pa spar su amigunan, sabiendo ku tur e kompañeronan ei lo a hui bai lag'é, i sabiendo ku ta e so lo a bai enfrentá e eksperensia di mas difísil di su bida. E tabata su so ora el a enfrentá un hui-sio ilegal i inhustu, tambe bofon, tortura i un morto agonisante. Atraves di tur esei, su kurashi ningun momento so no a lag'é na kaya.

²³ Akaso Hesus su reakshon tabata un akto deskabeyá? Nò; ser deskabeyá no tin nada keber ku berdadero kurashi. De echo, Hesus a siña su siguidónan pa ta kouteloso, i alehá pru-

23. Splika dikun e manera ku Hesus a enfrentá peliger i menasa di morto no tabata un akto deskabeyá.

***Testigunan di Yehova a demostrá kurashi
apesar di persekushon***



Kon Bo Por Sigui Hesus?

- Kon e ehèmpel di Hesus por yuda bo papia ku kurashi, asta si hende ta haña e bèrdatan ku bo ta kompartí ofensivo? —Juan 8:31-59.
- Dikon nunca nos no mester laga un miedu spantoso di Satanás òf di su demoñonan stroba nos di yuda otro hende? —Mateo 8:28-34; Marko 1:23-28.
- Dikon nos mester ta dispuesto pa kore e riesgo di ser persiguí afin di mustra kompasjon na hende oprímí? —Juan 9:1, 6, 7, 22-41.
- Kon Hesus su speransa pa futuro a yud’é enfrentá prueba, i kon bo speransa por duna abo kurashi? —Juan 16:28; 17:5; Hebreonan 12:2.

dentemente for di peliger pa nan por sigui hasi e boluntat di Dios. (Mateo 4:12; 10:16) Pero den e kaso aki Hesus tabata sa ku no tabatin manera p’e kita for di einan. E tabata sa ku esaki tabatin di hasi ku e boluntat di Dios. Hesus tabata determiná pa mantené su integridat, pues e úniko kaminda tabata di sigui padilanti, i enfrentá e prueba di su fe direktamente.

²⁴ Hopi biaha siguidónan di Hesus a sigui ku kurashi den e pasonan di nan Shon! Hopi di nan a para firme apesar di bonfon, persekushon, aresto, enkarselashon, tortura i asta morto. Di unda hende imperfekto ta saka tal kurashi? Esei no ta sali simplemente di nan mes. Meskos ku Hesus a haña yudansa djariba, asina tambe ta e kaso ku su siguidónan. (Filipensenan 4:13, NW) Pues, nunca tene miedu di loke por bin den futuro. Sea determiná pa mantené bo integridat, i Yehova lo duna bo e kurashi ku bo tin mester. Sigui saka fortaleza for di e ehèmpel di nos Lider, Hesus, kende a bisa: “Tene kurashi, mi a vense mundu.” —Juan 16:33.

24. Dikon nos por ta sigur ku nos por tin kurashi apesar di kualke prueba ku surgi?

“Tur e Tesoronan di Sabiduria”

TABATA un dia den lènte di aña 31 di nos era. Hesukristu tabata pegá ku Kapernaum, un stat yen di aktividad na kosta nortwèst di Laman di Galilea. Riba un seru den bisindario, Hesus a pasa henter anochi su so ta hasi orashon. Ora ku di dia a habri, el a yama su disipelnan i a skohe 12 for di entre nan ku el a duna e nòmber apòstel. Miéntas tantu, gruponan grandi di hende—tin di nan for di lugánan basta leu—a sigui Hesus na e sitio aki i a reuní na un lugá plat riba e seru. Nan tabata ansioso pa tende kiko e tabatin di bisa i p’e kura nan di nan malesanan. Hesus no a desapuntá nan.—Lukas 6:12-19.

² Hesus a aserká e multitut i a kura tur hende ku tabata malu. Finalmente, ora ku ningun di nan no tabata sinti e doló di un malesa grave mas, el a kai sinta i kuminsá siña nan.* E palabranan ku el a papia e dia fresku ei di lènte lo mester a sorprendé su oyentenan. Nunka nan no a tende un hende siña nan manera el a hasi. Pa duna peso na su siñansa, e no a referí na tradishonnan oral ni na rabinan hudiu bon konosí. Mas bien, el a sita bes tras bes for di e Skritura Hebreo inspirá. E mensahe ku el a duna tabata stret, ku palabranan simpel i e nifikashon tabata bon kla. Ora ku el a kaba, e hendenan a keda masha asombrá. I ku bon motibu,

* E diskurso ku Hesus a duna e dia ei a bira konosí komo e Sermon Riba Seru. Manera e ta pará skirbí na Mateo 5:3–7:27, e ta konsistí di 107 versíkulo i probablemente lo a dura un 20 minüt so pa present’é.

1-3. Kiko tabata e marko di sirkunstansia di e sermon ku Hesus a duna riba un dia den lènte di aña 31, i dikun su oyentenan a keda masha asombrá?



ya ku nan a kaba di skucha e hòmber di mas sabí ku a yega di biba!—Mateo 7:28, 29.

³ E sermon ei huntu ku hopi otro kos ku Hesus a bisa i hasi ta pará skirbí den e Palabra di Dios. Ta bon pa nos investigá kiko e registro inspirá ei ta bisa di Hesus, pasobra den Hesus tin “tur e tesoronan di sabiduria.” (Kolosensenan 2:3) Di unda Hesus a haña e sabiduria ei, esta, e abilidad di apliká konosementu i komprondementu na un manera práktiko? Kon el a desplegó sabiduria, i kon nos por sigui su ehèmpel?

“Di Unda e Hòmber Aki A Haña e Sabiduria Aki?”

⁴ Durante un di Hesus su rekoridonan pa prediká, el a bi-shitá Názaret, e pueblo kaminda el a lanta, i a kuminsá siña hende den e snoa ku tin einan. Hopi di su oyentenan a keda masha asombrá i a puntra nan mes: “Di unda e hòmber aki a haña e sabiduria aki?” Nan tabata konosé su famia—su mayornan i su rumannan—i nan tabata sa ku el a bin di un ambiente humilde. (Mateo 13:54-56; Marko 6:1-3) Sin duda nan tabata sa tambe ku e karpinté elokuyente aki no a bai ningun di e skolnan rabíniko prestigioso. (Juan 7:15) Pues nan pregunta por a parse lógiko.

⁵ E sabiduria ku Hesus a desplegó no tabata simplemente produkto di su mente perfekto. Mas despues den su ministerio, ora e tabata siña abiertamente den tèmpel, Hesus a revelá ku su sabiduria tabata di un fuente hopi mas elevá. E di: “Mi siñansa no ta di mi, ma di esun ku a manda mi.” (Juan 7:16) Sí, e Tata, esun ku a manda e Yu, tabata e berda-dero fuente di Hesus su sabiduria. (Juan 12:49) Pero kon Hesus a haña sabiduria for di Yehova?

⁶ Tabata e spiritu santu di Yehova ku a obra den Hesus su

4. Ki pregunta e oyentenan di Hesus a hasi, i dikon?

5. Segun Hesus, su sabiduria tabata di ki fuente?

6, 7. Den ki maneranan Hesus a haña sabiduria for di su Tata?

kurason i mente. Isaías a profetisá di Hesus komo e Mesias primintí: “E spiritu di SEÑOR lo keda riba dje, e spiritu di sabiduria i komprondementu, e spiritu di konseho i poder, e spiritu di konosementu i temor di SEÑOR.” (Isaías 11:2) Komo Yehova su spiritu tabata riba dje i a guía su pensamentu- i desishonnan, no ta nada straño ku tur loke Hesus a bisa i hasi a reflehá un sabiduria eksepshonal.

⁷ Hesus a haña sabiduria for di su Tata den un otro manera mas ku ta masha profundo. Manera nos a mira den Kapítulo 2, durante Hesus su eksistensia prehumano—ku a abarká un periodo inmenso—el a haña e oportunidat di siña mira kosnan for di e punto di bista di Yehova. Nos no por ni imaginá kon profundo e sabiduria ku e Yu a haña na lado di su Tata tabata, trahando duru komo Dios su “trahadó eksperto” den e kreashon di tur otro kos, tantu e kosnan ku tin bida komo esnan sin bida. Ku bon motibu anto, Beibel ta deskribí e Yu den su eksistensia prehumano komo sabiduria personifiká. (Proverbionan 8:22-31; Kolosensenan 1: 15, 16) Durante henter Hesus su ministerio, e por a usa e sabiduria ku el a haña na lado di su Tata den shelu.* (Juan 8:26, 28, 38) P’esei nos no mester keda sorprendí pa e kantidat di konosementu i e profundidat di komprondementu ku e palabranan di Hesus a reflehá òf pa e sano huisio ku tabata bisto den tur loke el a hasi.

⁸ Komo siguidó di Hesus, nos tambe tin ku akudí na Yehova komo e fuente di sabiduria. (Proverbionan 2:6) Klaru ku Yehova no ta duna nos sabiduria milagrosamente. Pero sí e ta kontestá nos orashonnan sinsero den kua nos ta pidi e sabiduria nesesario pa trata ku éksito ku e difikultatnan di bida. (Santiago 1:5) Pa nos haña e sabiduria ei, nos tin ku

* Aparentemente, Hesus a haña na su boutismo e rekuerto di su eksistensia prehumano ora ku “e shelunan a wòrdu habrí.”—Mateo 3:13-17.

8. Komo siguidó di Hesus, kon nos por haña sabiduria?

hasi hopi esfuerse. Nos tin ku sigui busk'é "manera tesoro skondí." (Proverbionan 2:1-6) Sí, nos tin ku sigui koba baiundu den e Palabra di Dios, kaminda su sabiduria ta ser revelá, i pone nos bida na armonia ku loke nos ta siña. Especialmente e ehèmpel di Yehova su Yu ta balioso pa yuda nos haña sabiduria. Laga nos analisá vários área den kua Hesus a desplega sabiduria i siña kon nos por imit'é.

Palabranan di Sabiduria

⁹ Gran kantidat di hende a basha bai serka Hesus djis pa nan tend'é papia. (Marko 6:31-34; Lukas 5:1-3) I esaki no tabata straño, pasobra ora Hesus a habri su boka, palabranan di sabiduria sin igual tabata sali! Su siñansanan a reflehá un konosementu profundo di e Palabra di Dios i un abilidad inkomparabel di bai na rais di un asunto. Su siñansanan ta atraé hende di tur parti di mundu i ta semper válido. Konsiderá algun ehèmpel di e sabiduria ku nos ta haña den e palabranan di Hesus, kende ta e "Konsehero Maravioso" profetisá.—Isaias 9:6.

¹⁰ E Sermon Riba Seru, menshoná na prinsipio, ta e kolekshon mas grandi di siñansa di Hesus sin interupshon di un narashon òf di

9. Kiko a pone ku e siñansanan di Hesus tabata asina sabí?

10. Ki kualidatnan positivo Hesus a urgi nos pa kultivá, i dikon?

***Beibel ta revelá
e sabiduria
di Dios***



palabranan di otro hende. Den e sermon aki, Hesus no a djis konsehá nos pa papia loke ta korekto i komportá nos bon. Su konseho ta bai hopi mas profundo ku esei. Komo ku Hesus tabata sa ku pensamentu i sintimentu ta hiba na palabra i akshon, el a urgí nos pa kultivá kualidatnan positivo di mente i kurason, manera humildat, hamber pa hustisia, e inklinashon pa ta misericòrdioso i pa hasi pas, i amor pa otro hende. (Mateo 5:5-9, 43-48) Segun ku nos ta desaroyá e tipo di kualidatnan ei den nos kurason, nos abla i komportashon lo bira mas sano, lokual no solamente ta agradá Yehova sino tambe ta promové bon relashon ku otro hende.—Mateo 5:16.

¹¹ Ora Hesus a duna konseho tokante komportashon pekaminoso, el a bai na rais di e asunto. E no a djis bisa nos keda leu for di aktonan violento. Mas bien, el a spièrta nos pa no laga rabia keda kushi den nos kurason. (Mateo 5:21, 22; 1 Juan 3:15) Hesus no a prohibí e akto di adulterio so. El a spièrta tambe kontra e pashon ku ta kuminsá den kurason i ku ta hiba na tal traishon. El a spièrta nos pa no laga nos wowonan lanta mal deseo i stimulá pashon. (Mateo 5:27-30) Hesus a dirigí atenshon na e kousa, no djis na e síntomanan. El a papia di e aktitutnan i deseonan ku ta hiba na aktonan pekaminoso.—Salmo 7:14.

¹² Ki un gran sabiduria tin den e palabranan di Hesus! Nada straño ku "e multitutnan a keda asombrá di su siñansa." (Mateo 7:28) Komo su siguidó, nos ta mira su konseho sabí komo un guía pa nos bida. Nos ta trata na kultivá e kualidatnan positivo ku el a rekomendá—entre otro, misericòrdia, pas i amor—sabiendo ku asina nos ta poniendo un fundeshi pa kondukta ku ta agradá Yehova. Nos ta hasi esfuerso pa saka e sintimentu- i deseonan negativo ku el a

11. Ora di duna konseho tokante komportashon pekaminoso, kon Hesus a bai na rais di e asunto?

12. Kon siguidónan di Hesus ta mira su konseho, i dikon?

spièrta kontra dje for di nos kurason—kosnan manera rabia, amargura i deseonan immoral—sabiendo ku esei lo yuda nos evitá kondukta pekaminoso.—Santiago 1:14, 15.

Un Bida Dirigí pa Sabiduria

¹³ Hesus a desplegó sabiduria no solamente ku palabra sino tambe ku echo. Henter su manera di biba—su desishonnan, e manera ku el a mira su mes i su trato ku otro hende—a demostrá hopi faseta bunita di sabiduria. Konsiderá algun ehèmpel ku ta mustra ku “sabiduria sano i diskreshon” ta loke a dirigí Hesus su bida.—Proverbionan 3:21.

¹⁴ Sabiduria ta inkluí sano huisio. *Hesus a usa bon huisio ora el a skoge su rumbo den bida.* Bo por imaginá e klase di bida ku Hesus lo por tabatin: e kas ku e por a traha, e negoshi ku e por a lanta òf e fama mundial ku e por a logra? Hesus tabata sa ku un bida dediká na e aktividatnan ei “ta banidat i korementu tras di bientu.” (Eklestias 4:4; 5:10) Un rumbo asina ta bobedat, lo kontrario di sabiduria. Hesus a skohe pa tene su bida simpel. E no tabata interesá den traha plaka ni akumulá poseshon material. (Mateo 8:20) Na armonia ku loke el a siña hende, el a tene su wowo simpel, esta, enfoká riba un solo propósito: hasimentu di e boluntat di Dios. (Mateo 6:22, NW) Hesus sabiamente a dediká su tempu i energia na interesnan di Reino, lokual ta hopi mas importante i benefisioso ku kosnan material. (Mateo 6:19-21) Pues, el a laga atras un ehèmpel digno di imitá.

¹⁵ Siguidónan di Hesus djawe ta mira e sabiduria di tene un wowo simpel. P’esei nan ta evitá di karga nan mes ku debe innesesario i ku aktividatnan mundano ku ta eksigí

13, 14. Kiko ta mustra ku Hesus a usa bon huisio ora el a skohe e rumbo di su bida?

15. Kon siguidónan di Hesus por demostrá ku nan ta tene nan wowo simpel, i dikun esaki ta e rumbo di sabiduria?

demasiado tempu i energia. (1 Timoteo 6:9, 10) Hopi di nan a dal paso pa simplifiká nan estilo di bida di manera ku nan por dediká mas tempu na e ministerio kristian, podisé asta sirbiendo komo proklamadó di Reino di tempu kompletu. No tin un rumbo mas sabí pa sigui, pasobra ora nos ta mantené interesnan di Reino na nan debido lugá, esei ta resultá den e felisidat i satisfakshon di mas grandi.—Mateo 6:33.

¹⁶ Beibel ta konektá sabiduria ku modestia. Ser modesto ta enserá ser konsiente di nos limitashonnan. (Proverbionan 11:2, NW) *Hesus tabata modesto i realístiko den loke el a spera di su mes.* E tabata sa ku lo e no a kombertí tur hende ku a tende su mensahe. (Mateo 10:32-39) El a realisá tambe ku lo e por a prediká na un kantidat limitá di hende. P'e-sei sabiamente el a konfia e trabou di hasi disipel na su siguidónan. (Mateo 28:18-20) Ku modestia el a rekonosé ku nan lo hasi "obranan mas grandi ku" esnan di dje, pasobra nan lo alkansá mas hende riba un área mas grandi i pa un periodo di tempu mas largu. (Juan 14:12) Ademas, Hesus a rekonosé ku e tambe tin mester di yudansa. El a aseptá yudansa di e angelnan ku a bin sirbié den desierto i di e angel ku a fortalés'é den Getsemané. Den su momento di mas nesesidat, e Yu di Dios a sklama pa yudansa.—Mateo 4:11; Lukas 22:43; Hebreonan 5:7.

¹⁷ Nos tambe mester ta modesto i realístiko den loke nos ta spera di nos mes. Definitivamente nos lo ke traha di henter nos kurason i hasi tur esfuerso den e trabou di prediká i hasi disipel. (Lukas 13:24; Kolosensenan 3:23) Na mes momento, nos tin ku kòrda ku Yehova no ta kompará nos un ku otro, ni nos tampoko no mester hasi esei. (Galationan 6:4) Sabiduria práktiko lo yuda nos fiha metanan realístiko di akuerdo ku nos abilidadat- i sirkunstansianan. Ademas,

16, 17. (a) Den ki maneranan Hesus a demostrá ku e tabata modesto i realístiko den loke el a spera di su mes? (b) Kon nos por demostrá ku nos ta modesto i realístiko den loke nos ta spera di nos mes?

sabiduria lo guia esnan den puesto di responsabilidad pa rekonosé ku nan tin nan limitashonnan i ku de bes en kuan-do nan tin mester di yudansa i sosten. Modestia lo pone personanan asina aseptá e yudansa ku gratitut, rekonosien-do ku Yehova por usa un ruman den fe pa bira "un enku-rashamentu" pa nan.—Kolosensenan 4:11.

¹⁸ Santiago 3:17 ta bisa: "E sabiduria di ariba [ta] rasonabel." *Hesus tabata rasonabel i positivo den su trato ku su disipelnan.* E tabata bon na haltura di nan faltanan, sin embargo el a buska e bon den nan. (Juan 1:47) E tabata sa ku nan lo a bandon'é e anochi di su aresto, pero e no a duda di nan lealtat. (Mateo 26:31-35; Lukas 22:28-30) Pedro a nenga tres biaha di asta konosé Hesus. Tòg Hesus a hasi orashon na fabor di Pedro i a ekspresá konfiansa den su fieldat. (Lukas 22:31-34) Riba e último anochi di su bida terenal, Hesus den orashon na su Tata no a enfoká riba e erornan ku su disipelnan a hasi. Mas bien, el a papia positivamente di nan manera di anda te ku e anochi ei, bisando: "Nan a warda bo palabra." (Juan 17:6) Apesar di nan imperfekshonnan, el a enkargá nan ku e trabou di prediká e Reino i di hasi disipel. (Mateo 28:19, 20) E konfiansa i fe ku el a ekspresá den nan sin duda a fortalese nan pa sigui ku e trabou ku el a manda nan hasi.

¹⁹ Siguidónan di Hesus tin motibu pa imitá su ehèmpel den esaki. Si Dios su Yu perfekto mes a trata ku pasenshi ku su disipelnan imperfekto, kuantu mas nos komo hende pekaminoso mester ta rasonabel ora nos ta trata ku otro! (Filipensenan 4:5, NW) En bes di enfoká riba e imperfekshonnan di nos rumannan den fe, nos ta hasi bon di buska e bon den nan. Ta sabí di nos parti pa kòrda ku ta Yehova a atraé nan na dje. (Juan 6:44) Pues, siguramente e mester ta

18, 19. (a) Kiko ta mustra ku Hesus tabata rasonabel i positivo ora el a trata ku su disipelnan? (b) Dikon nos tin bon motibu pa trata otro na un manera rasonabel i positivo, i kon nos por hasi esei?

Kon Bo Por Sigui Hesus?

- Si bo ta sinti ku bo a ofendé un ruman den fe, kiko ta e kos sabí pa hasi?—Mateo 5:23, 24.
- Si hende insultá bo òf provoká bo, kon e palabranan di Hesus lo por yuda bo reakshoná na un manera sabí?—Mateo 5:38-42.
- Kon e echo ku bo ta meditá riba e palabranan di Hesus por yuda bo tene un punto di bista balansá di plaka i poseshon?—Mateo 6:24-34.
- Ora di fiha prioridat den bo bida, kon lo bo por tuma un desishon sabí dor di sigui e ehèmpel di Hesus?—Lukas 4:43; Juan 4:34.

mira algu bon den nan, i nos tambe mester hasi meskos. Un aktitut positivo lo yuda nos pa no solamente “laga un ofensa pasa,” sino tambe pa buska den ki área mas nos por elogiá otro hende. (Proverbionan 19:11) Ora nos ta ekspresá konfiansa den nos rumannan kristian, nos ta yuda nan hasi nan bèst pa sirbi Yehova i pa haña goso den e sirbishi ei. —1 Tesalonisensenan 5:11.

²⁰ E relatonan di Evangelio tokante e bida i ministerio di Hesus ta realmente un tesoro di sabiduria! Kiko nos lo mester hasi ku e regalo sumamente balioso aki? Na konklushon di e Sermon Riba Seru, Hesus a urgi su oyentenan pa no djis *tende* su palabranan sabí sino tambe *hasi* òf apliká nan. (Mateo 7:24-27) Si nos moldia òf forma nos pensamentunan, motivashonnan i akshonnan na armonia ku e palabra- i akshonnan sabí di Hesus, esei lo yuda nos haña e mihó bida ku ta posibel awor i tambe keda riba e kamin-da ku ta hiba na bida eterno. (Mateo 7:13, 14) Definitivamente no tin un kaminda mas mihó òf mas sabí pa sigui!

20. Kiko nos lo mester hasi ku e tesoro di sabiduria ku tin den e relatonan di Evangelio, i dikon?

“El A Siña Obedensia”

UN TATA pará den bentana ta mira su yu hòmber chikí ta hunga bala pafó ku algun amiguitu. E bala ta sali for di kurá i bai kai riba kaya. E yu ta keda wak e bala ku gana di bai su tras. Un di su amiguitunan ta mand'é bai kue e bala, pero e yu ta sagudí kabes i bisa: “Mi no tin mag di bai riba kaya.” E tata ta para smail su so.

² Dikon e tata a keda asina kontentu? Pasobra el a siña su yu pa no sali riba kaya su so. Ora e mucha ta obedesé—sin sa ku su tata ta mir'é—e tata sa sigur ku su yu a siña obedensia i p'e-sei e yu lo ta mas safe. E tata ei ta sinti meskos ku nos Tata se-lestial, Yehova. Dios sa ku pa nos por keda fiel i na bida pa mira e maravioso futuro ku e tin prepará pa nos, nos tin ku siña konfi'é i obedes'é. (Proverbionan 3:5, 6) Pa logra esei, el a manda pa nos e mihó maestro humano den historia.

³ Beibel ta bisa algu asombroso tokante Hesus: “Ounke ku e tabata Yu, el a siña obedensia dor di e kosnan ku el a sufri. I despues di a wòrdu hasí perfekto, el a bira pa tur esnan ku ta obedes'é, e outor di salbashon eterno.” (Hebreonan 5:8, 9) E Yu aki a eksistí pa masha hopi siglo mes den shelu. El a mira Satanas i e otro angelnan rebelde desobedesé Dios, pero e Yu primogénito nunca a uni ku nan. Profesia inspirá a apli-ká e palabranan aki na Hesus: “Mi no tabata desobedesidu.” (Isaias 50:5) Pues anto, kon e palabranan “el a siña obedensia” por a apliká na e Yu perfektamente obedesidu aki? Kon un kriatura perfekto asina por a “wòrdu hasí perfekto”?

1, 2. Dikon un tata amoroso ta keda kontentu di mira su yu obedes'é, i kon su sintimentunan ta reflehá e sintimentunan di Yehova?

3, 4. Den ki sentido Hesus “a siña obedensia” i a “wòrdu hasí perfekto”? Ilustrá esei.

⁴ Pensa riba e ilustrashon aki. Un sòldá tin un spada di heru. Ounke e spada nunca a ser di tèst den bataya, e ta perfektamente formá i bunita diseñá. Sin embargo, e sòldá ta kambia e spada ei pa unu trahá di un metal mas fuerte, di stal sólido. E spada nobo aki sí nan a usa efektivamente kaba den bataya. Akaso esei no ta un kambio sabí? Asina tambe, e obediencia ku Hesus a demostrá promé ku el a bin na tera tabata sin defekto. Pero despues di su estadia aki riba tera, su obediencia a bira di kompletamente un otro kalidat. E obediencia a ser di tèst i, na moda di papia, a bira mas sólido. El a keda someté na pruebanan ku Hesus lo no por a konfrontá nunca den shelu.

⁵ Obediencia tabata masha importante den Hesus su mision riba tera. Komo “e último Adam,” Hesus a bin aki bou pa hasi loke nos promé mayor no a hasi, esta, keda obedesidu na Yehova Dios, asta bou di prueba. (1 Korintionan 15:45) Sin embargo, e obediencia di Hesus no tabata superfisial. Hesus a obedesé ku henter su mente, kurason i alma. Anto el a hasié ku goso. Hasimentu di e boluntat di su Tata tabata mas importante p’e ku kome! (Juan 4:34) Kiko por yuda nos imitá e obediencia di Hesus? Laga nos konsiderá promé kiko ta loke a motiv’é. Ora nos kultivá e mesun motivashon ku e tabatin, esei lo yuda nos resistí tentashon i tambe kumpli ku e boluntat di Dios. Despues nos lo repasá algun rekompensa ku nos lo haña ora nos ta desplegó obediencia manera Kristu.

Loke A Motivá Hesus pa Obedesé

⁶ E obediencia di Hesus a sali for di loke tabatin den su kurason. Manera nos a mira den Kapítulo 3, Kristu tabata humilde di kurason. Orguyo arogante ta pone ku hende no ta gusta obedesé, miéntras ku humildat ta yuda nos obedesé Yehova

5. Kiko a hasi e obediencia di Hesus asina importante, i kiko nos lo konsiderá den e kapítulo aki?

6, 7. Menshoná algun kos ku a motivá Hesus pa obedesé.

di buena gana. (Eksodo 5:1, 2; 1 Pedro 5:5, 6) Ademas, Hesus su obediencia a sali for di loke el a stima i loke el a odia.

⁷ Mas ku tur kos, Hesus a stima su Tata selestial, Yehova. Nos lo papia mas en detaye di e amor ei den Kapítulo 13. Ta e amor ei a pone Hesus desaroyá temor di Dios. Su amor pa Yehova tabata asina intenso, su respèt asina profundo, ku e tabatin temor di desagradá su Tata. Un di e motibunan paki-ko Yehova a skucha su orashonnan ta pasobra Hesus tabatin temor di Dios. (Hebreonan 5:7, NW) Ademas, temor di Yehova ta un karakterístika sobresaliente di Hesus su goberdashon komo Rei Mesiániko.—Isaias 11:3.

⁸ Amor pa Yehova ta enserá tambe odia loke Yehova ta odia. Por ehèmpel, tuma nota di e siguiente profesia dirigí na e

8, 9. Manera a ser profetisá, kon Hesus a sinti tokante hustisia i maldat, i kon el a demostrá e sintimentunan ei bon kla?

***E tipo di rekreo ku bo ta skohe ta
mustra ku bo ta odia loke ta malu?***



Rei Mesiániko: “Bo a stima hustisia i a odia maldat; p’esei Dios, bo Dios, a ungi bo ku e zeta di goso, mas ku bo kompañeronan.” (Salmo 45:7) E “kompañeronan” di Hesus tabata e otro reinan den e liña di desendensia di Rei David. Mas ku kualke un di nan, Hesus tabatin motibu pa sinti gran goso ora ku el a ser ungi. Dikon? Su rekompensa ta muchu mas grandi ku di nan, su reino ta infinitamente mas benefisioso. Hesus ta ser rekompensá pasobra su amor pa hustisia i su odio pa maldat a motiv’é pa obedesé Dios den tur kos.

⁹ Kon Hesus a demostrá bon kla kiko tabata su sintimentunan relashoná ku hustisia i maldat? Por ehèmpel, kon Hesus a reakshoná ora su siguidónan a obedesé su instrukshon den e trabou di prediká i a ser bendishoná ku bon resultado? El a bira sumamente kontentu. (Lukas 10:1, 17, 21) Anto kon Hesus a sinti ora e pueblo di Yerusalem a demostrá bes tras bes un aktitut desobedesidu, rechasando su esfuerso amoroso pa yuda nan? E aktitut aki di e hendenan di e stat ei a pon’é yora. (Lukas 19:41, 42) Hesus tabata profundamente interesá den hende su kondukta, tantu bon komo malu.

¹⁰ Ora nos meditá riba e sintimentunan di Hesus, esei por yuda nos saminá nos propio motivashon pa obedesé Yehova. Pa imperfekto ku nos ta, nos por kultivá un amor di kurason pa bon obra i un odio sinsero kontra mal kondukta. Nos tin ku hasi orashon na Yehova i pidié yuda nos kultivá e mesun sintimentunan ku tantu e komo su Yu tin. (Salmo 51:10) Na mes momento, nos tin ku evitá kosnan ku por debilitá e sintimentunan ei. Ta sumamente importante pa nos skohe nos rekreo i amistadnan kuidadosamente. (Proverbionan 13:20; Filipensenan 4:8) Si nos kultivá e mesun motivashon manera di Kristu, nos obedensia lo no ta djis un formalidat. Nos lo hasi loke ta korekto pasobra nos ta stima hasi esei. Nos lo evitá malecho, no pasobra nos tin miedu di ser gará, sino pasobra nos ta odia tal kondukta.

10. Ki sintimentunan nos tin ku kultivá pa loke ta bon obra i malecho, i kiko lo yuda nos hasi esei?

E "No A Kometé Piká"

¹¹ Relashoná ku su odio kontra piká, Hesus a ser di tèst for di trempan den su ministerio. Despues di su boutismo, el a pasa 40 dia i anochi den desierto sin kuminda. Na fin di e periodo ei Satanas a bin tent'é. Tuma nota kon mañoso Diabel tabata.—Mateo 4:1-11.

¹² Promé Satanas a bis'é: "Si bo ta e yu di Dios, ordená e pie-dranan aki pa nan bira pan." (Mateo 4:3) Kiko Hesus a sinti despues di a yuna asina largu? Beibel ta bisa bon kla: "El a haña hamber." (Mateo 4:2) Pues Satanas a probechá di e deseo natural pa kuminda, i sin duda el a warda deliberadamente te ora Hesus tabata den un kondishon físikamente débil. Tuma nota tambe di e palabranan provokativo ku Satanas a usa: "Si bo ta e yu di Dios." Satanas tabata sa ku Hesus ta "e primogénito di henter kreashon." (Kolosensenan 1:15) Sin embargo, Hesus no a laga Satanas provok'é pa desobede-sé Dios. Hesus tabata sa ku no tabata e boluntat di Dios p'e usa su poder pa metanan egoista. P'esei el a nenga di hasi esei, mustrando ku humildemente el a dependé riba Yehova pa dun'é alimentashon i instrukshon.—Mateo 4:4.

¹³ Pa e di dos tentashon, Satanas a hiba Hesus na un lugá haltu riba e tèmpel. Trosiendo e Palabra di Dios astutamente, Satanas a tenta Hesus pa hasi un hazaña espektakular tirando su kurpa abou for di e lugá haltu ei di manera ku angel lo tabatin ku skap'é. Si e multitud na e tèmpel a mira un milager asina, ta ken lo a tribi duda despues di esei ku Hesus tabata e Mesias primintí? I si e multitud a aseptá Hesus komo e Mesias a base di tal hazaña espektakular, Hesus lo no a skapa di hopi problema i difikultat? Kisas. Pero Hesus tabata sa ku e boluntat di Yehova tabata pa e Mesias kumpli ku su trabou na un

11, 12. (a) Kiko a pasa ku Hesus na prinsipio di su ministerio? (b) Na promé instante kon Satanas a tenta Hesus, i ki táktika mañoso el a usa? 13-15. (a) Kon Satanas a tenta Hesus pa di dos i di tres biaha, i kon Hesus a reashoná? (b) Dikon nos sa ku Hesus nunca por a stòp di vigilá kontra Satanas?

manera humilde, i no p’e influensiá hende pa kere den dje pa medio di hazañanan espektakular. (Isaias 42:1, 2) Un biaha mas, Hesus a nenga di desobedesé Yehova. Fama no tabata un tentashon p’e.

¹⁴ Pero kiko di e tentashon di poder? Den Satanás su di tres intento, el a ofresé Hesus tur e reinonan na mundu si el a hasi un solo akto di adorashon na Satanás. Akaso Hesus a pensa seriamente riba e oferta di Satanás? Hesus a kontest’é: “Bai for di akinan, Satanás!” Anto el a agregá: “Pasobra ta pará skirbí: ‘Adorá [Yehova] bo Dios, i sirbi e so.’” (Mateo 4:10) Nada hamas lo por a tenta Hesus pa adorá otro dios. Ningun oferta di poder òf influencia den e mundu aki lo por a konvens’é pa kometé kualke akto di desobedensia.

¹⁵ Esei a pone Satanás entregá? El a bai ora Hesus a orden’é pa hasi esei. Sin embargo, e Evangelio di Lukas ta deklará ku Diabel “a lag’é pa un tempu.” (Lukas 4:13) De echo, Satanás a haña otro okashonnan pa tèst i tenta Hesus, i el a hasié te na final. Beibel ta bisa nos ku Hesus a “wòrdu tentá den tur kos.” (Hebreonan 4:15) Pues Hesus nunca por a stòp di vigilà; i nos tampoko.

¹⁶ Satanás ta sigui tenta sirbidónan di Dios awe. Lamentablemente, nos imperfekshonnan ta hasi nos hopi bes un blanko fásil. Satanás astutamente ta probechá di nos inklinashonnan egoista, di orguyo i di set pa poder. Usando e tentashon di materialismo, Satanás por asta probechá di tur e inklinashonnan aki pareu! P’esei ta masha importante pa de bes en kuando nos para ketu i analisá nos mes onestamente. Ta bon pa nos meditá riba e palabranan di 1 Juan 2: 15-17. Segun ku nos ta hasi esei, nos lo por puntra nos mes si e deseonan di karni di e mundu aki, e anhelo pa kos material i e deseo pa impreshoná otro hende, no a mengua nos amor pa nos Tata selestial te na sierto grado. Nos tin ku kòrda ku e mundu aki, huntu ku su gobernante, Satanás, ta serka

16. Kon Satanás ta tenta sirbidó di Dios awe, i kon nos por rechasá su esfuersonan?

di pasa bai. P'esei laga nos rechasá su intentonan mañoso di tenta nos pa kai den piká! Laga e ehèmpel di nos Shon inspi-rá nos, pasobra e "no a kometé piká."—1 Pedro 2:22.

"Semper Mi Ta Hasi e Kosnan Ku Ta Agrad'é"

¹⁷ Obedensia ta enserá hopi mas ku djis keda sin peka; Kris-tu a kumpli aktivamente ku delaster un mandamentu di su Tata. El a deklará: "Semper mi ta hasi e kosnan ku ta agrad'é." (Juan 8:29) E obedensia aki a duna Hesus gran goso. Naturalmente, tin hende kisas ta bin ku e opheshon ku obedensia tabata ménos kompliká pa Hesus. Podisé nan ta kere ku e ta-batin ku obedesé Yehova so, kende ta perfekto, miéntras ku nos hopi bes tin ku obedesé hende imperfekto den puesto di outoridat. Pero echo ta ku Hesus *tabata* obedesidu na hende imperfekto den puesto di outoridat.

¹⁸ Segun ku Hesus a krese, e tabata bou di e outoridat di su mayornan humano imperfekto, Hosé ku Maria. Probable-mente, mas ku mayoria mucha, lo e por a mira e imperfek-shonnan di su mayornan. Akaso el a rebeldiá i bai mas ayá di e papel di yu ku Dios a dun'é, bisando nan kon nan mester a dirigí e famia? Tuma nota di loke Lukas 2:51 ta bisa di Hesus na edat di 12 aña: "El a keda sometí na nan." Ku e obedensia aki, el a pone un ekselente ehèmpel pa hóbennan kristian ku ta hasi esfuerso pa obedesé nan mayornan i mustra nan e de-bido rèspèt.—Efesionan 6:1, 2.

¹⁹ Pa loke ta trata obedesé hende imperfekto, Hesus a kon-frontá retonan ku kristiannan berdadero djawe nunca tin ku konfrontá. Pensa riba e tempu úniko den kua el a biba. E sis-tema religioso hudiu, ku su tèmpel na Yerusalèm i su saser-dosio, pa hopi tempu tabatin e aprobashon di Yehova. Pero

17. Kiko Hesus a pensa di e obedensia ku e mester a rindi na su Tata, pero ki opheshon algun hende lo por bin kuné?

18. Komo hóbén, kon Hesus tabata un ehèmpel di obedensia?

19, 20. (a) Hesus a konfrontá ki retonan úniko relashoná ku obedensia na hende imperfekto? (b) Dikon kristiannan berdadero djawe mes-ter ta obedesidu na e rumannan ku ta hiba delantera?



***Nos ta apliká obedientemente loke nos ta siña
na e reunionnan kristian***

awor Yehova tabata a punto di rechas'é i remplas'é ku e areglo di e kongregashon kristian. (Mateo 23:33-38) Miéntras tantu, hopi di e lidernan religioso tabata siña mentira basá riba filosofia griego. Tabatin asina tantu korupshon den e tèmpel ku Hesus a yam'é “un kueba di ladron.” (Marko 11:17) Akaso Hesus a keda leu for di e tèmpel ei i di e snoanan? Nò! Yehova ainda tabata hasi uso di e areglonan ei. Tanten ku Dios no a kai den e asunto i hasi kambio, Hesus obedientemente a bai na e fiestanan di tèmpel i na snoa. —Lukas 4:16; Juan 5:1.

²⁰ Si Hesus tabata obedesidu bou di e sirkunstansianan ei, kuantu mas kristiannan berdadero mester keda obedesidu awe! De echo, nos ta biba den un tempu masha distinto, den e era di restorashon di adorashon puru, un era profetisá hopi tempu pasá. Dios ta sigurá nos ku hamas lo e permití Sata-nas korumpí su pueblo restorá. (Isaias 2:1, 2; 54:17) Ta bèrdat ku nos ta topa piká i imperfekshon den e kongregashon kristian. Pero nos mester usa e imperfekshonnan di otro hende komo un èksküis pa desobedesé Yehova, podisé keda sin asistí na reunionnan kristian òf kuminsá kritiká e ansianonan? Hamas! Mas bien, di kurason nos ta sostené esnan ku ta hiba

delantera den e kongregashon. Obedientemente, nos ta asistí na e reunion- i asambleanan kristian i ta apliká e konseho bíbliko ku nos ta haña na e okashonnan ei.—Hebreonan 10: 24, 25; 13:17.

²¹ Hesus nunca a laga hende, ni sikiera amigunan ku bon intenshon, stòp e di obedesé Yehova. Por ehèmpel, apòstel Pedro a purba konvensé su Shon ku e no tabatin nodi sufri i muri. Su konseho pa Hesus ta bondadoso ku su mes tabata duná ku bon intenshon. Pero Hesus a rechas'é redondamente pasobra e tabata inkorekto. (Mateo 16:21-23) Awe, siguidó di Hesus hopi biaha ta haña nan tin ku trata ku nan famianan ku tin bon intenshon pero ku ta purba konvensé nan pa stòp di obedesé e lei- i prinsipionan di Dios. Meskos ku siguidó di Hesus den promé siglo, nos ta mantené e posishon ku "nos mester obedesé Dios mas ku hende." —Echonan 5:29.

E Rekompensanan di Ta Obedesidu Manera Kristu

²² Ora ku Hesus a konfrontá morto, su obedensia a ser someté na e prueba di mas severo. Tabata durante e momentonan difísil ei di su bida ku "el a siña obedensia" den e pleno sentido di palabra. El a hasi e boluntat di su Tata, no di su mes. (Lukas 22:42) Na mesun tempu, el a establese un registro perfekto di integridat. (1 Timoteo 3:16, NW) El a duna e kontesta riba e pregunta ku a eksistí pa hopi tempu: Hende perfekto por keda obedesidu na Yehova asta bou di prueba? Adam a frakasá, i Eva tambe. Anto Hesus a bin na tera, biba, muri i mustra bon kla ku sí por. E kriatura mas grandi di tur e kriaturanan di Yehova a duna e kontesta di mas impaktante. El a obedesé asta ora esei a kous'é hopi sufrimentu, inkluso su morto.

21. Kon Hesus a reakshoná riba preshon di otro hende p'e desobedesé Dios, i ki ehèmpel el a pone pa nos?

22. Ki pregunta Hesus a kontestá, i kon el a hasié?

Kon Bo Por Sigui Hesus?

- Kua ta algun mandamentu di Kristu, kon nos por obedesé nan, i ki bendishon nan lo trese?—Juan 15:8-19.
- Na prinsipio, kiko Hesus su famia a pensa di su ministerio, i kiko nos por siña di e manera ku Hesus a trata ku nan?—Marko 3:21, 31-35.
- Dikon nunca nos no mester tene miedu ku nos obedensia na Yehova lo por priva nos di un bida felis?—Lukas 11:27, 28.
- Kiko nos por siña di e echo ku Hesus tabata dispuesto pa obedesé un lei ku realmente no a apliká na dje?—Mateo 17:24-27.

²³ Nos por ekspresá integridat, òf deboshon di henter nos kurason na Yehova, pa medio di obedensia. Komo ku Hesus a obedesé, el a mantené su integridat i a benefisiá henter humanidat. (Romanonan 5:19) Yehova a rekompensá Hesus rikamente. Si nos ta obedesé Kristu, nos Shon, Yehova lo rekompensá nos tambe. Obedesé Kristu ta hiba na “salbashon eterno”—Hebreonan 5:9.

²⁴ Ademas, integridat ta un rekompensa riba su mes. Proverbionan 10:9 [NW] ta bisa: “Esun ku ta kana den integridat lo kana den siguridat.” Si nos kompará integridat ku un kas grandi trahá di bon blòki, kada akto di obedensia por ser kompará ku ún blòki. Un blòki so por parse insignifikante, pero kada un tin su lugá, su balor. I ora pega hopi blòki huntu, nos ta konstruí algu di un balor muchu mas grandi. Ora nos kombiná aktonan di obedensia, agregando nan un pa un, dia aden dia afó i aña den aña afó, nos ta konstruí nos bunita kas di integridat.

²⁵ Un bida di obedensia ku ta ekstendé pa un periodo largu ta laga nos kòrda riba un otro kualidat: perseveransia. E aspekto ei di e ehèmpel di Hesus ta tópiko di e siguiente kapítulo.

23-25. (a) Kon obedensia ta ligá ku integridat? Ilustrá esei. (b) Ki tó-piko e siguiente kapítulo lo trata?

Konsiderá Esun Ku A Perseverá

E PRESHON tabata hopi fuerte. Nunka promé Hesus a eksperensiá asina tantu angustia mental i emoshonal. E tabata den e último oranan di su bida riba tera. Huntu ku su apòstelnan el a yega na un lugá ku nan tabata konosé bon, e hòfi di Getsemané. El a reuní hopi biaha ku nan einan. Sin embargo, e anochi aki el a sinti e nesesidat di ta su so un ratu. El a laga su apòstelnan i a bai mas leu den e hòfi. Anto hinkando rudia el a kuminsá hasi orashon. Su orashon tabata asina intenso, i el a dreña asina un ansha ku su sodó a bira “manera gotanan di sanger ku tabata kai abou na suela.”—Lukas 22:39-44.

² Dikon Hesus tabata asina angustia? Ta bèrdat ku e tabata sa ku denter di poko lo el a konfrontá sufrimentu físico ekstremo, pero esei no tabata e motibu di su angustia. Su mente tabata riba asuntunan hopi mas importante. E tabata profundamente preokupá pa e santifikashon di e nòmber di su Tata i a rekonsé ku futuro di e famia humano a dependé di su fieldat. Hesus tabata sa kon importante tabata pa el a perseverá. Si el a frakasá, lo el a trese gran reproche riba e nòmber di Yehova. Pero Hesus no a frakasá. Mas despues riba e dia ei, e hòmber ku a yega di pone e mihó ehèmpel di perseveransia na mundu, djis promé ku el a hala su último rosea, a grita triunfantemente: “Ta kumplí!”—Juan 19:30.

³ Beibel ta urgi nos pa “konsiderá” Hesus su ehèmpel di perseveransia. (Hebreonan 12:1-3) P’esei tin algun pregun-

1-3. (a) Kon pisá Hesus su agonía tabata den e hòfi di Getsemané, i kiko tabata e kousa? (b) Kiko nos por bisa di Hesus su ehèmpel di perseveransia, i ki preguntanan ta surgi?

ta importante ku ta surgi: Kua ta algun prueba ku Hesus a wanta ku perseveransia? Kiko a yud'é perseverá? Kon nos por sigui su ehèmpel? Pero promé ku nos kontestá e preguntanan aki, laga nos analisá kiko perseveransia ta enserá.

Kiko Ta Perseveransia?

⁴ De bes en kuando, nos tur ta “wòrdu afligí pa medio di vários prueba.” (1 Pedro 1:6) Pero e echo ku nos ta pasando den un prueba ta nifiká ku nos ta demostrando perseveransia? No nesesariamente. E sustantivo griego pa “perseveransia” ta nifiká “e kapasidat di soportá kosnan òf di no entregá apesar di difikultat.” Relashoná ku e tipo di perseveransia ku eskritornan bíbliko ta referí na dje, un komentarista bíbliko a splika: “Ta e spiritu ku por soportá kos, no simplemente ku resignashon, sino ku speransa ferviente . . . Ta e kualidat ku ta tene un hende riba pia ku kara pa bientu. Ta e birtut ku por transformá e prueba di mas difísil den gloria, pasobra mas ayá di e doló e ta mira e meta.”

⁵ Pues anto, perseveransia no ke men djis pasa den difikultatnan inevitabel. Den e sentido bíbliko, perseveransia ta enserá firmesa, kedando ku e aktitut mental korekto i ku un punto di bista yen di speransa apesar di prueba. Pensa riba e siguiente ilustrashon: Dos hòmber ta será den prizon den kondishonnan similar pero pa motibunan kompletamente distinto for di otro. Unu ta un kriminal komun i koriente, ku ta sinta su sentensia ku renkor, resignashon i kara tristu. E otro—un kristian berdadero enkarselá pa su fieltat—ta para firme i ta mantené un aktitut positivo pasobra e ta mira su situashon komo un oportunidat pa demostrá su fe. Siguramente nos no por konsiderá e kriminal komo un ehèmpel di perseveransia, miéntras ku e kristian fiel sí ta un ehèmpel di e kualidat ekselente aki.—Santiago 1:2-4.

4, 5. (a) Kiko “perseveransia” ta nifiká? (b) Kon nos por ilustrá ku perseveransia ta enserá mas ku djis pasa den difikultatnan inevitabel?

⁶ Perseveransia ta esensial si nos kier alkansá salbashon. (Mateo 24:13) Sin embargo, nos no ta nase ku e kualidat sumamente importante aki. Perseveransia ta algu ku nos mester kultivá. Kon? Romanonan 5:3 ta bisa: "Tribulashon ta produsí perseveransia." Pues, si di bèrdat nos ke desaroyá perseveransia, nos no por kobardiá pa tur tèst òf prueba di fe. Mas bien, nos tin ku konfrontá nan. Nos ta kultivá perseveransia ora ku dia tras dia nos ta konfrontá i vense pruebanan grandi i chikí. Kada prueba ku nos superá ta fortalese nos pa enfrentá e siguiente. Klaru ku nos no ta desaroyá perseveransia riba nos mes. Nos ta dependé di "e forsa ku Dios ta duna." (1 Pedro 4:11) Pa yuda nos keda firme, Yehova a duna nos e mihó yudansa ku tin: e ehèmpel di su Yu. Laga nos analisá Hesus su registro perfekto di perseveransia.

Loke Hesus A Wanta

⁷ Segun ku Hesus tabata yega na fin di su bida riba tera, el a soportá tur tipo di krueldat. Fuera di e strès mental ekstremo ku el a pasa aden durante su último anochi, pensa tambe riba e desepshon ku lo e mester a sinti i e humilashon ku el a sufri. Un kompañero íntimo a traishon'é, su amigunan mas yegá a bandon'é, i el a keda sometí na un huisio ilegal durante kua miembronan di e korte religioso di mas haltu di e pais a hasi bofon di dje, skupí i dal e moketa. Sin embargo, el a wanta tur esaki ku dignidat, serenidat i fortaleza.—Mateo 26:46-49, 56, 59-68.

⁸ Hesus a wanta tambe bastante sufrimentu físiko durante su último oranan. Nan a sut'é, i segun ekspertonan esei tabata un hala di sota ku a kousa "strepinan di kòrtá profundo i bastante pèrdida di sanger." Nan a klab'é na staka, un forma di ehekushon ku a kousa "un morto lento kom-

6. Kon nos ta kultivá perseveransia?

7, 8. Kiko Hesus a wanta segun ku su bida terenal tabata yega su fin?

pañá pa e máksimo doló i sufrimentu.” Pensa riba e agonia ku Hesus lo mester a eksperensia ora ku nan a pasa klabunan grandi dor di su man i pia pa peg’é na e staka. (Juan 19:1, 16-18, NW) Imaginá bo e doló inmenso ku el a sinti ora ku nan a pone e staka para règt i e peso di su kurpa tabata kologá na e klabunan i su lomba tur habrí tabata feila kontra e staka. Anto el a wanta e sufrimentu físiko teribel aki miéntras ku e tabata karga e peso mental ku nos a deskribí na kuminsamentu di e kapitùlo aki.

⁹ Komo siguidó di Kristu, kiko nos kisas tin ku wanta? Hesus a bisa: “Si un hende kier bin mi tras, lag’é . . . tuma su staka di tormento i sigui mi kontinuamente.” (Mateo 16:24, NW) Aki Hesus a usa e ekspreshon “staka di tormento” den sentido figurativo pa representá sufrimentu, bèrgwensa òf asta morto. Sigui Kristu no ta un kaminda fásil. Nos normanan kristian ta hasi nos diferente. E mundu aki ta odia nos pasobra nos no ta parti di dje. (Juan 15: 18-20; 1 Pedro 4:4) Sin embargo, nos ta dispuesto pa hisa nos staka di tormento. Sí, nos ta preferá di sufri, asta muri, ku stòp di sigui nos Gran Ehèmpel.—2 Timoteo 3:12.

¹⁰ Durante Hesus su ministerio el a konfrontá otro pruebunan kousá pa e imperfekshon di e hendenan rònt di dje. Kòrda ku e tabata e “trahadó eksperto” ku Yehova a usa pa krea e tera i tur bida ku tin riba dje. (Proverbionan 8: 22-31) Pues, Hesus tabata sa kiko ta Yehova su propósito pa humanidat; hende lo mester a reflehá Yehova su kualidatnan i disfrutá di bida den salú perfekto. (Génesis 1:26-28) Pero ora Hesus tabata riba tera, el a mira e resultado trágiko di piká for di un otro perspektiva, esta, komo hende, ya ku e mes por a eksperensia sintimentu i emoshon humano.

9. Kiko hisa nos “staka di tormento” i sigui Hesus ta enserá?

10-12. (a) Dikon e imperfekshon di e personanan rònt di Hesus a pone su perseveransia na prueba? (b) Kua tabata algun di e situashonnan difísil ku Hesus a soportá?

Lo mester tabata hopi doloroso p’e pa mira personalmente kon leu hende a kai for di e perfekshon original ku Adam ku Eva tabatin! Pues Hesus a konfrontá un prueba di perseveransia. Akaso lo el a deskurashá i entregá, konsiderando hende pekaminoso komo un kaso pèrdí? Laga nos mira.

¹¹ E indiferensia di parti di e hudiunan a hasi Hesus asina tristu ku el a yora abiertamente. Pero el a laga nan aktitut indiferente fria su selo òf stòp e di prediká? Al kontrario, el a “siña hende tur dia den tèmpel.” (Lukas 19:41-44, 47) El a keda masha “tristu” ora el a mira kon duru kurason di e fariseonan tabata, ku a vigil’é pa mira si lo el a kura un sierto hòmber riba sabat. Akaso Hesus a laga e opositoran ei, ku tabata hustu den nan mes bista, intimid’é? Apsolutamente ku nò! El a para firme i a kura e hòmber, anto meimei di snoa!—Marko 3:1-5.

¹² Tabatin un kos mas ku lo mester tabata un prueba pa

***Nos lo permití oposishon deskurashá nos,
òf nos lo sigui prediká ku selo?***



Hesus, esta, e debilidatnan di su disipelnan mas íntimo. Manera nos a siña den Kapítulo 3, nan a demostrá un deseo persistente pa prominensia. (Mateo 20:20-24; Lukas 9:46) Hesus a konsehá nan mas ku un biaha ku nan mes-ter tabata humilde. (Mateo 18:1-6; 20:25-28) Sin embargo, nan a tarda pa apliká e konseho ei. Figurá bo, e último anochi ku e tabata ku nan, “a lanta un diskushon” entre nan tokante kua di nan tabata esun di mas grandi! (Lukas 22:24) Akaso Hesus a legumai nan, rasonando ku lo e no por a logra nada mas ku nan? Nò. Manera semper ku pasenshi, el a keda positivo i ku speranza, i a sigui mira e bon den nan. E tabata sa ku den nan kurason nan a stima Yehova i realmente kier a hasi Su boluntat.—Lukas 22:25-27.

¹³ Kisas nos ta konfrontá pruebanan similar na esnan ku Hesus a wanta. Por ehèmpel, podisé nos ta topa hende ku no ta interesá den e mensahe di Reino òf kisas ta bai asta kontra di dje. Nos lo laga e reakshonnan negativo ei desku-rashá nos, òf nos lo sigui prediká ku selo? (Tito 2:14) Podisé e imperfekshonnan di nos rumannan kristian ta pone nos na prueba. Kisas un palabra papiá sin pensa òf un trato kon-ku-ta ta ofendé nos. (Proverbionan 12:18) Nos lo laga e imperfekshonnan di nos rumannan den fe pone nos bira lomba pa nan, òf nos lo sigui tolerá nan faltanan i buska e bon den nan?—Kolosensenan 3:13.

Dikon Hesus A Perseverá

¹⁴ Kiko a yuda Hesus para firme i mantené su integridat apesar di tur humiliashon, desepshon i sufrimentu ku el a konfrontá? Tin dos faktor sobresaliente ku a sostené Hesus. Di promé, el a wak ariba i a apelá na “e Dios di perseve-ransia.” (Romanonan 15:5) Di dos, el a wak padilanti i a

13. Ki pruebanan similar na esnan ku Hesus a wanta nos lo por konfrontá?

14. Kua ta e dos faktornan ku a yuda Hesus para firme?

konsentrá riba loke su perseveransia lo a hiba na dje. Laga nos konsiderá e faktornan aki un pa un.

¹⁵ Ounke Hesus tabata e Yu perfekto di Dios, e no a stèns riba su propio forsa pa perseverá. Mas bien, el a akudí na su Tata selestial i a pidi su yudansa den orashon. Apòstel Pablo a skirbi: "[Kristu] tabata ofresé orashon i súprika ku gran sklamashon i lágrima na Esun ku ta kapas pa sal-b'é for di morto." (Hebreonan 5:7) Tuma nota ku Hesus a "ofresé" no solamente orashon sino tambe súprika. E ekspreshon "súprika" ta referí na un petishon intenso i di kurason, sí, el a roga pa haña yudansa. Na e idioma griego original, "súprika" ta den un forma plural, lokual ta indiká ku Hesus a roga Yehova mas ku un biaha. De echo, den e hòfi di Getsemané, bes tras bes Hesus a hasi orashon fervientemente.—Mateo 26:36-44.

¹⁶ Hesus tabatin e pleno konfiansa ku Yehova lo a kontestá su súplikanan, pasobra e tabata sa ku su Tata ta Esun "ku ta skucha orashon." (Salmo 65:2) Durante su eksistensia prehumano, e Yu primogénito a mira kon su Tata a reashoná riba e orashonnan di su sirbidónan leal. Por ehèmpel, e Yu tabata testigu den shelu ora ku Yehova a manda un angel kontestá e orashon sinsero di profeta Daniel, asta promé ku Daniel a kaba di resa. (Daniel 9:20, 21) Pues anto, kon e Tata lo por a keda sin kontestá ora ku su Yu unigénito a drama su kurason "ku gran sklamashon i lágrima"? Yehova a kontestá e ruegonan di su Yu i a manda un angel forteses'é pa e por a perseverá bou di e prueba.—Lukas 22:43.

¹⁷ Pa por perseverá, nos tambe tin ku akudí na shelu, na e Dios ku ta "duna forsa." (Isaias 40:29) Si e Yu perfekto di

15, 16. (a) Kiko ta musta ku Hesus no a stèns riba su propio forsa pa perseverá? (b) Ki konfiansa Hesus tabatin den su Tata, i dikon?


17. Pa nos perseverá, dikon nos mester akudí na shelu, i kon nos por hasi esei?

Dios a sinti e nesesidat di supliká Yehova pa yudansa, kuantu mas nos mester hasié! Meskos ku Hesus, nos kisas tin ku roga Yehova bes tras bes. (Mateo 7:7, NW) Ounke nos no ta spera bishita di un angel, di un kos sí nos por ta sigur: Nos Dios amoroso lo reakshoná riba e ruego-nan di kristiannan leal ku “ta sigui den súplika i orashon di dia i anochi.” (1 Timoteo 5:5) Sin importá ki pruebanan nos por ta konfrontá—sea ta malesa, morto di un ser kerí òf persekushon serka opositor—Yehova lo kontestá nos orashonnan ferviente den kua nos ta pidi e sabiduria, kurashi i fortaleza pa perseverá.—2 Korintionan 4:7-11; Santiago 1:5.

¹⁸ E di dos faktor ku a yuda Hesus perseverá ta ku el a wak padilanti, mas ayá di e sufrimentu na loke tabata sper’é. Beibel ta bisa di Hesus: “Pa motibu di e goso poní su dilanti, [el] a soportá e sufrimentu di [“un staka di tormento,” NW].” (Hebreonan 12:2) E ehèmpel di Hesus ta ilustrá kon speransa, goso i perseveransia ta traha huntu. Nos por resumié asin’aki: Speransa ta hiba na goso, i goso na perseveransia. (Romanonan 15:13; Kolosense-nan 1:11) Hesus tabatin vários ekspektativa maravioso su dilanti. E tabata sa ku su fieldat lo a yuda vindiká e soberania di su Tata i habri kaminda pa e kumpra

18. Kon Hesus a wak mas ayá di su sufrimentu na loke tabatin su dilanti?

Yehova lo kontestá nos orashonnan ferviente den kua nos ta pidi yudansa pa perseverá



e famia humano bèk for di piká i morto. Además, Hesus tabatin e speranza di goberná komo Rei i sirbi komo Sumo Saserdote, i asina trese mas bendishon ainda pa hende obedidu. (Mateo 20:28; Hebreonan 7:23-26) Hesus a haña un goso inmenso ora el a konsentrá riba e ekspektativanan i speranza ku tabatin su dilanti, i e goso ei en buèlta a yud'é perseverá.

¹⁹ Meskos ku Hesus, nos tin ku laga speranza, goso i perseveransia traha huntu na nos favor. Apòstel Pablo a bisa: 'Regosihá den speranza.' Anto el a agregá: 'Perseverá den tribulashon.' (Romanonan 12:12) Abo ta enfrentá un prueba pisá di bo fe na e momentonan aki? Hasi esfuerso pa wak padilanti. No pèrdè for di bista ku bo perseveransia lo trese alabansa pa e nòmber di Yehova. Mantené e presioso speranza di Reino bon kla den bo mente. Mira bo mes den Dios su binidero mundu nobo, i imaginá bo mes ta eksperensiá e bendishonnan di e Paradeis. Ora bo ta anticipá kumplimentu di e kosnan maravioso ku Yehova a primintí—inklusio e vindikashon di su soberania, eliminashon di maldat for di riba tera i fin di malesa i morto—esei lo yena bo kurason ku goso. Anto e goso ei lo por yuda bo perseverá apesar di kualke prueba ku bo por haña bo kuné. Kualke sufrimentu den e sistema di kosnan aki en bèrdat ta 'leve i pa un momento so,' si kompará nan ku e realisashon di e speranza di Reino.—2 Korintionan 4:17.

"Sigui Su Pasonan ku Sumo Kuidou i Atenshon"

²⁰ Hesus tabata sa ku ser su siguidó lo ta un reto, un bida ku lo a rekerí perseveransia. (Juan 15:20) E tabata prepará pa hiba delantera, sabiendo ku su ehèmpel lo a fortalecé otro hende. (Juan 16:33) Ta bèrdat ku Hesus a pone e

19. Ora nos ta konfrontá pruebanan di nos fe, kon nos por laga speranza, goso i perseveransia traha huntu na nos favor?

20, 21. Pa loke ta perseveransia, kiko Yehova ta spera di nos, i kiko mester ta nos determinashon?

Kon Bo Por Sigui Hesus?

- Kon nos lo por mira kualke sufrimentu ku nos ta eksperensia debí ku nos ta un siguidó di Kristu?—Mateo 5:10-12.
- Kiko Hesus a bisa su siguidónan ku nan lo por ferwagt, i kon nos por sigui e konseho ku el a duna?—Mateo 10:16-22.
- Ora nos ta konfrontá oposishon òf persekushon, kon nos por sigui e ehèmpel di Hesus?—1 Pedro 2:18-25.
- Ora nos ta perseverá fielmente apesar di sufrimentu, kiko esei ta konfirmá?—1 Pedro 4:12-14.

ehèmpel perfekto di perseveransia, pero nos ta leu for di perfekshon. Kiko Yehova ta spera di nos? Pedro a splika: “Kristu a sufri pa boso, lagando un modelo pa boso sigui su pasonan ku sumo kuidou i atenshon.” (1 Pedro 2:21, NW) Den e manera ku Hesus a trata ku su pruebanan, el a laga “un modelo,” un ehèmpel pa nos imitá.* E registro di perseveransia ku el a traha por ser kompará ku “pasonan,” es desir, marka di pia. Nos no por sigui e pasonan ei perfektamente, pero sí nos por siguié ku “sumo kuidou i atenshon.”

²¹ Pues anto, laga nos ta determiná pa sigui e ehèmpel di Hesus lo mihó ku nos por. No lubidá nunca ku mas presis nos sigui den e pasonan di Hesus, mihó prepará nos lo ta pa perseverá “te na fin,” sea fin di e sistema di kosnan bieu aki òf fin di nos bida aktual. Nos no sa kua lo yega promé, pero un kos sí nos sa: Pa eternidat, Yehova lo rekompensá nos pa nos perseveransia.—Mateo 24:13.

* E palabra griego tradusí “modelo” literalmente ta nifiká ‘skirbi bou di dje.’ Apòstel Pedro ta e úniko eskritor di e Skritura Griego Kristian ku a usa e palabra aki, ku aparentemente ta nifiká “‘un ehèmpel pa kopia’ den skref di un mucha, un pida skirbí perfektamente ku e mucha tin ku kopia mas presis posibel.”

EL A “SIÑA . . . I PROKLAMÁ E EVANGELIO”

Karpinté. Hasidó di milager. Sanadó. Hesus tabata tur e kosnan aki i mas. Sin embargo, hende no a yam'é na e nòmbernan ei. Nan a yam'é Maestro. En bèrdat, e trabou prinsipal den su bida tabata pa “siña . . . i proklamá e evangelio.” (Mateo 4:23) Komo siguidó di Hesus, nos tin e mesun trabou pa hasi. Den e sekshon aki, nos lo studia e ehèmpel di Hesus, ku ta mustra nos kon pa imit'é den esei.

“Pa e Propósito Aki Mi A Wòrdu Mandá”

NAN tabatin basta ora ta kana. Hesus ku su apòstelnan tabata bayendo den direkshon nort, for di Hudea rumbo pa Galilea. Pa sigui e ruta di mas kòrtiku—un biahe di mas o ménos tres dia—nan mester a pasa dor di Samaria. Tabata serka di 12 or di mèrdia ora ku nan a yega na un stat chikí ku yama Sikar, kaminda nan a para pa buska algu di kome i bebe.

² Hesus a keda sosegá banda di un pos pafó di e stat, miéntras ku su apòstelnan a bai kumpra kuminda. Un muhé a yega serka pa saka awa. Hesus tabata “kansá di su biahe,” i si e tabata ke lo e por a ignorá e muhé. (Juan 4:6) Nos lo a komprondé p’e si el a djis sera su wowo sin preokupá ku loke e muhé samaritano aki a bin hasi. Manera nos a mira den Kapítulo 4 di e buki aki, e muhé aki probablemente lo a spe-
ra ku kualke hudiu lo a trat’é ku menospresio. Sin embargo, Hesus a start un kòmbersashon kuné.

³ El a kuminsá ku un ilustrashon, unu saká for di e muhé su bida diario i ku tabata de echo konektá ku loke e muhé tabata hasi na e momento ei. E muhé a bin pa saka awa; Hesus a papia kuné di e awa ku ta duna bida i ku lo kita su set spiritual. Vários biaha e muhé a menshoná puntonan ku fásilmente por a hiba na un kontroversia.* Pero ku takto Hesus a

* Por ehèmpel, ora ku e muhé a puntr’é kon bin un hudiu ta papia ku un samaritano, e tabata referí na un konflikto di siglonan bieu entre e dos pueblonan. (Juan 4:9) Ademas, e muhé a deklará ku su pueblo ta desendiente di Jakòb, algu ku e hudiunan di e tempu ei tabata nenga redondamente. (Juan 4:12) E hudiunan tabata yama e samaritanonan ‘kutano’ pa enfatisá ku nan tabata desendiente di pueblonan stranhero.

1-4. (a) Kon Hesus na un manera ábil a siña un muhé samaritano, i ku ki resultado? (b) Kon e apòstelnan a reakshoná?



evitá e puntonan ei i a sigui ku e kòmbersashon riba e tópi-ko ku e tabatin na mente. El a konsentrá riba asuntunan spiritual, esta, adorashon puru i Yehova Dios. Su palabranan tabatin efekto di largu alkanse, pasobra e muhé a bai kontu e hòmbènan di e stat loke Hesus a bis'é, i nan tambe kier a skucha Hesus.—Juan 4:3-42.

⁴ Ora ku e apòstelnan a bin bèk, kiko nan a pensa di e testimonio remarkabel ku Hesus tabata dunando? No tin ningun indikashon di entusiasmo di nan parti. Nan a keda sorprendí ku Hesus tabata papia mes ku e muhé aki, i aparentemente nan no a papia nada ku e muhé. Despues ku el a bai, nan a urgi Hesus pa kome e kuminda ku nan a trese. Pero Hesus a bisa nan: "Mi tin kuminda pa kome ku boso no sa di dje." Strañá, nan a kere ku ta di kuminda literal Hesus a papia. E ora ei el a splika nan: "Mi kuminda ta pa hasi e boluntat di esun ku a manda mi, i pa kumpli ku su trabou." (Juan 4:32, 34) Pues Hesus a siña nan ku su trabou prinsipal den bida tabata mas importante p'e ku kome. E tabata ke pa nan tambe sinti asina tokante e trabou ei. Kua trabou esaki tabata?

⁵ Un biaha Hesus a bisa: "Mi mester prediká e reino di Dios . . . , pasobra ta pa e propósito aki mi a wòrdu mandá." (Lukas 4:43) Sí, Hesus a wòrdu manda pa prediká i siña hende e bon notisia di e Reino di Dios.* E siguidónan di Hesus djawe tin e mesun trabou pa hasi. Ta masha importante anto pa nos konsiderá dikun Hesus a prediká, kiko el a prediká i ki aktitut e tabatin relashoná ku su asignashon.

* Prediká ta nifiká proklamá, òf deklará, un mensahe. Siña hende tin kasi e mesun nifikashon pero ta enserá transmití un mensahe na un manera mas profundo i detayá. Bon método di siña hende ta enserá haña maneranan pa yega na kurason di e studiantenan afín di motivá nan pa aktua riba loke nan ta tende.

5. Kiko tabata e trabou prinsipal den e bida di Hesus, i kiko nos lo konsiderá den e kapítulo aki?

Dikon Hesus A Prediká

⁶ Laga nos konsiderá kiko Hesus a pensa di e bèrdatnan ku el a siña hende; kaba nos lo trata su aktitut relashoná ku e hendenan ku el a siña. Hesus a usa un ilustrashon bibu pa mustra kiko el a pensa di e trabou di kompartí ku otro hende e bèrdatnan ku Yehova a siñ'é. El a bisa: "Tur instruktor públiko ora el a ser siñá tokante e reino di shelu, ta manera un hende, un doño di kas, ku ta saka for di su tesoro kosnan nobo i bieu." (Mateo 13:52, NW) Dikon e doño di kas den e ilustrashon aki ta saka kos for di su tesoro?

⁷ E doño di kas no ta saka kos for di su tesoro djis pa broma ku loke e tin, manera Rei Ezekias di pasado a yega di hasi, anto ku konsekuensianan penoso. (2 Reinan 20:13-20) Kiko ta motivá e doño di kas? Konsiderá e ilustrashon aki: Bo ta bai bishitá un mener di skol masha stimá na su kas. E ta habri un lachi i ta saka dos karta, un ta bieu te el a bira hel, e otro ta mas nobo. Ta karta ku el a haña di su tata, un di nan for di hopi aña pasá tempu ku e mener di skol tabata mucha i e otro ta mas resien. E mener su wowonan ta bria ora e ta konta bo kon importante e kartanan aki ta p'e i kon nan konseho a kambia su bida i lo por yuda bo tambe. Ta bisto ku e kartanan ta di gran balor pa e mener, nan tin un lugá spesial den su kurason. (Lukas 6:45) E ta mustra bo e kartanan aki, no pa broma òf pa saka algun probecho, sino pa benefisiá bo i pa yuda bo komprondé kuantu balor nan tin p'e.

⁸ E Gran Maestro, Hesus, tabatin e mesun motivashon pa kompartí e bèrdatnan di Dios ku otro hende. P'e, e bèrdatnan aki tabata tesoronan di balor inkalkulabel. El a stima nan i tabata ansioso pa kompartí nan. E tabata ke pa tur su siguidónan, "tur instruktor públiko," sinti asina. Nos ta sinti

6, 7. Kon Hesus tabata ke pa "tur instruktor públiko" sinti tokante e tarea di kompartí e bon nobo ku otro hende? Ilustrá esei.

8. Dikon nos tin bon motibu pa konsiderá e bèrdatnan ku nos ta siña for di e Palabra di Dios komo tesoro?

asina? Nos tin bon motibu pa stima tur bèrdat ku nos siña for di e Palabra di Dios. Nos ta balorá e hoyanan di e bèrdat sea ku nan ta kreensianan ku nos ta apresia for di hopi tempu òf refinashonnan mas resien. Ora nos ta papia ku entusiasmo sinsero i ta mantené nos amor pa loke Yehova a siña nos, nos ta transmití e amor ei, meskos ku Hesus a hasi.

⁹ Ademas, Hesus a stima e hendenan ku el a siña, manera nos lo trata mas en detaye den Sekshon 3. Profesia a bisa di antemano ku e Mesias lo "tin kompashon di e pover i di esun den nesesidat." (Salmo 72:13) I en bèrdat, Hesus tabata interesá den hende. E tabata interesá den loke nan a pensa i den loke a motivá nan; e tabata preokupá pa e karganan ku a pisa nan i e opstákulonnan ku a stroba nan di kapta e bèrdat. (Mateo 11:28; 16:13; 23:13, 15) Por ehèmpel, kòrda riba e muhé samaritano. Sin duda, el a keda masha impreshoná ku Hesus a mustra interes den dje. E echo ku Hesus a diserní su situashon personal a motiv'é pa aseptá Hesus komo profeta i pa konta otro hende tokante Hesus. (Juan 4:16-19, 39) Ta bèrdat ku komo siguidó di Hesus djawe nos no por lesa ku rason di e hendenan ku nos ta prediká na dje. Loke sí nos por hasi ta mustra interes den hende, meskos ku Hesus a hasi; nos por laga nan mira ku nos ta interesá den nan; i nos por adaptá nos palabranan pa satisfasé nan interesnan, retonan i nesesidatnan spesífiko.

Loke Hesus A Prediká

¹⁰ Kiko Hesus a prediká? Si bo mester bai buska e kontesta den e siñansanan di hopi religion ku ta bisa ku nan ta represent'é, lo bo por konklui ku el a proklamá un tipo di evangelio sosial. Òf podisé lo bo haña e impreshon ku el a boga pa

9. (a) Kiko Hesus a sinti pa e hendenan ku el a siña? (b) Kon nos por imitá e aktitut ku Hesus tabatin pa hende?

10, 11. (a) Kiko Hesus a prediká? (b) Kon bin a surgi e nesesidat di e Reino di Dios?

reformanan polítiko òf ku el a enfatisá salbashon personal komo e kos di mas importante. Sin embargo, manera nos a menshoná anteriormente, Hesus a bisa bon kla: "Mi mester prediká e reino di Dios." Kiko presis esei a enserá?

¹¹ Kòrda ku Hesus tabata den shelu ora ku Satanás na promé instante a lanta duda si ta hustu ku Yehova ta e Soberano di universo. Lo mester tabata hopi doloroso pa Hesus mira Satanás kalumniá su Tata hustu i akus'é di ta un Gobernante inhustu ku ta priva Su kriaturanan di loke ta bon! E Yu di Dios lo mester a sintié hopi tristu ora ku Adam ku Eva, e futuro mayornan di humanidat, a kere e kalumnia di Satanás! E Yu a mira kon piká i morto a pasa pa henter e famia humano debí na e rebelion ei. (Romanonan 5:12) Pero ki emoshoná lo e mester tabata ora el a haña sa ku un dia su Tata lo a korigí e situashon!

¹² Kiko tabata e kuestion prinsipal ku mester a ser resolvé? Mester a santifiká Yehova su nòmber santu, es desir, limpi'é di tur rastro di reproche ku Satanás i tur ku a uni kuné, a pone riba e nòmber ei. Mester a keda demostrá ku Yehova ta e Soberano legítimo. Hesus a komprondé e kuestionnan sumamente importante aki mihó ku kualke otro hende. Den e orashon modelo, el a siña su siguidónan pidi promé pa e nòmber di su Tata ser santifiká, despues pa e Reino di su Tata bin, anto kaba pa Dios su boluntat sosodé na tera. (Mateo 6: 9, 10) Djis akí e Reino di Dios, ku Kristu Hesus komo su Gobernante, lo eliminá Satanás su sistema korupto for di riba tera i konfirmá Yehova su gobernashon hustu pa semper. —Daniel 2:44.

¹³ E Reino ei tabata e tema di Hesus su ministerio. Tur su palabra- i akshonnan a yuda klarifiká kiko e Reino ei ta i kon lo e sirbi e propósito di Yehova. Hesus no a laga nada

12, 13. Ki inhustisianan e Reino di Dios lo korigí, i kon Hesus a hasi e Reino e punto sentral di su ministerio?

desví’ é for di su mishon di prediká e bon nobo di e Reino di Dios. Den su tempu, tabatin kuestionnan sosial urgente, ma sha hopi inhustisia, i tòg el a enfoká riba su mensahe i su trabou. Akaso e echo ku Hesus a hasi esei a nifiká ku e tabatin un punto di bista infleksibel i ku su manera di abordá hende tabata laf i ripititivo? Definitivamente ku nò!

¹⁴ Manera nos lo bai mira den henter e sekshon aki, Hesus a hasi su siñansa fasinante i yen di variedat. El a papia ku e meta di yega na kurason di e hendenan. Esei por laga nos kòrda riba e rei sabí, Salomon, kende a buska palabranan agradabel, palabranan korekto di e bèrdad, pa transmití e pensamentunan ku Yehova a inspir’ é pa skirbi. (Eklesiastés 12:10) Yehova a duna e hòmber imperfekto ei “grandesa di kurason,” i esei a kapasit’ é pa papia tokante hopi kos, entre otro di para, piská, mata i bestia. Hende tabata bin di lugánan leu pa tende Salomon papia. (1 Reinan 4:29-34) Sin embargo, Hesus tabata “mas ku Salomon.” (Mateo 12:42) E tabata hopi mas sabí i tabatin hopi mas “grandesa di kurason.” Ora Hesus tabata siña hende, el a usa su konosementu superior di e Palabra di Dios, i tambe su konosementu di para, bestia, piská, agrikultura, klima, susesonan aktual, historia i kondishonnan sosial. Sin embargo, Hesus nunca a broma ku su konosementu afin di impreshoná otro hende. El a tene su mensahe simpel i kla. P’esei ta di komprondé ku e hendenan tabata gusta skuch’ é!—Marko 12:37; Lukas 19:48.

¹⁵ Kristiannan djawe ta purba sigui Hesus su ehèmpel. Nos no tin e mesun sabiduria i konosementu inmenso kuné, pero sí nos tur tin un midí di konosementu i eksperensia ku nos por usa ora nos ta kompartí e bèrdatnan di e Palabra di Dios ku otro hende. Por ehèmpel, mayornan por hasi uso di

14, 15. (a) Kon Hesus a duna prueba di ta “mas ku Salomon”?
 (b) Kon nos por imitá Hesus den e mensahe ku nos ta prediká?

nan eksperensia den kriamentu di yu pa ilustrá Yehova su amor pa Su yunan. Otro kristiannan por usa ehèmpel- òf ilustrashonnan basá riba nan empleo, skol òf nan konosementu di hende i di susesonan aktual. Na mes tempu, nos ta tene kuidou pa no laga nada desviá nos atenshon for di nos mensahe, ku ta e bon nobo di e Reino di Dios.—1 Timoteo 4:16.

Hesus Su Aktitut Relashoná ku Su Ministerio

¹⁶ Hesus a konsiderá su ministerio komo un tesoro presioso. Gustosamente el a yuda hende mira su Tata selestial manera E ta en realidat, no e misterio ku doktrina- i tradishonnan konfuso di hende a krea di dje. Hesus tabata gusta yuda hende haña un relashon aprobá ku Yehova i tambe e speranza di bida eterno. Tabata un plaser p'e pa duna hende e konsuelo i goso di e bon nobo. Kon el a demostrá ku e tabatin e sintimentunan ei? Konsiderá tres manera.

¹⁷ Di promé, *Hesus a hasi e ministerio e kos prinsipal den su bida*. Su karera tabata pa papia tokante e Reino; esei tabata e obra prinsipal den su bida, e kos ku mas a interes'é. Ta p'esei, manera nos a menshoná den Kapítulo 5, Hesus sabiamente a mantené su bida simpel. El a keda ku su bista enfoká riba loke tabata mas importante, manera el a konsehá otronan pa hasi. E no a laga hopi kos kita su atenshon, kosnan ku segun ku tempu tabata pasa lo e mester a paga, mantené, drecha òf remplasá. El a biba simpel pa no laga nada kit'é innesesariamente for di su ministerio.—Mateo 6:22, NW; 8:20.

¹⁸ Di dos, *Hesus a usa tur su vigor den su ministerio*. El a dediká masha hopi energia na e ministerio, kanando literalmente sentenáres di kilometer dor di henter Palestina,

16, 17. (a) Ki aktitut Hesus tabatin relashoná ku su ministerio? (b) Kon Hesus a mostra ku su ministerio tabata e enfoke prinsipal di su bida?

18. Den ki maneranan Hesus a usa tur su vigor den e ministerio?

en buska di hende ku e por a kompartí e bon nobo kuné. El a papia ku nan den nan kas, riba plenchinan públiko, na mar-she i pafó den aire liber. El a papia ku nan asta ora ku e ta-batin mester di sosiegu, kuminda, awa òf un ratu pa relahá ku su amigunan íntimo. Asta ora e tabata muriendo, el a si-gui kompartí e bon notisia di e Reino di Dios ku otro hende! —Lukas 23:39-43.

¹⁹ Di tres, *Hesus a trata e ministerio komo algu urgente*. Kòrda riba su kòmbersashon ku e muhé samaritano na e pos pafó di Sikar. Aparentemente e apòstelnan di Hesus no a mira den e situashon ei pakiko tabata asina urgente pa kom-partí e bon nobo ku otro hende. Hesus a bisa nan: "Boso no ta bisa: 'Falta kuater luna pa tempu di kosecha yega'? Mira, mi ta bisa boso, hisa boso kara wak i mira e kunukunan, pa-sobra nan ta blanku pa wòrdu kosechá." —Juan 4:35.

²⁰ Hesus a basa e ilustrashon ei riba e temporada ku nan tabata aden. Evidentemente nan tabata den luna di kisleu (novèmber/desèmber). Tabata falta kuater luna ainda pa e kosecha di puspas, ku lo a tuma lugá rònt di e Pasku Hudiu, riba 14 di nisan. Pues, kunukeronan no a sinti ningun urgen-sia relashoná ku kosecha na e momentonan ei. Ainda taba-ta falta hopi dia. Pero kiko di e kosecha di hende? Esei sí ta-bata otro kos. Tabatin hopi hende kla pa tende, pa siña, pa bira disipel di Kristu i haña e maravioso speransa ku Yeho-va a ekstendé na nan. Tabata komo si fuera Hesus por a wak e kunukunan figurativo ei i mira ku nan tabata blanku di tur e grano hechu ku tabata zuai suavemente den bientu, indi-kando ku nan tabata kla pa ser kosechá.* Awor tabata e mo-mento, i e trabou tabata urgente! P'esei ora ku e hendenan

* Relashoná ku e versíkulo aki, un obra di referensia ta bisa: "Ora gra-no hecha, su koló ta kambia di bèrdè pa hel, òf pa un koló kla, indikan-do ku ta tempu pa kosech'é."

Kon Bo Por Sigui Hesus?

- Kon nos orashonnan i nos akshonnan lo por muera ku nos ta komprondé kon urgente e ministerio ta?—Mateo 9:35-38.
- Si nos ripará ku nos entusiasmo pa e ministerio ta friando, kon e aktitut di Hesus lo por stimulá nos?—Marko 1:35-39.
- Segun ku nos ta prediká, kon nos mester mira e hendenan di kondishon humilde, esnan oprímí òf esnan rechasá pa otro-nan?—Lukas 18:35–19:10.
- Dikon nunca nos no mester laga un reakshon indiferente òf antipátiko fria nos selo?—Juan 7:32-52.

di un sierto stat a purba tene Hesus serka nan, el a bisa nan: "Mi mester prediká e reino di Dios na e otro statnan tambe, pasobra ta pa e propósito aki mi a wòrdu mandá."—Lukas 4:43.

²¹ Den tur e tres maneranan ku nos a konsiderá, nos por imitá Hesus. Nos por hasi e ministerio kristian e enfoke prinsipal di nos bida. Maske nos tin famia i obligashonnan den mundu, nos por demostrá ku nos ministerio ta na promé lugá ora nos ta partisipá den dje ku selo i ku regularidat, manera Hesus a hasi. (Mateo 6:33; 1 Timoteo 5:8) Nos por usa tur nos vigor den e ministerio, dunando generosamente di nos tempu, energia i rekursonan pa apoy'é. (Lukas 13:24) Anto semper nos por tene na mente ku nos trabou ta urgente. (2 Timoteo 4:2, NW) Nos tin ku probechá di delaster un oportunidat pa prediká!

²² Hesus a hasi sigur ku e trabou por a sigui despues di su morto. Di e manera ei tambe el a demostrá ku el a mira e importansia di e trabou. El a enkargá su siguidónan pa sigui ku e trabou di prediká i siña hende. E enkargo ei lo ta e tópiko di e siguiente kapítulo.

21. Kon nos por imitá Hesus?

22. Kiko nos lo konsiderá den e siguiente kapítulo?

“Bai i Hasi ... Disipel”

PENSA riba e reto ku un kunukero ta konfrontá den e siguiente senario. Algun luna promé e kunukero a plug su tereno i sembra simia. Ku hopi interes el a wak e promé blachinan kuminsá sali, i ku satisfakshon a mira e planchinan krese bira grandi. Tempu di kosecha a yega, i awor lo e ser rekompensá pa tur su trabou duru. Pero e tin un dilema: E kosecha ta muchu hopi p’e so rekoh’é. Pa resolvé e problema aki, e ta tuma e desishon sabí di kontratá algun trahadó i ta manda nan bai kosechá den su kunuku. E kos ta ku e tempu pa rekohé su kosecha presioso ta limitá.

² Den lènte di aña 33 di nos era, Hesus resusitá a

1-3. (a) Kiko un kunukero ta hasi ora e kosecha ta muchu hopi p’e so rekoh’é? (b) Ki reto Hesus a konfrontá den lènte di aña 33, i kon el a solushoná e situashon?

***Kiko un kunukero por hasi si e kosecha ta
muchu hopi p’e so rekoh’é?***



konfrontá un reto similar. Durante su ministerio terenal, el a sembra simianan di e bèrdat. Awor tabatin un kosecha abundante pa rekohé. Hopi hende ku a reakshoná favorablemente mester a ser rekohé pa bira disipel. (Juan 4: 35-38) Kon Hesus a resolvé e problema aki? Riba un seru na Galilea, djis promé ku el a subi na shelu, el a duna su disipelnan un enkargo ku lo a resultá den mas trahadó, bisando: "Bai i hasi tur e nashonnan disipel di mi, i batisá nan . . . i siña nan pa kumpli ku tur loke mi a ordená boso." —Mateo 28:19, 20.

³ E enkargo ei ta un aspekto fundamental di loke ta nifiká ser un berdadero siguidó di Kristu. P'esei laga nos analisá tres pregunta. Dikon Hesus a duna e enkargo pa haña mas trahadó? Kon el a entrená su disipelnan pa hasi esaki? Kon nos ta enbolbí den e enkargo aki?

Pakiko Tabatin Mester di Mas Trahadó

⁴ Ora Hesus a kuminsá ku su ministerio na aña 29, e tabata sa ku el a inisiá un trabou ku riba su mes lo e no a kaba kuné. E área ku lo e por a abarká i e kantidat di hende ku lo e por a alkansá ku e mensahe di Reino, den e tempu kòrtiku ku a rest'é riba tera, tabata limitá. Ta bèrdat ku el a limitá su predikashon prinsipalmente na hende hudiu i prosélito, "e karnénan pèrdí di e kas di Israel." (Mateo 15:24) Sin embargo, e "karnénan pèrdí" ei tabata plamá den henter Israel, un pais ku a abarká mîles di kilometer kuadrá. Ademas, ku tempu lo mester a hiba e bon nobo na e restu di e kampo mundial.—Mateo 13:38; 24:14.

⁵ Hesus a rekonosé ku despues di su morto lo a keda hopi trabou pa hasi. El a bisa su 11 fiel apòstelnan: "Di bèrdat,

4, 5. Dikon Hesus lo no por a kaba ku e trabou ku el a kuminsá kuné, i ken lo tabatin ku sigui ku e trabou despues ku el a bai shelu bèk?

di bèrdat, mi ta bisa boso, esun ku kere den mi, e obranan ku mi ta hasi e tambe lo hasi; i obranan mas grandi ku esakinan e lo hasi, pasobra mi ta bai serka e Tata.” (Juan 14:12) Siendo ku e Yu lo a bai shelu bèk, ta su siguidónan—no solamente e apòstelnan sino tambe tur futuro disipel—lo tabatin ku kontinuá ku e trabou di prediká i siña hende. (Juan 17:20) Hesus a rekonosé humildemente ku nan obranan lo ta “mas grandi” ku esnan di dje. Kon asina? Den tres manera.

⁶ Di promé, e siguidónan di Hesus lo a *kubri mas teritorio*. Awe, nan predikashon a yega den tur skina di e tera, hopi mas leu ku e fronteranan di e pais kaminda Hesus mes a prediká. Di dos, nan lo a *alkansá mas hende*. E grupo chikí di disipel ku Hesus a laga atras, rápidamente a krese bira miles di persona. (Echonan 2:41; 4:4) Awor nan ta miónes, anto sientos di miles di hende nobo ta batisá tur aña. Di tres, nan lo a *prediká pa un tempu mas largu*; te ku awe nan ta prediká, kasi 2.000 aña despues ku Hesus su ministerio di tres aña i mei a terminá.

⁷ Bon mirá, Hesus a ekspresá konfiansa den su siguidónan ora ku el a bisa ku nan lo hasi “obranan mas grandi ku esakinan.” El a laga den nan man un obra ku tabata di sumo importansia p’e, e trabou di prediká i siña hende e bon nobo di “e reino di Dios.” (Lukas 4:43) Hesus tabata konvensí ku nan lo a kumpli ku e asignashon fielmente. Kiko esaki ta nifiká pa nos awe? Ku ora nos ta dediká nos mes na e ministerio ku selo i ku henter nos kurason, nos ta demostrá ku Hesus no a kiboká su mes ora ku el a pone su konfiansa den su siguidónan. Esaki no ta un privilegio remarkabel?—Lukas 13:24.

6, 7. (a) Den ki manera e obranan ku e siguidónan di Hesus lo a hasi lo ta mas grandi ku esnan di dje? (b) Kon nos por demostrá ku Hesus no a kiboká su mes ora ku el a pone su konfiansa den su siguidónan?

Entrená pa Duna Testimonio

⁸ Hesus a duna su disipelnan e mihó entrenamentu ku tabatin pa e ministerio. Mas ku tur kos, el a pone un ehèmpel perfekto pa nan. (Lukas 6:40) Den e kapítulo anterior, nos a konsiderá su aktitut relashoná ku e ministerio. Pensa un ratu riba e disipelnan ku a biaha huntu ku Hesus durante su giranan di predikashon. Nan a opservá ku e tabata prediká unda ku tabatin hende: kantu di awa i na barika di seru, den stat i na plasa, i den kasnan privá. (Mateo 5:1, 2; Lukas 5:1-3; 8:1; 19:5, 6) Nan a mira ku e tabata un persona trahadó, ku a lanta mainta trempañ i a sirbi te anochi lat. E ministerio no tabata djis un hòbi ku e tabata okupá su mes kuné den su tempu liber! (Lukas 21:37, 38; Juan 5:17) Sin duda nan a ripará ku ta amor profundo pa hende a motivá Hesus. Kisas nan a mira den su kara e kompasshon ku el a sinti den su kurason. (Marko 6:34) Ki efekto bo ta kere e ehèmpel di Hesus tabatin riba su disipelnan? Kon lo el a influensiá *abo*?

⁹ Komo siguidó di Kristu, nos ta imitá su ehèmpel den nos ministerio. P'esei nos ta probechá di tur oportunitat pa duna "testimonio kabal." (Echonan 10:42, NW) Meskos ku Hesus, nos ta bishitá hende na nan kas. (Echonan 5:42) Si ta nesesario, nos ta ahustá nos programa pa bishitá nan ora ku nos tin mas chèns di haña nan na kas. Ademas, nos ta buska hende na lugánan públiko i ta prediká na nan diskretamente; sea ta riba kaya, den parke, den tienda i na nos trabou. Nos ta sigui "traha duru i ta hasi esfuerso" den e ministerio, pasobra nos ta tuma e trabou aki na serio. (1 Timoteo 4:10, NW) Amor profundo i sinsero pa otro hende ta motivá nos pa sigui buska oportunitat pa prediká tur kaminda i tur momento ku nos por haña hende.—1 Tesalonisensenan 2:8.

8, 9. Ki ehèmpel Hesus a pone den e ministerio, i kon nos por imitá su ehèmpel den nos ministerio?



***Amor ta motivá nos pa
prediká unda ku nos
haña hende***

¹⁰ Un otro manera ku Hesus a entrená su disipelnan tabata dor di duna nan instrukshonnan detayá. Promé ku el a manda e 12 apòstelnan i despues e 70 disipelnan bai prediká, el a tene loke nos por yama seshonnan di entrenamentu. (Mateo 10:1-15; Lukas 10:1-12) E entrenamentu a duna bon resultado, pasobra Lukas 10:17 ta informá: “E setentanan a bolbe ku goso.”

Laga nos konsiderá dos lès importante ku Hesus a siña nan, pero nos tin ku kòrda ku mester komprondé su palabranan den lus di e kustumbenan hudiu den tempu bíbliko.

¹¹ Hesus a siña su disipelnan *pa konfia den Yehova*. El a bisa nan: “No buska oro, ni plata, ni koper pa hiba den boso faha; ni saku pa biaha kuné, ni dos túnika, ni sandalia, ni garoti; pasobra e trahadó ta digno di su mantenishon.” (Mateo 10:9, 10) E tempu ei biaheronan tabatin e kustumber di kana ku un faha ku a fungi komo pòtmòni, un saku i un èkstra par di sandalia.* Ora Hesus a instruí su disipelnan pa no wòri tokante e kosnan ei, de echo e tabata bisando: “Pone boso pleno konfiansa den Yehova, pasobra lo e sòru pa boso nesesidatnan.” Yehova lo a perkurá pa nan dor di motivá e hendenan ku a aseptá e bon nobo

* E faha a fungi kisas pa pone moneda aden. E saku tabata mas grandi, por lo general di kueru, i nan a karg'é na skouder i a us'é pa karga kuminda i otro provishonnan.

10-12. Ki lèsnan importante Hesus a siña su disipelnan promé ku el a manda nan bai prediká?



pa mustra hospitalidat na nan, lokual tabata un kustumber den Israel.—Lukas 22:35.

¹² Hesus a siña su disipelnan tambe pa *evitá distraishonnan innesesario*. E di: "No saludá ningun hende na kamin-da." (Lukas 10:4) Akaso Hesus tabata ke pa nan trata hende na un manera friu òf seku? Klaru ku nò. Den tempu bíbliko, saludá un hende a enserá mas ku djis bisa 'kumbai.' Saludonan di kustumber a enserá vários formalidat i kòmbersashonnan masha largu. Un komentarista bíbliko a deklará: "Hende di Oriente no tabata kumindá otro ku djis bùig kabes òf duna man, manera serka nos, sino mas bien [a] efektuá hopi brasamentu i bùigmentu, i asta tiramentu di kurpa plat abou riba suela. Tur esaki a rekerí hopi *tempu*." P'esei ora Hesus a bisa su disipelnan pa no partisipá den e saludamentu di kustumber, de echo e tabata bisando: "Usa boso tempu mas efikasmente posibel, pasobra e mensahe ku boso ta hiba ta urgente."*

¹³ Nos ta tuma na pechu e instrukshonnan ku Hesus a duna su disipelnan di promé siglo. Ora nos ta efektuá nos ministerio, nos ta pone nos pleno konfiansa den Yehova. (Proverbionan 3:5, 6) Nos sa ku nunca nos lo falta e neseditatnan di bida si nos sigui "buska promé e reino di Dios." (Mateo 6:33) Predikadónan di Reino di tempu kompletu na tur parti di mundu por confirmá ku asta durante tempu difísil, Yehova su man nunca ta kòrtiku. (Salmo 37:25) Nos ta rekonosé tambe ku ta neseseio pa evitá kosnan ku por kita

* Na un okashon profeta Eliseo a duna kasi e mesun instrukshon. Ora el a manda su sirbidó Gehazi bai na kas di un señora ku su yu a muri, Eliseo a bis'é: "Si bo topa un hende, no salud'é." (2 Reinan 4:29) E mishon tabata urgente, p'esei no tabatin tempu pa tardansa inneseio.

13. Den ki maneranan nos por demostrá ku nos ta tuma na pechu e instrukshonnan ku Hesus a duna su disipelnan di promé siglo?

"E setentanan a bolbe ku goso"

nos atenshon for di e ministerio. Si nos no tene kuido, e sistema di kosnan aki por desviá nos fásilmente. (Lukas 21: 34-36) Sin embargo, awor no ta tempu pa ser distraí. Bida di hende ta den wega, p'esei nos mensahe ta urgente. (Romanonan 10:13-15) Si nos mantené un sentido di urgensia den nos kurason, esei lo yuda nos pa no laga e distraishonnan di e mundu aki apsorba e tempu i energia ku nos lo por a usa mihó den e ministerio. Kòrda, e tempu ku a resta ta kòrtiku i e kosecha ta grandi.—Mateo 9:37, 38.

Un Trabou Ku Ta Enbolbé Nos Tur

¹⁴ Ku e palabranan "Bai i hasi . . . disipel," Hesus resusitá a pone un responsabilidat pisá riba su siguidónan. No ta e disipelnan so ku tabata presente e dia ei riba seru di Galilea e tabatin na mente.* E trabou ku el a enkargá nan a enserá yega na hende di "tur e nashonnan," i e trabou ta sigui "te na fin di mundu." Ta bisto anto ku e enkargo aki ta apliká na tur siguidó di Kristu, inkluso nos awe. Laga nos analisá e palabranan di Hesus na Mateo 28:18-20.

¹⁵ Promé ku el a duna e enkargo, Hesus a bisa: "Tur outoridat a wòrdu duná na mi den shelu i riba tera." (Versíkulo 18) Di bèrdat Hesus tin un outoridat asina grandi? Sí! E ta e arkangel ku ta na kabes di míles i míles di angel. (1 Tesalonisensenan 4:16; Revelashon 12:7) Komo 'kabes di e kongregashon,' e tin outoridat riba su siguidónan riba tera. (Efesionan 5:23) For di aña 1914, e ta goberná komo

* Komo ku mayoria di e siguidónan di Hesus resusitá tabata na Galilea, kisas tabata na e okashon deskribí na Mateo 28:16-20 ku el a aparese na "mas ku sinkushen ruman." (1 Korintionan 15:6) P'esei por tabatin sentenáres di persona presente ora ku Hesus a duna e enkargo pa hasi disipel.

14. Kiko ta indiká ku e enkargo ku tin na Mateo 28:18-20 ta apliká na tur siguidó di Kristu? (Wak tambe e nota na pia di página.)

15. Dikon ta sabí pa nos obedesé Hesus su mandamentu pa hasi disipel?

Rei Mesiániko den shelu. (Revelashon 11:15) Su outoridat ta yega asta te den graf, pasobra e tin e poder pa resusitá e mortonan. (Juan 5:26-28) E echo ku Hesus a deklará promé kon ekstenso su outoridat ta, ta indiká ku e palabranan ku a sigui no ta un sugerensia sino un mandamentu. Ta sabí di nos parti pa obedes' é, pasobra no ta é a tuma e outoridat ei riba su mes sino ta Dios a dun' éle.—1 Korintionan 15:27.

¹⁶ Despues Hesus a deskribí e enkargo, ku ta kuminsá ku un solo palabra: “*Bai.*” (Versíkulo 19) Pues el a manda nos tuma e inisiativa pa hiba e mensahe di Reino na otro hende. Pa nos kumpli ku e aspekto aki di nos enkargo, nos por usa vários método. Un di nan ta e predikashon di kas pa kas; esei ta un manera masha efektivo pa hasi kontakto personal ku hende. (Echonon 20:20) Tambe nos ta buska oportunitat pa duna testimonio informalmente; nos ta ansioso pa kuminsá un kòmbersashon tokante e bon nobo na unda ku ta apropiá durante nos bida diario. Nos métodoonan spesífiko di prediká por varia, ya ku nos ta adaptá nan na e nesidad- i sirkunstansianan lokal. Pero un kos sí ta keda meskos: Nos ta “bai” i buska hende ku ta digno di e mensahe.—Mateo 10:11.

¹⁷ Siguietemente Hesus a splika e meta di e enkargo, esta, pa ‘*hasi disipel.*’ (Versíkulo 19) Kon nos ta ‘hasi disipel’? Básikamente, un disipel ta un persona ku ta den e proseso di siña, ku ta hañando siñansa. Sin embargo, hasi disipel no ta djis un asunto di duna konosementu na otro hende. Ora nos ta studia Beibel ku personanan interesá, nos meta ta pa yuda nan bira siguidó di Kristu. Ki ora ku ta posibel, nos ta enfatisá e ehèmpel di Hesus di manera ku nos studiantenan ta siña wak riba dje komo nan Maestro i Modelo, bibando manera el a biba i hasiendo e trabou ku el a hasi.—Juan 13:15.

16. Ora Hesus a bisa nos pa “bai,” ta kiko el a manda nos hasi, i kon nos ta kumpli ku e aspekto aki di e enkargo?

17. Kon nos ta ‘hasi disipel’?

Kon Bo Por Sigui Hesus?

- Kon nos mester aserká hende ku e mensahe di Reino?—Mateo 10:11-13; Lukas 10:5.
- Ora hende ta bai kontra di nos trabou di prediká, kon e palabranan di Hesus por yuda nos enfrentá esei?—Marko 13:9-13.
- Kon nos mester trata ku hende ku no ta reakshoná faborablemente riba nos mensahe?—Lukas 10:10, 11.
- Ora nos ta duna prioridat na e trabou di prediká, ki konfiansa nos por tin?—Lukas 12:22-31.

¹⁸ Un parti masha importante di e enkargo ta ser ekspresá den e palabranan: "*Batisá* nan den nòmber di e Tata i di e Yu i di e spiritu santu." (Versíkulo 19) Boutismo ta e logro di mas importante den bida di un disipel, pasobra e ta un símbolo apropiá di e dedikashon di henter kurason ku el a hasi na Dios. Pues, e ta esensial pa salbashon. (1 Pedro 3:21) Sí, e disipel batisá ku ta sigui hasi su bèst pa sirbi Yehova, por antispá bendishonnan eterno den e mundu nobo ku ta na kaminda. Abo a yega di yuda un hende bira un disipel batisá di Kristu? Den e ministerio kristian, no tin un motibu mas grandi di goso ku esei.—3 Juan 4.

¹⁹ Hesus a splika e siguiente parti di su enkargo, bisando: "*Siña* nan pa kumpli ku tur loke mi a ordená boso." (Versíkulo 20) Nos ta siña hende nobo obedesé e mandamentunan di Hesus, entre otro, e mandamentunan pa stima Dios, stima próhimo i hasi disipel. (Mateo 22:37-39) Progresivamente nos ta siña nan kon pa splika bèrdatnan bíbliko i defendé nan fe ku ta kresiendo. Ora nan ta kualifiká pa

18. Dikon boutismo ta e logro di mas importante den bida di un disipel?

19. Kiko nos ta siña hende nobo, i dikon kisas nos lo tin ku sigui siña nan despues ku nan batisá?

partisipá den e predikashon públiko, nos ta traha huntu ku nan, i ta siña nan mediante palabra i ehèmpel kon nan por hasi e trabou aki na un manera produktivo. No ta tur biaha nos ta kaba di siña disipelnan nobo promé ku nan batisá. Personanan resien batisá kisas tin mester di mas instruksion pa yuda nan trata ku e retonan ku hende ku ta sigui Kristu ta haña nan kuné.—Lukas 9:23, 24.

"Mi Ta ku Boso Semper"

²⁰ E último palabranan di Hesus su enkargo ta masha trankilisante: "Mira, mi ta ku boso semper, te na fin di mundu." (Mateo 28:20) Hesus a rekonosé ku e asignashon aki ta unu di peso. E tabata sa tambe ku ora nos ta kumpli kuné esei tin biaha ta provoká reakshonnan agresivo di parti di opositornan. (Lukas 21:12) Sin embargo, nos no tin nodi tene miedu. Nos Lider no ta spera di nos pa nos kumpli ku e asignashon aki sin yudansa òf nos so. No ta un konsuelo pa sa ku Esun ku tin "tur outoridat . . . den shelu i riba tera" ta ku nos pa sostené nos segun ku nos ta kumpli ku e enkargo aki?

²¹ Hesus a sigurá su disipelnan ku lo e ta ku nan den e ministerio atraves di siglonan te "na fin di mundu." Tanten ku e fin no bin, nos tin ku sigui kumpli ku e enkargo di Hesus. Awor no ta tempu pa bai pokopoko. Tin un kosecha spiritual abundante ta tumando lugá! Personanan ku ta reakshonando faborablemente ta ser rekohe na gran kantidat. Komo siguidó di Kristu, laga nos ta determiná pa kumpli ku e enkargo importante ku Hesus a konfia na nos. Laga nos ta determiná pa duna di nos tempu, energia i rekursonan pa kumpli ku e mandamentu di Kristu: "Bai i hasi . . . disipel."

20, 21. (a) Dikon nos no tin nodi tene miedu segun ku nos ta kumpli ku e enkargo ku Hesus a duna? (b) Dikon awor no ta tempu pa nos bai pokopoko, i kiko lo mester ta nos determinashon?

“Ta Pará Skirbí”

TABATA na kuminsamentu di Hesus su ministerio. Kristu a bolbe na Názarèt, e stat kaminda el a lanta. Su meta tabata pa yuda e hendenan einan yega na un konklushon sumamente importante: É tabata e Mesias tan sperá, esun predisí for di hopi tempu pasá! Ki evidensia el a duna?

² Hopi hende sin duda a spera un milager. Nan a tende di e obranan asombroso ku Hesus a efektuá. Sin embargo, e no a duna nan ningun señal. Mas bien, manera tabata su kustumber, el a bai snoa. El a lanta para pa lesa i nan a entreg’é e buki di Isaias. Tabata trata di un ròl largu, probablemente lorá rònt di un par di bara, anto Hesus kuidadosamente a habri e ròl te ora el a haña e pasashi ku e tabata buska. E ora ei el a lesa na bos haltu loke awe ta Isaias 61:1-3.—Lukas 4:16-19.

³ E hendenan presente sin duda tabata konosé e pasashi ei. Tabata un profesia tokante e Mesias. Bista di tur hende den snoa tabata fihá riba Hesus. A reina un silensio. Anto Hesus a kuminsá splika, kisas pa basta ratu: ‘Awe e skritura aki a kumpli.’ E hendenan a keda asombrá di e palabranan agradabel ku el a papia, pero aparentemente hopi di nan tòg kier a mira un òf otro señal espektakular. Pero na lugá di esei, Hesus ku kurashi a usa un ehèmpel bíbliko pa saka nan falta di fe na kla. Poko despues, e hendenan di Názarèt a purba mat’é!—Lukas 4:20-30.

⁴ Aki Hesus a establese un patronchi ku el a mantené

1-3. Ki konklushon sumamente importante Hesus tabata ke pa e hendenan di Názarèt yega na dje, i ki evidensia e ta duna?

4. Ki patronchi Hesus a establese den su ministerio, i kiko nos lo konsiderá den e kapítulo aki?



durante henter su ministerio. El a usa e Palabra inspirá di Dios komo e argumento mas fuerte pa loke el a bisa i hasi den su ministerio. Ta bèrdat ku su milagernan tabata di gran importansia pa demostrá ku e spiritu di Dios tabata kuné. Sin embargo, no tabatin nada mas importante pa Hesus ku e Santu Skritura. Laga nos analisá e ehèmpel ku el a pone den esaki. Nos lo konsiderá kon nos Shon a sita for di e Palabra di Dios, a defendé e Palabra di Dios i a splika e Palabra di Dios.

El A Sita for di e Palabra di Dios

⁵ Hesus tabata ke pa e hendenan sa di unda su mensahe a bin. El a bisa: "Mi siñansa no ta di mi, ma di esun ku a manda mi." (Juan 7:16) Na un otro okashon, el a bisa: "Ami no ta hasi nada di mi mes, ma . . . mi ta papia e kosnan aki manera e Tata a siña mi." (Juan 8:28) Ademas, e di: "E kosnan ku mi ta bisa boso mi no ta papia nan di mi mes; sino e Tata ku ta permanesé den union ku mi ta hasi su obranan." (Juan 14:10, NW) Un manera ku Hesus a duna prueba ku e deklarashonnan ei tabata bèrdat ta pa medio di sita e Palabra skirbí di Dios bes tras bes.

⁶ Un análisis kuidadoso di tur e palabranan ku tin registrá di Hesus ta revelá ku el a sita direktamente for di mas ku mitar di e bukinan di e kánon di e Skritura Hebreo òf a referí indirektamente na nan. Na promé instante esei kisas no ta zona impreshonante. Podisé bo ta puntra bo mes dikun durante e tres añanan i mei ku Hesus a prediká i siña hende públikamente e no a sita for di *tur* e bukinan inspirá ku tabatin. Wèl, por ta masha bon ku el a hasié. No lubidá ku ta un frakshon so di e palabranan i echonan di Hesus tin registrá den Beibel. (Juan 21:25) De echo, den apénas un par di ora lo bo por lesa

5. Kiko Hesus tabata determiná pa laga su oyentenan sa, i kon el a demostrá ku loke el a bisa ta bèrdat?

6, 7. (a) Te na ki grado Hesus a sita for di e Skritura Hebreo, i dikun esaki ta impreshonante? (b) Kon e siñansa ku Hesus a duna tabata otro for di esun di e eskribanan?

na bos haltu tur e palabranan di Hesus ku tin registrá. Awor, imaginá ku bo ta papia tokante Dios i su Reino pa djis un par di ora i bo ta logra referí na mas ku mitar di e bukinan di e Skritura Hebreo! Es mas, den mayoria di kaso Hesus no tabatin ròlnan skirbí huntu kuné. Ora ku el a tene su famoso Sermon Riba Seru, el a inkluí kantidat di referensia direkto i indirekto na e Skritura Hebreo; anto tur for di kabes!

⁷ E tekstonan ku Hesus a sita a demostrá su rèspèt profundo pa e Palabra di Dios. Su oyentenan “a keda asombrá di su siñansa, pasobra e tabata siña nan manera un hende ku tin outoridat i no manera e eskribanan.” (Marko 1:22) Ora e eskribanan tabata siña hende, nan tabata gusta referí na e asina yamá lei oral, sitando palabranan di rabinan eduká di pasado. Hesus ni ún biaha no a sita e lei oral òf un rabi komo outoridat. Mas bien, el a konsiderá e Palabra di Dios komo e outoridat final. Bes tras bes el a bisa: “Ta pará skirbí.” Repetidamente el a usa e palabranan ei òf palabranan similar ora el a siña su siguidónan i ora el a korigí ideanan robes.

⁸ Ora Hesus a limpia e tèmpel na Yerusalèm, el a bisa: “Ta pará skirbí: ‘Mi kas lo wòrdu yamá un kas di orashon’; ma boso ta hasié un kueba di ladron.” (Mateo 21:12, 13; Isaías 56:7; Jeremias 7:11) E dia promé, el a efektuá hopi obra maravioso einan. Mucha hòmbèrnan chikí, ku a keda profundamente impreshoná, a kuminsá alab’é. Sin embargo, tur rabiá e lidèrnan religioso a puntra Hesus si e no a tende loke e muchanan ei tabata bisa. El a kontestá nan: “Sí; boso no a lesa nunca: ‘For di boka di mucha chikitu i di yunan na pechu bo a prepará alabansa pa bo mes’?” (Mateo 21:16; Salmo 8:2) Hesus tabata ke pa e hòmbèrnan ei sa ku ta e Palabra di Dios a outorisá loke tabata tumando lugá einan.

⁹ E lidèrnan religioso ei despues a sera kabes i a konfrontá

8, 9. (a) Kon Hesus a sostené e outoridat di e Palabra di Dios ora el a limpia e tèmpel? (b) Den ki manera e lidèrnan religioso na e tèmpel a demostrá gran falta di rèspèt pa e Palabra di Dios?

Hesus, puntrando: "Ku ki outoridat bo ta hasi e kosnan aki?" (Mateo 21:23) Hesus a splika bon kla kaba ta ken tabata e Fuente di su outoridat. No ta ku idea- òf doktrinanan nobo el a bin kuné. Simplemente el a apliká loke e Palabra inspirá di su Tata tabata bisa. Pues en realidat, tabata e saserdote- i es- kribanan ei ku a demostrá gran falta di rèspèt pa Yehova i su Palabra. Nan a meresé Hesus su kondena plenamente ora ku el a revelá kon malisioso nan motibunan tabata.—Mateo 21: 23-46.

¹⁰ Meskos ku Hesus, kristiannan berdadero djawe ta konfia riba e Palabra di Dios den e ministerio. Ta konosí rònt mun- du ku Testigunan di Yehova ta ansioso pa kompartí un men- sahe di Beibel ku otro hende. Masha hopi biaha nos publika- shonnan ta sita for di Beibel i tambe referí na dje. Anto den nos ministerio, nos ta hasi meskos i ta purba hala atenshon na e Skritura ki ora ku nos papia ku un hende. (2 Timoteo 3:16) Nos ta keda masha kontentu ora un hende permití nos lesa for di Beibel i papia kuné tokante e balor i nifikashon di e Palabra di Dios! Nos no tin un memoria perfekto manera Hesus, pero sí nos tin hopi hèrmènt ku Hesus no tabatin na su disposishon. Fuera di e Beibel kompletu imprimí na mas i mas idioma, nos tin hopi yudansa pa haña kualke versíkulo ku nos ta buska den Beibel. Laga nos ta determiná pa sigui sita for di Beibel i dirigí hende na dje ki ora ku nos haña un chèns!

El A Defendé e Palabra di Dios

¹¹ Hesus a konstatá ku e Palabra di Dios tabata frekuentemente bou di atake, pero esei no a sorprend'é niun ora so. El a bisa su Tata den orashon: "Bo palabra ta bèrdat." (Juan 17:17) Anto Hesus tabata sa bon-bon ku Satanas, "e prens di e mundu aki," ta "un gañadó i e tata di mentira." (Juan 8:44;

10. Kon nos por imitá Hesus den e manera ku el a usa e Palabra di Dios, i ki hèrmèntnan nos tin ku Hesus no tabatin?

11. Dikon Hesus frekuentemente mester a defendé e Palabra di Dios?

14:30) Tres biaha Hesus a sita for di e Skritura ora el a rechasá e tentashonnan di Satanas. Satanas a sita un versíkulo for di Salmo i deliberadamente a aplik'é robes, anto Hesus mesora a defendé e Palabra di Dios kontra tal mal uso.—Mateo 4:6, 7.

¹² Hopi biaha Hesus a defendé e Santu Skritura kontra mal uso, mal interpretashon i ideanan engañoso. E lidernan religioso di su tempu a representá e Palabra di Dios na un manera desbalansá. Nan a pone masha hopi énfasis riba wardamentu di e detayenan di mas chikí di e Lei di Moisés, pero a pone masha tiki énfasis riba aplikashon di e prinsipionan riba kua e leinan tabata basá. Nan a fomentá pues un forma di adorashon superfisial, unu ku a konsentrá riba aparensia djafó en bes di riba loke tabata mas importante, kosnan manera hustisia, misericòrdia i fiedat. (Mateo 23:23) Kon Hesus a defendé e Lei di Dios?

¹³ Hesus a usa bes tras bes den su Sermon Riba Seru e frase “boso a tende ku a wòrdu bisá” pa introdusí un regla di e Lei di Moisés. El a sigui despues ku e frase “ma ami ta bisa boso,” i a splika un prinsipio ku a bai mas profundo ku djis warda e Lei superfisialmente. Akaso e tabata presentá argumentonan kontra e Lei? Nò, e tabata defendé e Lei. Por ehèmpel, e hendenan tabata bon na haltura di e lei pa “no mata.” Pero Hesus a bisa nan ku esun ku odia otro hende ta violá e spiritu di e lei ei. Di igual manera, esun ku kultivá mal deseo pa un hende ku no ta su kasá ta violá e prinsipio fundamental di e lei di Dios kontra adulterio.—Mateo 5:17, 18, 21, 22, 27-39.

¹⁴ Por último, Hesus a bisa: “Boso a tende ku a wòrdu bisá: ‘Stima bo próhimo i odia bo enemigu.’ Ma ami ta bisa boso, stima boso enemigunan, . . . hasi orashon pa esnan ku ta maltratá boso i ta persiguí boso.” (Mateo 5:43, 44) Akaso e

12-14. (a) Kon e lidernan religioso a mostra falta di rèspèt pa e Lei di Moisés? (b) Kon Hesus a defendé e Palabra di Dios?

mandamentu pa "odia bo enemigu" tabata saká for di e Palabra di Dios? Nò, ta e lidernan religioso a bini ku e lei ei. Nan a meskla Dios su Lei perfekto ku pensamentu humano i asina a debilitá e Lei. Sin miedu Hesus a defendé e Palabra di Dios kontra e efektonan perhudisial di tradishon humano. —Marko 7:9-13.

¹⁵ Un otro manera ku e lidernan religioso a duna un idea robes di e Lei di Dios tabata dor di lag'é parse muchu estrikto, asta sin miserikòrdia. Ora ku e disipelnan di Hesus a kita algun tapushi di maishi miéntras nan tabata pasando den un kunuku, algun fariseo a pretendé ku nan a kibra sabat. Hesus a usa un ehèmpel bíbliko pa defendé e Palabra di Dios kontra e punto di bista desbalansá aki. El a referí na e úniko insidente den e Skritura ku ta menshoná ku nan a usa e pan di presensia pafó di e santuario, esta, ora David ku su hòmbèrnan hambrá a kom'é. Hesus a mostra e fariseonan ei ku nan no a komprondé Yehova su miserikòrdia i kompashon. —Marko 2: 23-27.

¹⁶ E lidernan religioso a formulá tambe burakunan legal pa kibra e forsa di e Lei di Dios. Por ehèmpel, e Lei a permití un hòmbèr divorsiá di su kasá si el a haña "algu indesente" den e muhé, evidentemente un problema serio ku a trese bèrgwensa riba e famia. (Deuteronomio 24:1) Sin embargo, den tempu di Hesus, e lidernan religioso tabata usa e echo ku e Lei a permití un divorsio asina komo un èksküsu pa laga un hòmbèr divorsiá di su kasá pa tur tipo di motibu, asta pasobra el a kima e hòmbèr su kuminda!* Hesus a mostra ku

* E historiadó di promé siglo Hosefo, siendo e mes un fariseo divorsiá, despues a indiká ku divorsio tabata pèrmisibel "pa kualke motibu (i segun hende hòmbèr tin masha hopi di e motibunanan ei)."

15. Kon Hesus a defendé e Lei di Dios kontra intentonan pa lag'é parse muchu estrikto, asta sin miserikòrdia?

16. Kon e lidernan religioso a korumpí e mandamentu di Moisés relashoná ku divorsio, i kon Hesus a reashoná?

nan a duna un idea kompletamente robes di e palabranan di Moisés. Anto e ora ei el a restorá Yehova su norma original pa matrimonio, esta, ún esposo pa ún esposa, lagando inmoralidat seksual komo e úniko base válido pa divorsio.—Mateo 19:3-12.

¹⁷ Siguidónan di Kristu djawe tambe ta sinti nan obligá na defendé e Santu Skritura kontra atake. Ora lidernan religioso ta bisa indirektamente ku e normanan moral di e Palabra di Dios ta antikuá, nan de echo ta atakando Beibel. Meskos ta e kaso tambe ora ku religionnan ta siña doktrinan falsu i presentá nan komo saká for di Beibel. Pa nos, ta un privilegio di por sali na defensa di Dios su Palabra puru di bèrdat i musta, por ehèmpel, ku Dios no ta parti di un Trinidad. (Deuteronomio 4:39) Ora di hasi esei, nos ta defendé e Palabra di Dios ku takto, ku berdadero suavedat i rèspèt profundo.—1 Pedro 3:15.

El A Splika e Palabra di Dios

¹⁸ Hesus tabata na bida den shelu ora ku skirbimentu di e Skritura Hebreo a tuma lugá. Lo e tabata kontentu di por a bin na tera i yuda splika e Palabra di Dios! Por ehèmpel, pensa riba e dia memorabel despues di su resurekshon ora el a topa ku dos di su disipelnan riba kaminda pa Emaus. Promé ku nan a rekonos’é, nan a kont’é kon tristu i konfundí nan tabata pa motibu di morto di nan Shon stimá. Kon el a reakshoná? “Kuminsando ku Moisés i ku tur e profetanan el a splika nan e kosnan tokante di su mes den tur e Skrituranan.” Ki efekto esei tabatin riba e disipelnan? Despues nan a bisa otro: “Nos kurason no tabata kima den nos miéntras ku e tabata papia ku nos na kaminda, miéntras ku e tabata splika nos e Skrituranan?”—Lukas 24:15-32.

17. Kon kristiannan djawe por imitá Hesus den defendé e Palabra di Dios?

18, 19. Ki ehèmpelnan ta musta ku Hesus tabatin un abilidadat maravioso pa splika e Palabra di Dios?

¹⁹ Mas despues riba e mesun dia ei, Hesus a reuní ku su apòstelnan i otro disipel. Tuma nota kiko el a hasi pa nan: "El a habri nan huisio pa nan komprondé e Skrituranan." (Lukas 24:45) Sin duda, e okashon felis ei a laga nan kòrda riba e tantísimo biahanaan ku Hesus a hasi algu similar pa nan, i pa ken ku kier a tende. Hopi biaha el a sita tekstonan bon konosí i a splika nan di tal manera ku esei tabatin un efekto maravioso riba e mente di su oyentenan, ya ku nan a haña un kompromedementu nobo i mas profundo di e Palabra di Dios.

²⁰ Na un okashon asina, Hesus tabata papiando ku un grupo di saduseo. Nan tabata un sekta di hudaismo asosiá ku e saserdosio hudui, i nan no a kere den resurekshon. Hesus a bisa nan: "Enkuanto resurekshon di e mortonan, boso no a lesa loke Dios a papia ku boso, bisando: 'Ami ta e Dios di Abraham, i e Dios di Isaak, i e Dios di Jakòb'? E no ta e Dios di e mortonan, sino di e bibunan." (Mateo 22:31, 32) Esaki tabata un teksto ku nan a konosé bon, skirbí pa un hòMBER ku e saduseonan a atmirá masha hopi, esta, Moisés. Pero bo ta mira e impakto di Hesus su splikashon?

²¹ Moisés a kòmbersá ku Yehova na e mata na kandela rònt di aña 1514 promé ku nos era. (Eksodo 3:2, 6) E tempu ei, Abraham tabatin 329 aña morto, Isaak tabatin 224 aña morto i Jakòb tabatin 197 aña morto. Sin embargo, ainda Yehova a bisa "mi ta" nan Dios. E saduseonan ei tabata sa ku Yehova no ta manera un òf otro dios pagano di e mortonan, ku segun mitologia a reina den un mundu supteráneo. Nò, e tabata e Dios "di e bibunan," manera Hesus a bisa. Pues kiko esei a nifiká? Hesus su konklushon tabata impaktante: "Pa e tur ta biba." (Lukas 20:38) Yehova su sirbidónan stimá ku a muri ta bon konserbá den su memoria perfekto i sin límite. Pues Yehova su propósito di resusitá e personanan ei ta asina sigur ku por papia di nan komo si fuera nan ta bibu. (Romanonan 4:16, 17) Esei no ta un splikashon maravioso di e Pala-

20, 21. Kon Hesus a splika e palabranan ku Yehova a papia ku Moisés na e mata na kandela?

Kon Bo Por Sigui Hesus?

- Dikon nos mester tene kuidou pa nunca laga opinion òf trashon humano bira mas importante ku e Palabra di Dios?—Mateo 15:2-11.
- Ora nos ta kontestá pregunta, dikon ta sabí pa dirigí atenshon na Beibel?—Lukas 10:25-28.
- Hesus tabata dispuesto pa laga e Palabra profétiko di Dios guia e rumbo di su bida i su desishonnan. Kon nos por imit’é den esei?—Lukas 18:31-34; 22:37.
- Ora hende ta ataká nos kreensianan, dikon nos mester basa kualke defensa ku nos ta hasi riba e Palabra di Dios?—Juan 10:31-39.

bra di Dios? Nada straño ku ‘e multitudnan a keda asombrá’!
—Mateo 22:33.

²² Kristiannan djawé tin e privilegio di imitá Hesus su manera di splika e Palabra di Dios. Nos tin ku atmití ku nos no tin un mente perfekto. Apesar di esei, hopi biaha nos por kompartí ku otro hende un teksto bíbliko ku nan konosé kaba i splika nan sierto aspekto di e teksto ei ku kisas nunca nan no a kai ariba. Un ehèmpel: Podisé henter nan bida nan a ripití e orashon “Bo nòmber sea santifiká” i “Ku bo reino bin,” sin ku nunca nan a siña kiko e nòmber di Dios ta òf kiko e Reino ta. (Mateo 6:9, 10) Ki un oportunidat maravioso nos tin ora un hende permití nos duna un splikashon kla i simpel di e bèrdatnan bíbliko ei!

²³ Pues, pa por imitá e manera ku Hesus a kompartí e bèrdat nos tin ku sita for di e Palabra di Dios, defend’é i splik’é. Laga nos ban konsiderá awor algun di e métodonan efektivo ku Hesus a usa pa yega na kurason di su oyentenan ku e bèrdatnan di Beibel.

22, 23. (a) Kon nos por imitá Hesus ora di splika e Palabra di Dios?
(b) Kiko nos lo konsiderá den e siguiente kapítulo?

“Nunka un Hende No A Papia Manera e Hòmber Aki”

E FARISEONAN tabata furioso. Hesus tabata den tèmpel ta siña hende tokante su Tata. Tabatin un divishon entre esnan ku a skuch’è; hopi a pone fe den Hesus, miéntas ku otronan tabata ke pa nan arest’è. Ora e lidernan religioso no por a kontené nan rabia mas, nan a manda algun ofisial bai arestá Hesus. Sin embargo, e ofisialnan a bin bèk man bashí. E saserdotenan prinsipal i e fariseonan a eksigí un splikashon: “Pakiko boso no a tres’è?” E ofisialnan a kontestá: “Nunka un hende no a papia manera e hòmber aki.” Nan tabata asina impreshoná ku Hesus su siñansa ku nan no tabata sa di unda pa saka e kurashi pa arest’è.*—Juan 7:45, 46.

² E ofisialnan ei no tabata e únikonan ku a keda impreshoná ku e siñansa di Hesus. Hende tabata reuní na gran kantidat djis pa tend’è. (Marko 3:7, 9; 4:1; Lukas 5:1-3) Dikon Hesus tabata un maestro asina sobresaliente? Manera nos a mira den Kapítulo 8, el a stima e bèrdatnan ku el a trese dilanti, i el a stima e hendenan ku el a siña. Pero tambe Hesus tabata eksperto den e métodoonan ku el a usa pa siña otro hende. Laga nos konsiderá tres di e métodoonan efektivo ku el a usa i wak kon nos por imitá nan.

El A Tene Su Siñansa Simpel

³ Bo por imaginá e vokabulario ekstenso ku Hesus lo

* Probablemente e ofisialnan tabata agentenan di e Sanedrin ku a kai bou di outoridat di e saserdotenan prinsipal.

1, 2. (a) Dikon e ofisialnan ku nan a manda pa arestá Hesus a regresá man bashí? (b) Dikon Hesus tabata un maestro sobresaliente?
3, 4. (a) Dikon Hesus a usa lenguahe simpel den su siñansa? (b) Kon e Sermon Riba Seru ta un ehèmpel di e manera simpel ku Hesus a siña hende?

tabatin na su disposishon? Sin embargo, ora el a siña hende, nunca el a papia kosnan ku tabata muchu difísil pa su ou-ditorio, ku a konsistí pa mayor parti di hende ku no tabata “eduká ni siñá.” (Echonan 4:13) El a tene kuenta ku nan limitashonnan, i nunca a duna nan demasiado informashon. (Juan 16:12) Su palabranan tabata simpel, pero e bèrdatnan ku nan a transmití tabata masha profundo.

⁴ Tuma por ehèmpel e Sermon Riba Seru na Mateo 5:3–7:27. Hesus a duna konseho profundo den e sermon aki i a bai na rais di e asuntunan. No tin ideanan ni frasenan kompliká den dje. Kasi no tin palabra ku ta difísil pa komprondé, ni sikiera pa un mucha! Nada straño anto ku ora Hesus a kaba, e multitutnan—ku probablemente a inkluí hopi kunukero, wardadó di karné i piskadó—“a keda asombrá di su siñansa.”—Mateo 7:28.

⁵ Ora Hesus a siña hende, el a usa hopi biaha frasenan simpel i kòrtiku, i a ekspresá palabranan ku tabatin gran nifikashon. Den un era kaminda ainda no tabatin buki imprimí i den kua e medio prinsipal di haña informashon tabata dor di skucha, Hesus a graba su mensahe permanentemente den mente i kurason di su oyentenan. Tuma nota di algun ehèmpel: “No husga, pa boso no wòrdu husgá.” “No ta esnan ku ta salú tin mester di dòkter, sino esnan ku ta malu.” “E spiritu ta boluntario, ma e karni ta débil.” “Duna Cesar loke ta di Cesar, i Dios loke ta di Dios.” “Ta mas bendishoná pa duna ku pa risibí.”* (Mateo 7:1; 9:12; 26:41; Marko 12:17; Echonan 20:35) Despues di kasi 2.000 aña ku Hesus a papia e palabranan ei, te ainda nan ta memorabel.

* Ta apòstel Pablo so a sita e último deklarashon aki ku bo ta haña na Echonan 20:35. Podisé Pablo a hañ’é verbalmente (sea di un hende ku a tende Hesus papi’é òf for di Hesus resusitá) òf pa medio di revelashon divino.

5. Duna algun ehèmpel di palabranan simpel ku Hesus a ekspresá pero ku tabatin gran nifikashon.

⁶ Kon nos por siña hende na un manera simpel? Un rekisito importante ta pa nos usa lenguahe simpel ku mayoria di hende por komprondé mesora. E bèrdatnan básiko di e Palabra di Dios no ta kompliká. Yehova a revelá su propósito na hende di kurason sinsero i humilde. (1 Korintionan 1:26-28) Palabranan simpel, skohé kuidadosamente, por transmití e bèrdatnan di e Palabra di Dios na un manera efektivu.

⁷ Pa siña na un manera simpel, nos mester tene kuidou pa nos no duna un estudiante di Beibel demasiado informashon. Pues, ora nos ta kondusí un estudio di Beibel, nos no tin nodi splika delaster un detaye; ni no ta nesensario pa pasa purá-purá dor di e material komo si fuera e kos di mas importante ta pa nos abarká un kantidat fiho di página. Mas bien, ta sabí pa laga e nesensidat i kapasidat di e estudiante determiná e ritmo di e estudio. Nos meta ta pa yuda e estudiante bira un siguidó di Kristu i un adoradó di Yehova. Pa logra esei, nos tin ku tuma e tempu ku ta nesensario pa yuda e estudiante haña un komprondementu rasonabel di loke e ta si-

6, 7. (a) Pa siña na un manera simpel, dikon ta importante pa nos usa lenguahe simpel? (b) Kon nos por evitá ku nos ta duna un estudiante di Beibel demasiado informashon?

*Ora bo ta siña
hende, hasié na un
manera simpel*



ñando. Ta asina so bèrdat di Beibel lo touch su kurason i motiv' é pa pone na práktika loke el a siña.—Romanonan 12:2.

El A Hasi e Preguntanan Korekto

⁸ Hesus a hasi uso di pregunta na un manera masha notabel, asta ora ku lo a tuma ménos tempu si el a djis bisa su oyentenan kiko tabata e punto ku e kier a trese dilanti. Pues, pakiko el a hasi pregunta? Tabatin biaha ku el a hasi preguntanan penetrante pa saka na kla e mal motibunan di su opositoran, i asina el a silensia nan. (Mateo 21:23-27; 22:41-46) Sin embargo, den hopi kaso el a hasi pregunta pa laga su disipelnan ekspresá kiko tabatin den nan mente, i pa stimulá i entrená nan kapasidat mental. P'esei el a hasi preguntanan manera: "Kiko boso ta kere?" i "Bo ta kere esaki?" (Mateo 18:12; Juan 11:26) Pa medio di pregunta, Hesus a yega na kurason di su disipelnan i a motivá nan. Konsiderá un ehèmpel.

⁹ Na un okashon, kobradónan di belasting a puntra Pedro si Hesus a paga belasting di tèmpel.* Mesora Pedro a kontestá: "Sí." Mas despues, Hesus a rasoná kuné: "Kiko bo ta pensa, Simon? Ken e reinan di tera ta kobra tributo òf belasting: nan yu hòmbèrnan òf stranheronan?" Pedro a kontestá: "Stranheronan." Hesus a bis' é: "Kier men e yunan ta liber [di belasting] anto." (Mateo 17:24-27) Ku e preguntanan aki, Pedro lo mester a komprondé bon kla kiko Hesus tabata kier men, pasobra miembronan di famia real no tabatin ku paga belasting. P'esei, komo e Yu unigénito di e Rei selestial ku

* Tur aña e hudiunan mester a paga un belasting di tèmpel di dos drakma (mas o ménos dos dia di salario). Un buki di referensia ta bisa: "Nan a usa e belasting aki prinsipalmente pa kubri e gastunan di e sakrifisio kimá di tur dia i di tur e sakrifisionan en general ku tabata ser hasi na fabor di e pueblo."

8, 9. (a) Pakiko Hesus a hasi pregunta? (b) Kon Hesus a usa pregunta pa yuda Pedro yega na e konklushon korekto riba e asunto di paga belasting di tèmpel?

tabata ser adorá na e tèmpel, Hesus no tabata obligá di paga belasting. Tuma nota ku en bes di djis bisa Pedro e kontesta korekto, Hesus ku takto a usa pregunta pa yuda Pedro yega na e konklushon korekto i tal bes tambe mira e nesesidat pa otro biaha mihó e pensa bon promé ku e kontestá.



Hasi preguntanan ku ta kuadra ku loke ta interesá e doño di kas

¹⁰ Kon nos por usa pregunta na un manera efektivu den nos ministerio? Ora nos ta prediká di kas pa kas, nos por usa pregunta pa lanta interes, i tal bes asina habri e kaminda pa nos por kompartí e bon nobo. Por ehèmpel, si un hende di edat bin na porta, nos lo por plantia respetuosamente e pregunta: “Kon mundu a kambia durante bo bida?” Despues di permití e persona kontestá, nos lo por puntra: “Kiko mi shon ta kere lo ta nesesario pa hasi e mundu aki un mihó lugá di biba?” (Mateo 6:9, 10) Si ta un mama ku tin yu chikí a bin na porta, nos lo por puntra: “Bo a yega di puntra bo mes ta kon e mundu aki lo ta ora ku bo yunan bira grandi?” (Salmo 37:10, 11) Si nos opservá bon ora nos ta yega serka di un kas, nos lo por skohe un pregunta ku ta kuadra ku loke ta interesá e doño di kas.

¹¹ Kon nos por hasi bon uso di pregunta ora nos ta kondusí un estudio di Beibel? Preguntanan bon skohé por yuda nos saka afó ki sintimentu tin den kurason di un estudiante. (Proverbionan 20:5) Por ehèmpel, suponé ku nos ta studiando e kapitùlo “Biba na un Manera Ku Ta Agradá Dios” di e buki

10. Kon nos por usa pregunta na un manera efektivu ora nos ta prediká di kas pa kas?

11. Kon nos por hasi bon uso di pregunta ora nos ta kondusí un estudio di Beibel?

*Kiko Beibel Ta Siña Realmente?** E kapítulo ta konsiderá Dios su punto di bista di asuntunan manera immoralidat seksual, buracheria i gañamentu. E kontestanan di e studiante kisas ta indiká ku e ta komprondé *loke* Beibel ta siña. Pero e ta di *akuerdo* ku loke e ta siñando? Nos lo por puntr'é: "Bo ta haña Dios su punto di bista di e asuntunan aki rasonabel?" Nos lo por puntra tambe: "Kon bo por apliká e informashon aki den bo bida?" Pero kòrda sí ku nos mester mustra takto i trata e studiante ku e debido rèspèt. Nunka nos lo ke hasi preguntanan ku ta brongos'é innesesariamente.—Proverbionan 12:18.

Usa Rasonamentu Lógiko i Potente

¹² Ku su mente perfekto, Hesus tabata un maestro den rasoná ku hende. Algun biaha el a usa rasonamentu lógiko i potente pa refutá akusashonnan falsu di su opositornan. Den hopi kaso, el a usa rasonamentu konvinsente pa siña su siguidónan lèsnan balioso. Laga nos konsiderá algun ehèmpel.

¹³ Despues ku Hesus a kura un hòMBER poseí pa demoño ku tabata siegu i no por a papia, e fariseonan a akus'é: "E hòMBER aki ta saka demoño solamente pa medio di Beëlzebú [Satanas], e prens di demoñonan." E fariseonan a atmití di mala gana ku Hesus mester tabatin poder sobrehumano pa saka demoño. Sin embargo, nan a bisa ku ta Satanás a dun'é e poder ei. E akusashon ei tabata falsu i tambe ilógiko. Pa saka na kla ku nan manera di pensa tabata ekiboká, Hesus a kontestá: "Tur reino ku ta dividí kontra su mes ta keda ruíná; i tur stat òf kas ku ta dividí kontra su mes lo no keda para. I si Satanás saka Satanás afó, e ta keda dividí kontra su mes;

* Publiká pa Testigunan di Yehova.

12-14. (a) Den ki maneranan Hesus a usa su abilidat pa rasoná lógikamente? (b) Ki rasonamentu potente i lógiko Hesus a usa ora ku e fariseonan a bis'é ku su poder ta bin di Satanás?

kon su reino lo keda para anto?" (Mateo 12:22-26) Hesus a bisa nan na moda di papia: "Si mi tabata un agente di Satanas, i ta traha kontra loke Satanas a hasi, e ora ei Satanas lo ta trahando kontra su mes interesnan i lo kai pronto." Kon nan por a refutá un rasonamentu lógiko i konvinsente asina?

¹⁴ Pero Hesus no a kaba di rasoná ku nan. Komo ku e tabata sa ku algun disipel di e fariseonan mes a saka demoño, el a hasi nan un pregunta simpel pero impaktante: "Si ami ta saka demoño pa medio di Beëlzebú, ta pa medio di ken boso yu hòmbènan [òf, disipelnan] ta saka nan?" (Mateo 12:27) Den un sentido, Hesus su argumento tabata esaki: "Si ta pa medio di e poder di Satanas mi ta saka demoño, anto boso disipelnan mester ta usando e mesun poder aki." Kiko e fariseonan por a bisa? Hamas nan lo a rekonosé ku nan disipelnan tabata aktua ku poder di Satanas. Pues Hesus a usa nan rasonamentu robes pa fòrsa nan yega na un konklushon hopi inkómodo. No ta emoshonante pa djis lesa tokante e manera ku Hesus a rasoná ku nan? Wèl, imaginá kon e multitutnan ku a tende Hesus papia personalmente a sinti, pasobra sin duda su presensia i tono di bos a oumentá e impakto di su palabranan.

¹⁵ Ademas, Hesus a usa rasonamentu konvinsente i lógiko pa instruí bèrdatnan positivo i alentador tokante su Tata. El a hasi esei hopi biaha usando e palabranan "kuantu mas" den su rasonamentu, i asina a yuda su oyentenan avansá di un bèrdat ku nan tabata konosé kaba pa un konvikshon asta mas fuerte.* E tipo di rasonamentu aki, ku ta basá riba kontraste, por hasi un impreshon profundo. Laga nos analisá dos ehèmpel so.

* E tipo di rasonamentu aki hende ta yama tin biaha "a fortiori," un ekspreshon latin ku ta nifiká "pa un motibu mas fuerte ainda; asta mas sigur; mas ainda."

15-17. Menshoná un ehèmpel ku ta mostra kon Hesus a usa e rasonamentu di "kuantu mas" pa siña hende bèrdatnan alentador tokante su Tata.

¹⁶ Ora Hesus a kontestá e petishon di su disipelnan pa siña nan kon pa hasi orashon, el a mostra kon mayornan humano imperfekto ta dispuesto pa “duna kosnan bon” na nan yunan. Anto el a konkluí: “Si boso anto, siendo malbado, sa di duna kosnan bon na boso yunan, *kuantu mas* boso Tata selestial lo duna e spiritu santu na esnan ku pidié!” (Lukas 11:1-13) E punto ku Hesus kier a trese dilanti ta basá riba kontraste. Si mayornan humano pekadó ta atendé e nesesidatnan di nan yunan, *kuantu mas* nos Tata selestial—kende ta perfekto i hustu den tur sentido—lo duna spiritu santu na su sirbidónan leal ku ta aserk’é humildemente den orashon!

¹⁷ Hesus a rasoná kasi meskos ora el a ofresé konseho sabí enkuanto kon pa trata ku ansiedat. El a bisa: “Konsiderá e rafnan, pasobra nan no ta sembra ni kosechá; i nan no tin lugá pa warda provishon, ni mangasina; i tòg Dios ta alimentá nan; *kuantu mas* ku para boso no ta bal! Konsiderá e lelinan, kon nan ta krese; nan no ta traha mata kurpa, ni nan no ta hila . . . Ma si di tal manera Dios ta bisti e yerba di sabana, lokual awe t’ei i mañan ta wòrdu tirá den fòrnu, *kuantu mas* e lo bisti boso, o hendenan di poko fe!” (Lukas 12:24, 27, 28) Si Yehova ta perkurá pa para i flor, *kuantu mas* lo e no perkurá pa hende ku ta stim’é i ador’é! Sin duda, ku e tipo di rasonamentu ei Hesus a touch kurason di su oyentenan.

¹⁸ Den nos ministerio, nos ke usa rasonamentu sano i lògiko pa refutá kreensianan falsu. Ademas, nos ke usa rasonamentu konvinsente pa siña bèrdatnan positivo tokante Yehova. (Echonan 19:8; 28:23, 24) Nos lo tin ku siña usa rasonamentu sofistiká pa logra esei? Nò. E lès ku nos ta siña di Hesus ta ku argumentonan lògiko presentá den un manera simpel ta esnan mas efektivo.

¹⁹ Por ehèmpel, kon nos lo por kontestá un hende ku ta bisa

18, 19. Kon nos por rasoná ku un persona ku ta bisa ku e no ta kere den un Dios ku e no por mira?

ku e no ta kere den un Dios ku e no por mira? Nos lo por rasoná kuné riba e lei natural di kousa i efekto. Ora nos opservá un efekto, nos ta realisá ku mester tin un kousa. Nos lo por bisa e persona: "Suponé ku bo ta den un área hopi alehá i bo ta topa un kas bon konstruí yen di komestibel (efekto), lo bo no aseptá mesora ku un hende (un kousa) ta responsabel pa esei? Asina tambe, ora nos mira e diseño bisto den naturalesa i e abundansia di alimento den e 'mangasinanan' di tera (efekto), no ta lógiko pa konkluí ku ta un Persona (un Kousa) ta responsabel pa esei? Beibel mes ta rasoná asin'aki: 'Tur kas ta wòrdu trahá dor di un hende, ma Esun ku a traha tur kos ta Dios.' " (Hebreonan 3:4) Naturalmente, maske kon bon nos rasonamentu por ta, lo e no konvensé tur hende. —2 Tesalonisensenan 3:2.

²⁰ Ora nos ta siña otro hende, sea den sirbishi di vèlt òf

20, 21. (a) Kon nos por usa e rasonamentu di "kuantu mas" pa resaltá Yehova su kualidatnan i manera di aktua? (b) Kiko nos lo trata den e siguiente kapítulo?

***Usa rasonamentu ku ta yega
na kurason di e persona***



Kon Bo Por Sigui Hesus?

- Kon e komentarionan di Hesus lo por yuda bo skohe bo palabranan ora bo ta duna diskurso den kongregashon?—Mateo 11:25.
- Den ki maneranan oradónan públiko por imitá Hesus su uso di e tipo di pregunta aki?—Mateo 11:7-9.
- Kon lo bo por usa diskretamente un eksagerashon bisto den bo siñansa?—Mateo 7:3; 19:24.
- Meskos ku Hesus, kon nos lo por usa ehèmpelnan práktiko pa siña otro hende?—Juan 13:5, 14.

den kongregashon, nos por usa tambe e mesun rasonamentu di “kuantu mas” pa resaltá Yehova su kualidatnan i manera di aktua. Por ehèmpel, pa mustra ku e doktrina di tormento eterno den kandela di fièrnu de echo ta desonrá Yehova, nos lo por bisa: “Ta kua tata amoroso lo kastigá su yu dor di hinka e yu su man den kandela? Kuantu mas e idea so di un kandela di fièrnu ta repugná nos amoroso Tata selestial!” (Jeremias 7:31) Pa sigurá un ruman den fe ku ta deprimí ku Yehova ta stim’é, nos lo por bisa: “Si Yehova ta konsiderá ku asta un mòfi chikititu tin balor, kuantu mas lo e no ta interesá den kada un di su adoradónan riba tera i stima nan, inkluso abo!” (Mateo 10:29-31) E tipo di rasonamentu ei por yuda nos yega na kurason di otro hende.

²¹ Despues di a repasá apénas tres di e métodonan di siñansa ku Hesus a usa, nos por mira fásilmente ku e ofisialnan ku no por a arestá Hesus sigur no a eksagerá ora nan a bisa: “Nunka un hende no a papia manera e hòMBER aki.” Den e siguiente kapítulo nos lo trata e método di siñansa pa kua Hesus kisas ta mas konosí, esta, su uso di ilustrashon òf parábola.

“E No A Papia Nada ku Nan sin Usa Parábola”

E DISIPELNAN ku a biaha ku Hesus tabatin un privilegio úniko. Nan a siña direktamente for di e Gran Maestro. Nan por a skucha su bos segun ku el a splika e nifikashon di e Palabra di Dios i a siña nan bèrdatnan maravioso. Na e okashonnan ei nan mester a warda su palabranan presioso den nan mente i kurason; ainda no tabata tempu pa konserbá su palabranan por eskrito.* Sin embargo, Hesus a hasié mas fásil pa nan por a kòrda loke el a siña nan. Kon? Na su manera di siña, spesialmente e manera maestral ku el a usa parábola òf ilustrashon.#

² Echo ta ku bo no ta lubidá un bon ilustrashon lihé. Un outor a remarká ku ilustrashon ta “pone bo mira loke bo ta tende i ta yuda bo forma un kuadro mental.” Komo ku hopi bes un imágen òf kuadro mental ta yuda nos komprondé un asunto mihó, un ilustrashon por yuda nos kapta asta konseptonan apstrakto mas lihé. Un ilustrashon por duna bida na palabra i asina ta siña nos lèsnan ku ta keda bon grabá den nos memoria.

³ Ningun maestro riba tera por para banda di Hesukristu den uso di ilustrashon. Te ku awe, hende por kòrda hopi di

* Aparentemente, e promé registro inspirá di Hesus su bida riba tera tabata e Evangelio di Mateo, skirbí rònt di ocho aña despues di e morto di Hesus.

Hesus a usa vários tipo di ilustrashon, entre otro ehèmpel, komparashon i metáfora. Su parábolanan a hasié famoso; un parábola ta “un kuenta kòrtiku, generalmente fiktisio for di kua bo por saka un bèrdat moral òf spiritual.”

1-3. (a) E disipelnan ku a biaha ku Hesus tabatin ki privilegio úniko, i kon el a hasié mas fásil pa nan por a kòrda loke el a siña nan? (b) Dikon ilustrashonnan efektivu ta fásil pa kòrda?

su ilustrashonnan fásilmente. Pakiko Hesus a hasi asina tantu uso di e método di siñansa aki? I kiko a hasi su ilustrashonnan asina efektivo? Kon nos por siña usa e método di siñansa aki?

Dikon Hesus A Siña Hende ku Ilustrashon

⁴ Beibel ta duna dos motibu importante pakiko Hesus a usa ilustrashon. Di promé, asina el a kumpli ku profesia. Na Mateo 13:34 i 35 nos ta lesa: “Hesus a papia ku e multitudnan pa medio di parábola [“ilustrashon,” NW], i e no a papia nada ku nan sin usa parábola, pa por a keda kumplí loke a wòrdu anunsiá dor di e profeta, kende a bisa: ‘Lo mi habri mi boka den parábola.’” E profeta ku Mateo a sita tabata esun ku a skirbi Salmo 78:2. E salmista ei a skirbi bou di inspirashon di e spiritu di Dios hopi siglo promé ku Hesus a nase. Pensa un ratu ta kiko esaki ta nifiká. Hopi aña di antemano, Yehova a determiná ku e Mesias lo a siña hende ku ilustrashon. Pues, e método di siñansa aki mester tin hopi balor pa Yehova.

⁵ Di dos motibu ta ku Hesus a splika ku el a usa ilustrashon pa separá e hendenan kende nan kurason a “bira insensitivo.” (Mateo 13:10-15; Isaias 6:9, 10) Den ki manera e ilustrashonnan di Hesus a saka na kla kiko tabata e motivashon di e hendenan? Den algun kaso, e tabata ke pa su oyentenan a pidi un splikashon pa asina nan por a haña e pleno nifikashon di su palabranan. Hende humilde tabata dispuesto pa puntra, miéntas ku esnan arogante òf indiferente sí nò. (Mateo 13:36; Marko 4:34) Pues anto, e ilustrashonnan di Hesus a *revelá* e bèrdad na personanan ku di kurason a anhelá esei; na mesun tempu, su ilustrashonnan a *skonde* e bèrdad for di esnan ku tabatin kurason orguyoso.

⁶ E ilustrashonnan di Hesus a sirbi vários propósito mas ku ta probechoso. Nan a lanta interes i a laga hende sinti ku nan mester skucha. Nan a pinta kuadronan mental ku tabata fásil

4, 5. Dikon Hesus a usa ilustrashon?

6. Ki propósito probechoso e ilustrashonnan di Hesus tabatin?

pa komprondé. Manera nos a menshoná na kuminsamentu, e ilustrashonnan di Hesus a yuda su oyentenan kòrda su palabranan. E Sermon Riba Seru, ku nos ta haña na Mateo 5:3–7:27, ta un ehèmpel sobresaliente di e gran kantidat di ilustrashon ku Hesus a usa. Segun un konteo, e sermon aki tin mas ku 50 komparashon. Pa bo haña un bon idea kon hopi esei ta, kòrda ku bo por lesa e sermon aki na bos haltu den mas o ménos 20 minüt. Esei ta nifiká ku, komo promedio, kasi kada 20 sekònde bo ta haña un komparashon! Klaramente, Hesus a mira e balor di pinta kuadronan mental ku palabra!

⁷ Komo siguidó di Kristu, nos ke imitá su manera di siña, inkluso su uso di ilustrashon. Meskos ku speserei ta duna un kuminda mas smak, ilustrashonnan efektivu por hasi nos manera di siña mas atraktivo pa otro hende. Ademas, ilustrashonnan bon pensá por hasi bèrdatnan importante mas fásil pa komprondé. Laga nos analisá algun di e faktornan ku a hasi e ilustrashonnan di Hesus asina efektivu. E ora ei nos lo por mira kon nos por hasi bon uso di e método di siñansa balioso aki.

El A Usa Komparashonnan Simpel

⁸ Ora Hesus a siña hende, el a usa hopi bes komparashonnan simpel, ku tabatin mester di djis un par di palabra. Sin embargo, e palabranan simpel ei a pinta kuadronan mental bibu i a siña bèrdatnan spiritual importante na un manera kla. Por ehèmpel, ora el a urgi su disipelnan pa nan no ta demasiado preokupá pa nan nesidadnan diario, el a kompará nan situashon ku "e paranan di shelu" i ku "e lelinan di sabana." E paranan no ta sembra ni kosechá, i e lelinan no ta hila. Tòg Dios ta kuida nan. E punto tabata fásil pa mira: Si Dios ta kuida para ku flor, siguramente lo e kuida hende ku ta sigui "buska promé e reino."—Mateo 6:26, 28-33.

7. Pakiko ta bon pa nos imitá Hesus su uso di ilustrashon?

8, 9. Kon Hesus a hasi uso di komparashonnan simpel, i kiko a hasi su komparashonnan asina efektivu?

⁹ Tambe Hesus a hasi hopi uso di metáfora, ku ta un forma mas potente di ilustrashon. Un metáfora ta referí na un kos komo si fuera e *ta* un otro kos. Den esaki tambe Hesus a tene e kosnan ku e ta kompará ku otro simpel. Na un okashon el a bisa su disipelnan: “Boso ta e lus di mundu.” E disipelnan por a komprondé e nifikashon di e metáfora bon-bon, esta, ku pa medio di nan palabra- i obranan, nan por a laga e lus di e bèrdat spiritual bria i yuda otro hende duna gloria na Dios. (Mateo 5:14-16) Tuma nota di algun otro metáfora ku Hesus a usa: “Boso ta e salu di tera” i “Ami ta e mata di wendruif, boso ta e ramanan.” (Mateo 5:13; Juan 15:5) Loke ta hasi e formanan di ekspreshon figurativo ei asina efektivo ta nan simplesa.

¹⁰ Kon abo por usa ilustrashon den bo siñansa? Bo no tin nodi bin ku historia largu i kompliká. Djis purba pensa riba komparashonnan simpel. Suponé ku bo ta papiando tokante e tópiko di resurekshon i bo ke ilustrá ku pa Yehova no ta un problema pa lanta e mortonan. Ki komparashon ta bin na bo mente? Beibel ta usa soño komo un metáfora pa morto. Lo bo por bisa: “Dios por resusitá e mortonan mes fásil ku nos por lanta un hende for di soño.” (Juan 11:11-14) Suponé ku bo ke ilustrá ku yu tin mester di amor i kariño pa nan por desaroyá bon. Ki ehèmpel lo bo por usa? Beibel ta usa e komparashon aki: Yunan ta “manera sprùitnan di oleifi.” (Salmo 128:3, *BPK*) Lo bo por bisa: “Meskos ku un mata tin mester di solo i awa, un yu tin mester di amor i kariño.” Mas simpel e komparashon ta, mas fásil lo ta pa bo oyentenan komprond’é.

Basá Riba Bida Diario

¹¹ Hesus tabata eksperto den usa ilustrashon ku tabatin keber ku bida di hende. Hopi di su ilustrashonnan a reflehá

10. Menshoná algun ehèmpel ku ta mostra kon bo por usa ilustrashon den bo siñansa.

11. Duna algun ehèmpel ku ta mostra kon e ilustrashonnan di Hesus a reflehá kosnan ku sin duda el a opservá tempu ku el a lanta na Galilea.

situashonnan di tur dia ku probablemente el a opservá tempu ku el a lanta na Galilea. Pensa un ratu riba tempu ku e tabata mucha. Kuantu biaha e no a mira su mama mula mai-shi, pone zürdeg den mansa, sende un lampi òf bari kas? (Mateo 13:33; 24:41; Lukas 15:8) Kuantu biaha e no a mira piskadó baha nan redanan den e Laman di Galilea? (Mateo 13:47) Kuantu biaha e no a mira mucha ta hunga riba plasa? (Mateo 11:16) Sin duda Hesus a tuma nota di otro kosnan komun i koriente ku ta ser menshoná den su tantísimo ilustrashonnan: sembramentu di simia, fiesta di kasamentu yen di alegria i kunuku di grano ku ta hecha den solo.—Mateo 13:3-8; 25:1-12; Marko 4:26-29.

¹² Hesus a menshoná den su ilustrashonnan detayenan ku tabata bon konosí pa su oyentenan. Por ehèmpel, el a kuminsá e parábola di e bon samaritano bisando: "Un hòmber tabata baha di Yerusalèm bai Jeriko, i el a kai den man di ladron; i nan a kita tur kos for di dje i a batié, i a bai lag'é mitar morto." (Lukas 10:30) Ta interesante pa nota ku Hesus a menshoná e kaminda ku a "baha di Yerusalèm bai Jeriko" pa splika su punto. Ora el a konta e parábola aki, e tabata na Hudea, no muchu leu for di Yerusalèm; pues su oyentenan sin duda tabata konosé e kaminda en kuestion. E tabata konosí komo un kaminda peligroso, specialmente pa un persona ku ta biaha su so. E tabata lora pasa dor di terenonan aislá, i esei a krea hopi lugá di skonde pa ladron.

¹³ Hesus a inkluí mas detaye konosí di e kaminda ku a "baha di Yerusalèm bai Jeriko." Segun e parábola, promé un sacerdote i despues un levita tambe a pasa riba e kaminda ei, ounke ningun di nan dos no a para pa yuda e víktima. (Lukas 10:31, 32) E sacerdotenan tabata sirbi na e tèmpel den Yerusalèm i e levitanan a asistí nan. Hopi sacerdote i levita tabata biba na Jeriko ora nan no tabata traha na e tèmpel ya

12, 13. Pakiko ta interesante pa nota ku Hesus a usa e kaminda ku a "baha di Yerusalèm bai Jeriko" pa splika su punto den e parábola di e bon samaritano?



*Kon Hesus a usa para
i flor pa ilustrá e kuido
ku nos ta haña di Dios?*

ku Jeriko tabata keda apénas 23 kilometer for di Yerusalèm. Pues, nan tabata personanan ku bo por a mira riba e kamin-da ei. Tuma nota tambe ku Hesus a bisa ku e hòmbler samari-tano tabata “baha”—no subi—e kaminda “di Yerusalèm.” Su oyentenan a komprondé esaki. Yerusalèm tabata keda mas na haltu ku Jeriko. P’esei un hende ku a sali for “di Yeru-salèm” en bèrdat lo tabata “baha.”* Ta bisto anto ku Hesus a tene na mente ken tabata su oyentenan.

¹⁴ Ora nos ta usa ilustrashon, nos tambe tin ku tene nos ou-ditorio na mente. Kiko ta algun kos tokante nos oyen-tenan ku lo por tin un influensia riba e ilus-trashonnan ku nos ta skohe? Podisé nos tin ku tene kuenta ku faktornan manera edat, kultura, famia

* Hesus a bisa tambe ku e saser-dote i e levita tabata ‘bahando di Yerusalèm,’ pues saliendo for di e tèmpel. Pues, ningun hende por a hustifiká nan indiferensia bisan-do ku nan a evitá e hòmbler ku a parse morto pasobra nan no kier a bira temporalmente impuru i konsekuentemente lo no por a sirbi na e tèmpel.—Levítico 21:1; Numbernan 19:16.

14. Ora di usa ilustrashon, kon nos por tene kuenta ku nos ou-ditorio?



i empleo. Por ehèmpel, un ilustrashon ku ta menshoná detayenan tokante trabou di kunuku lo por ta mas fásil pa kapta den un área di agrikultura ku den un stat grandi. E bida diario i aktividatnan di nos oyentenan—nan yunan, nan kas, nan hòbinan, nan kuminda—tambe lo por sirbi komo base pa ilustrashonnan apropiá.

Basá Riba Kreashon

¹⁵ Hopi di e ilustrashonnan di Hesus ta revelá kon bon el a konosé naturalesa, inkluso mata, bestia i e klima. (Mateo 16: 2, 3; Lukas 12:24, 27) Di unda el a haña tal konosementu? Tempu ku el a lanta na Galilea, sin duda e tabatin oportunidat amplio pa opservá kreashon. Mas importante ku esei, Hesus ta "e primogénito di henter kreashon," i Yehova a us'é komo e "obrero maestro" ora el a krea tur kos. (Kolosense-nan 1:15, 16; Proverbionan 8:30, 31) Ta straño anto ku Hesus a konosé e kreashon asina bon? Laga nos mira kon el a usa e konosementu aki ábilmente den su siñansa.

¹⁶ Kòrda ku Hesus a identifiká su mes komo "e bon wardadó" i su siguidónan komo "e karnénan." E palabranan di Hesus ta indiká ku e tabata bon na haltura di e karakterístikanan di karné doméstiko. E tabata sa ku tabatin un laso úniko entre un wardadó i su karnénan. El a tuma nota ku e bestianan mansu aki ta kla pa laga nan mes ser dirigí i ku nan ta sigui nan wardadó fielmente. Dikon karné ta sigui nan wardadó? Hesus di: "Pasobra nan konosé su bos." (Juan 10:2-4, 11) Di bèrdat karné konosé e bos di nan wardadó?

¹⁷ A base di opservashon personal, George A. Smith a skirbi den su buki *The Historical Geography of the Holy Land* (E Geografia Históriko di e Tera Santu): "Tin biaha nos

15. Pakiko no ta nada straño ku Hesus a konosé e kreashon asina bon?

16, 17. (a) Kiko ta indiká ku Hesus a konosé e karakterístikanan di karné hopi bon? (b) Menshoná un ehèmpel ku ta musta ku karné di bèrdat ta skucha e bos di nan wardadó.

tabata sosegá mèrdia banda di un di e posnan di Hudea, kaminda tres òf kuater wardadó di karné ta bini ku nan tou. E bestianan ta meskla den otro, i nos tabata puntra nos mes ta kon kada wardadó por a haña esnan di dje atrope. Pero despues ku e tounan a kaba di bebe awa i hunga ku otro, bùrt pa bùrt kada un di e wardadónan a kue un otro direkshon di e vaye, i kada un a dal su gritu spesial; i e karnénan di kada un a retirá for di e grupo grandi pa bai serka nan propio wardadó, i e tounan a bai mes ordená ku nan a bin.” Hesus lo no por a haña un mihó manera pa ilustrá su punto, esta, ku si nos ta rekonosé i obedesé su siñansa i si nos ta sigui su guia, e ora ei nos tambe por bin bou di e kuido di “e bon wardadó.”

¹⁸ Kon nos por siña usa ilustrashon saká for di kreashon? E karakterístikanan sobresaliente di bestia por ta e base pa komparashonnan simpel pero efektivo. Unda nos por haña informashon tokante e kreashon di Yehova? Beibel ta un

18. Unda nos por haña informashon tokante e kreashonnan di Yehova?



bon fuente di konosementu tokante vários bestia, i tin biaha, e ta usa karakterístikanan di bestia den un manera figurativo. Por ehèmpel, e ta referí na ser lihé manera gazèl òf leopardo, ser kouteloso manera kolebra, i inosente manera palomba.* (1 Krónikanan 12:8; Habakuk 1:8; Mateo 10:16) Otro fuentenan balioso di informashon ta *E Toren di Vigilancia* i *Spièrta!*, i otro literatura ku Testigunan di Yehova ta produsí. Bo por siña hopi si bo tuma nota di e manera ku e publikashonnan aki ta hasi uso di komparashonnan simpel basá riba e maravianan di e tantísimo kreashonnan di Yehova.

Basá Riba Ehèmpelnan Konosí

¹⁹ Un ilustrashon efektivu por ta den forma di un ehèmpel òf eksperensia di bida real. Na un okashon, Hesus a usa un suseso resien pa mostra ku e kreensia ku tragedia ta sosodé ku hende ku meresé esei, ta un kreensia robes. El a bisa: "Boso ta kere ku e diesochonan ei, riba kendenan e toren den Siloam a kai i a mata nan, tabata mas kulpabel [pekadó] ku tur e hendenan ku ta biba na Yerusalem?" (Lukas 13:4) Bèrdat, e 18 almanan ei no a muri pa motibu di un piká ku a provoká e rabia di Dios. Mas bien, nan morto trágiko tabata e resultado di "tempu i suseso imprevisto." (Eklestias 9:11, NW) Asina Hesus a refutá un siñansa falsu dor di referí na un suseso ku su oyentenan tabata bon na haltura di dje.

²⁰ Kon nos por usa ehèmpelnan di bida real ora nos ta siña hende? Suponé ku bo ta papiando tokante e kumplimentu di e profesia di Hesus relashoná ku e señal di su presensia.

* Pa un lista mas ekstenso di e uso figurativo di karakterístikanan di bestia den Beibel, wak *Perspikasia pa Komprondé e Skritura* na spañó, Vólumen 1, página 318-19, publiká pa Testigunan di Yehova.

19, 20. (a) Kon Hesus a hasi bon uso di un suseso resien pa mostra ku un kreensia ta robes? (b) Kon nos por usa ehèmpel i eksperensia di bida real ora nos ta siña hende?

Kon Bo Por Sigui Hesus?

- Ki aspektonan di kreashon Hesus a usa den su ilustrashonnan, i kon nos lo por usa ehèmpelnan similar?—Mateo 13:24-32.
- Kon Hesus a usa un ilustrashon simpel pa establese un punto impaktante, i kiko abo ta siña for di su ehèmpel?—Mateo 18:12-14.
- Hesus a hasi uso di kua eksperensianan di bida diario, i kon su ehèmpel lo por yuda bo skohe ilustrashon?—Lukas 11:5-8; 12:6.

(Mateo 24:3-14) Lo bo por referí na susesonan resien ku a sali den notisia tokante guera, hamber òf temblor pa mostra ku rasgonan spesífiko di e señal ta kumpliendo. Òf imaginá ku bo ke usa un eksperensia pa ilustrá e kambionan ku tin ku tuma lugá pa bisti e personalidat nobo. (Efesionan 4:20-24) Unda bo por haña un eksperensia asina? Lo bo por pensa riba bo rumannan den fe ku ta bin di diferente antese-dente, òf lo bo por usa un eksperensia ku a sali den un di e publikashonnan di Testigunan di Yehova.

²¹ Hesus tabata di bèrdat e Gran Maestro! Manera nos a mira den e sekshon aki, e obra prinsipal den su bida tabata pa “siña . . . i proklamá e evangelio.” (Mateo 4:23) Esei ta e obra prinsipal den nos bida tambe. E rekompensanan di ser un maestro efektivo ta grandi. Ora nos ta siña hende, nos ta dunando nan algu, i tal dunamentu ta produsí felisidat. (Echonan 20:35) E felisidat ei ta e goso di sa ku nos ta kompartiendo algu ku ta duradero i di berdadero balor, esta, e bèrdat tokante Yehova. Tambe nos por tin e satisfakshon di sa ku nos ta siguiendo e ehèmpel di Hesus, e Maestro di mas grandi ku a yega di kana riba mundu.

21. Ki rekompensanan nos ta haña ora nos ta un maestro efektivo di e Palabra di Dios?

“E AMOR DI KRISTU TA OBLIGÁ NOS”

*Kiko ta motivá nos pa keda sigui Hesus?
Apòstel Pablo a kontestá: “E amor di Kristu ta
obligá nos.” (2 Korintionan 5:14) Den e sekshon
aki nos lo studia e amor ku Hesus tin; su amor pa
Yehova, pa humanidat i pa kada un di nos.
Un estudio di esei realmente lo motivá nos. E lo
konmové nos kurason, i nos lo sinti nos obligá na
aktua, na hasi progreso den nos esfuerso pa
sigui e ehèmpel di nos Shon.*

“Mi Ta Stima e Tata”

SEGUN ku un hòmbler di edat tabata dòp su pèn den enk, e tabata kòrda riba e hopi kosnan ku el a pasa aden. Su nòmber tabata Juan, i e tabata e último apòstel di Hesukristu ku a keda na bida. Awor ku e tabatin mas o ménos 100 aña, el a reflekshoná riba loke a pasa un anochi masha memorabel un 70 aña promé, e último anochi ku e i e otro apòstelnan a pasa huntu ku Hesus promé ku Su morto. Bou di guia di e spiritu santu di Dios, Juan a logra kòrda i skirbi e susesonan detayadamente.

² E anochi ei, Hesus a deklará bon kla ku pronto outoridatnan lo a laga mat’*é*. Ta Juan so a revelá loke Hesus a bisa tokante e motibu *pakiko* lo el a someté su mes na e morto teribel ei: “Pa mundu por sa ku mi ta stima e Tata, i manera e Tata a ordená mi, asina mi ta hasi. Lanta, laga nos bai for di akinan.”—Juan 14:31.

³ “Mi ta stima e Tata.” No tabatin nada mas importante pa Hesus ku esei. No ta asina ku e tabata ripití e deklarashon ei konstantemente. De echo, Juan 14:31 ta e úniko kaminda den Beibel ku nos ta haña ku Hesus a ekspresá su amor pa su Tata asina abiertamente. Sin embargo, Hesus su *manera di biba* a musta ku e palabranan ei tabata bèrdat. Su amor pa Yehova tabata bisto tur dia. Hesus su kurashi, su obediensia i su perseveransia, tur tabata prueba di su amor pa Dios. Henter su ministerio tabata motivá pa amor.

⁴ Awendia, algun persona kisas ta pensa ku hende ku ta

1, 2. Kiko apòstel Juan a revelá tokante e último anochi ku e apòstelnan a pasa huntu ku Hesus?

3. Kon Hesus a demostrá ku el a stima su Tata?

4, 5. Beibel ta promové ki klase di amor, i kiko nos por bisa di Hesus su amor pa Yehova?

mustra amor ta suak. Kisas nan ta pensa riba poemanan di amor i kantikanan sentimental, podisé asta di e euforia ku tin biaha ta ser konektá ku amor romántiko. Beibel ta papia di amor romántiko, pero na un manera mas digno di loke ta komun awe. (Proverbionan 5:15-21) Sin embargo, e Palabra di Dios ta duna hopi mas atenshon na un otro klase di amor. E amor aki no ta simplemente pashon òf un emoshon pasahero; tampoko e no ta un manera seku i filosófico di trata ku relashonnan humano. E klase di amor ei ta enserá tantu e kurason komo e mente. E ta sali for di loke e persona ta di paden, e ta ser dirigí pa prinsipionan elevá i ta na armonia ku nan, i ta ser ekspresá den echonan positivo. Definitivamente e no ta un amor superfisial. E Palabra di Dios ta bisa: "Amor nunca no ta faya."—1 Korintionan 13:8.

⁵ Di tur e hendenan ku a yega di biba, Hesus tabata esun ku a stima Yehova mas tantu. Ningun hende no a kumpli mihó ku Hesus ku e palabranan ku e mes a sita komo Dios su mandamentu di mas grandi: "Stima [Yehova] bo Dios ku henter bo kurason, i ku henter bo alma, i ku henter bo mente, i ku tur bo forsa." (Marko 12:30) Kon Hesus a desaroyá un amor asina? Kon el a sòru pa su amor pa Dios keda fuerte durante e tempu ku e tabata riba tera? Anto kon nos por imit'é?

E Laso di Amor di Mas Bieu i di Mas Fuerte

⁶ Bo a yega di traha riba un proyekto ku un amigu i a konstatá ku debí na esei boso dos a bira mihó amigu, mas será ku otro? E eksperensia agradabel ei por yuda bo komprondé e amor ku a desaroyá entre Yehova i su Yu unigénito. Nos a referí vários biaha na Proverbionan 8:30, pero laga nos analisá e versíkulo ei awor den su konteksto. Den versíkulo 22 te ku 31, nos ta haña un deskripshon inspirá pa Dios di sabiduría personifiká. Kon nos por sa ku e palabranan aki ta referí na e Yu di Dios?

6, 7. Kon nos por sa ku Proverbionan 8:22-31 ta deskribí e Yu di Dios i no simplemente e kualitat di sabiduría?

⁷ Den versíkulo 22, sabiduria ta bisa: "[Yehova] a krea mi na prinsipio di su kaminda, promé ku su obranan di promé ayá." Mester ta trata aki di algu ku ta mas ayá di sabiduria, pasobra sabiduria no ta un kos ku a ser "kreá." E no tabatin un prinsipio pasobra semper Yehova a eksistí i semper e tabata sabí. (Salmo 90:2) Sin embargo, e Yu di Dios sí a ser kreá; e tabata "e primogénito di henter kreashon," e promé di tur e obranan di Yehova. (Kolosensenan 1:15) Manera Proverbionan a deskribí, e Yu a eksistí promé ku tera i shelu. Anto komo e Palabra, es desir, e Bosero di Dios, e tabata e ekspreshon perfekto di e sabiduria di Yehova.—Juan 1:1.

⁸ Kiko e Yu a hasi durante e mîles di miónes di añanan ku el a biba promé ku el a bin na tera? Versíkulo 30 ta bisa nos ku e tabata na Dios su lado komo "un trahadó eksperto." Kiko esei ta nifiká? Kolosensenan 1:16 ta splika: "Pa medio di dje tur kos a wòrdu kreá, tantu den e shelunan komo riba tera, . . . tur kos a wòrdu kreá pa medio di dje i p'e." Pues Yehova, e Kreadó, a usa su Yu, e Trahadó Eksperto, pa krea tur otro kos; for di e kriaturanan spiritual den shelu te na e inmenso universo material, inkluso planeta Tera ku su variedat maravioso di mata i bestia, i e kulminashon di e kreashon terenal: hende. Den algun aspekto nos lo por kompará e koperashon aki entre Tata i Yu ku e koperashon ku tin entre un arkitekto i un kontratista. E kontratista ta spesialisá den konstruí e diseñonan ingenioso di e arkitekto presis manera nan ta. Pues, ora un sierto faseta di kreashon ta yena nos ku rèspèt i atmirashon, nos ta dunando krédito de echo na e Gran Arkitekto. (Salmo 19:1) Sin embargo, nos lo por kòrda tambe riba e felis kolaborashon di hopi tempu ku tin entre e Kreadó i su "trahadó eksperto."

⁹ Ora ku dos hende imperfekto ta traha den estrecho

8. Kiko e Yu a hasi durante tur e tempu promé ku el a bin na tera, i kiko nos lo por pensa riba dje ora nos ta atmirá kreashon?

9, 10. (a) Kiko a hasi e laso entre Yehova i su Yu mas fuerte? (b) Kiko por hasi e laso ku bo tin ku bo Tata selestial mas fuerte?

kolaborashon, nan de bes en kuando sa tin problema pa sali bon ku otro. Esei niun ora so no tabata e kaso ku Yehova i su Yu! E Yu a traha pa masha hopi siglo ku su Tata i tabata "regosihando *semper* su dilanti." (Proverbionan 8:30) Sí, el a disfrutá di e kompania di su Tata, i e sintimentu tabata mutuo. Di mes, e Yu a bira mas i mas manera su Tata, i a siña imitá e kualidatnan di Dios. Nada straño anto ku e laso entre Tata i Yu a bira asina fuerte! Korektamente nos por yama esei e laso di mas bieu i di mas fuerte den henter universo.

¹⁰ Pero kiko esei por nifiká pa nos? Kisas bo ta sinti ku abo nunca lo por kultivá un laso asina ku Yehova. Ta bèrdat ku ningun di nos no tin e puesto elevá di e Yu. Sin embargo, nos tin un oportunidat ekstraordinario. Kòrda ku Hesus a hala mas serka di su Tata dor di traha huntu kuné. Amorosamente Yehova ta ofresé nos e oportunidat pa ta su "kolaboradónan." (1 Korintionan 3:9) Segun ku nos ta sigui e ehèmpel di Hesus den e ministerio, nos mester kòrda *semper* ku nos ta kolaboradó di Dios. Pues asina e laso di amor ku ta uni nos ku Yehova ta bira mas i mas fuerte. Tin un privilegio mas grandi ku esei?

Kon Hesus A Sòru pa Su Amor pa Yehova Keda Fuerte

¹¹ Den hopi manera ta bon pa nos mira e amor den nos kurason komo un kos bibu. Meskos ku un bunita mata den kurá, amor mester haña nutrishon i kuido pa e por krese i bona. Si negligish'é i keda sin dun'é nutrishon, e ta bira suak i muri. Hesus no a konsiderá su amor pa Yehova komo algu komun i koriente. El a sòru pa su amor keda fuerte i sigui krese durante henter su estadia riba tera. Laga nos wak kon.

¹² Pensa un biaha mas riba e insidente kaminda Hesus,

11-13. (a) Dikon ta bon pa nos mira amor komo un kos bibu, i kon Hesus, tempu ku e tabata mucha, a sòru pa su amor pa Yehova keda fuerte? (b) Kon e Yu di Dios a mustra su interes pa siña for di Yehova, tantu promé ku el a bin na tera komo despues komo hende?

tempu ku e tabata mucha, a papia frankamente den e tèmpel na Yerusalem. Kòrda e palabranan ku el a bisa su mayornan ku tabata tur preokupá: "Pakiko boso tabata buska mi? Boso no tabata sa ku mi mester tabata den e kas di mi Tata?" (Lukas 2:49) Komo mucha, Hesus evidentemente no tabatin ningun rekuerto ainda di su eksistensia prehumano. Tòg su amor pa su Tata, Yehova, tabata intenso. E tabata sa ku e manera natural pa ekspresá e amor ei ta den adorashon. P'esei ningun otro lugá na mundu no a atraé Hesus manera e kas di adorashon puru di su Tata. El a anhelá pa ta einan i no kier a bai. Ademas, e no tabata djis un opservadó. E tabata ansioso pa siña tokante Yehova i pa ekspresá loke e tabata sa. E sintimentunan ei no a kuminsá tempu ku e tabatin 12 aña, ni nan no a kaba na e edat ei.

¹³ E Yu ansiosamente a siña for di su Tata tempu ku e tabata den shelu promé ku el a bira hende. Un profesia ku tin na Isaias 50:4-6 ta revelá ku Yehova a siña su Yu spesífikamente ki papel lo el a bin kumpli kuné komo e Mesias. Ounke e edukashon ei a enserá tambe detayenan tokante algun di e difikultatnan ku e Yu lo a pasa aden komo e Ungí di Yehova, el a siña ku smak. Mas despues, ora Hesus a bin na tera i a bira adulto, el a keda ku e aktitut ansioso pa bai na kas di su Tata i partisipá den e adorashon i e siñamentu ku Yehova tabata ke pa ser duná na su kas. P'esei Beibel ta informá nos ku Hesus tabata asistí fielmente na e tèmpel i na snoa. (Lukas 4:16; 19:47) Si nos ke pa nos amor pa Yehova keda bibu i sigui krese, nos mester asistí diligentemente na e reunionnan kristian, kaminda nos ta adorá Yehova i oumentá nos konosementu i apresio p'e.

¹⁴ Un otro manera mas ku Hesus a sòru pa su amor pa Yehova keda fuerte tabata pa medio di hasi orashon ku regularidat. Ounke Hesus tabata un hòMBER amigabel i sosial, ta

14, 15. (a) Dikon Hesus a buska pa ta su so? (b) Kon e orashonnan ku Hesus a dirigí na su Tata ta revelá intimidat i rèspèt?

bon pa tuma nota ku na sierto momentonan el a preferá di tabata su so. Por ehèmpel, Lukas 5:16 ta bisa: "Hopi biaha e tabata retirá su mes den desierto pa hasi orashon." Asina tambe Mateo 14:23 ta deklará: "Despues ku el a manda e multitutnan bai, e so a subi bai riba seru pa hasi orashon. I ora nochi a sera, e tabata su so ayanan." Hesus a buska pa ta su so na e okashonnan aki i na mas okashon, no pasobra e tabata un ermitaño òf no a gusta kompania di otro hende, sino pasobra e tabata ke ta su so ku Yehova, pa papia libremente ku su Tata den orashon.

¹⁵ Ora Hesus tabata hasi orashon, el a usa tin biaha e ekspreshon "*Abba! Tata!*" (Marko 14:36) Den tempu di Hesus, "*Abba*" tabata un palabra di kariño pa "*tata*" ku a indiká intimidat, un palabra usá den famia. Hopi biaha e tabata un di e promé palabranan ku un mucha a siña. Pero a la bes e tabata un palabra di rèspèt. Ounke e palabra ei a revelá e relashon íntimo di e Yu papiando ku su Tata stimá, el a indiká tambe rèspèt profundo pa Yehova su outoridat komo tata. Nos ta haña e kombinashon ei di intimidat i rèspèt den tur e orashonnan di Hesus ku tin den Beibel. Por ehèmpel, na Juan kapítulo 17, apòstel Juan a skirbi e orashon largu i sinsero ku Hesus a hasi su último anochi. Ta realmente konmovedor pa nos studia e orashon ei i ta masha importante pa nos imit'è, naturalmente no dor di ripití e palabranan di Hesus, sino dor di haña maneranan pa papia di kurason ku nos Tata selesstial mas tantu posibel. Hasiendo esei nos amor p'e lo keda bibu i fuerte.

¹⁶ Manera nos a menshoná kaba, Hesus no a bisa bes tras bes: "*Mi ta stima e Tata.*" Sin embargo, hopi biaha el a ekspresá su amor pa su Tata ku otro palabra. Kon asina? Hesus

16, 17. (a) Ku ki palabranan Hesus a ekspresá su amor pa su Tata? (b) Kon Hesus a revelá e generosidat di su Tata?

"E so a subi bai riba seru pa hasi orashon"



mes a bisa: "Mi ta *alabá bo públikamente*, o Tata, Señor di shelu i tera." (Mateo 11:25, NW) Ora nos a studia e Sekshon 2 di e buki aki, nos a mira ku Hesus tabata gusta alabá su Tata dor di yuda hende konosé Yehova. Por ehèmpel, el a kompará Yehova ku un tata ku tabata asina ansioso pa pordoná su yu hòmbler rebelde ku e tabata warda pa e yònkuman arepentí bin bèk. E tata a mira e yu djaleu i a kore bai kontr'é i a bras'é. (Lukas 15:20) Ken por lesa e pasashi ei sin sinti su mes konmoví pa e manera ku Hesus a presentá Yehova su amor i pordon?

¹⁷ Hopi biaha Hesus a alabá su Tata pa Su generosidat. Hesus a usa e ehèmpel di mayornan imperfekto pa mustra kon sigur nos por ta ku nos Tata selestial lo duna nos tur e spiritu santu ku nos tin mester. (Lukas 11:13) Hesus a papia tambe tokante e speransa ku e Tata ta ofresé asina generosamente. Ku anhelo Hesus a deskribí su propio speransa di bolbe bèk na lado di su Tata den shelu. (Juan 14:28; 17:5) El a konta su siguidónan di e speransa ku Yehova ta ekstendé na Kristu su "tou chikitu," esta, e speransa di biba den shelu i di partisipá den e gobernashon di e Rei Mesiániko. (Lukas 12:32; Juan 14:2) Anto el a konsolá un malechor ku tabata muriendo ku e speransa di bida den Paradeis. (Lukas 23:43) Segun ku Hesus a papia di e gran generosidat di su Tata den e maneranan aki esei siguramente a yud'é keda ku un amor fuerte pa Yehova. Hopi siguidó di Kristu a ripará ku e kos ku mas ta fortalese nan amor pa Yehova òf nan fe den dje ta di papia tokante Yehova i e speransa ku e ta ekstendé na hende ku ta stim'é.

Abo Lo Imitá Hesus Su Amor pa Yehova?

¹⁸ Di tur e maneranan ku nos tin ku sigui Hesus, ningun no ta mas importante ku esaki: Nos tin ku stima Yehova ku

18. Kua ta e manera di mas importante den kua nos tin ku sigui Hesus, i dikon?

henter nos kurason, alma, mente i forsa. (Lukas 10:27) Nos no por midi nos amor pa Yehova simplemente na kon intenso nos sintimentunan ta; nos tin ku konsiderá tambe te na ki grado nos ta demostrá nos amor den akshon. Hesus no a keda kontentu ku djis *sinti* amor pa su Tata ni e no a djis *bisa*: “Mi ta stima e Tata.” E di: “Pa mundu por sa ku mi ta stima e Tata, i manera e Tata a ordená mi, *asina mi ta hasi*.” (Juan 14:31) Satanás a pretendé ku ningun hende lo sirbi Yehova motivá pa amor sin egoismo. (Jòb 2:4, 5) Pa por a duna e mihó kontesta posibel riba e kalumnia malicioso di Satanás, Hesus a aktua ku kurashi i a mustra mundu kuantu el a stima su Tata. El a obedesé su Tata te na e punto di entregá su bida. Abo lo sigui Hesus? Lo bo mustra mundu ku di bèrdat bo ta stima Yehova Dios?

¹⁹ Nos tin un nesesidat spiritual profundo pa demostrá tal amor. P’esei Yehova a hasi areglo pa nos ador’é na un manera ku nos ta nutri i fortalese nos amor pa nos Tata. Ora bo ta asistí na reunionnan kristian, purba kòrda ku bo ta eina pa adorá bo Dios. Algun faseta di e adorashon ei ta entre otro hasi orashon sinsero huntu, kanta kantikanan di alabansa, skucha ku atenshon i partisipá ki ora ku ta posibel. Reunionnan asina ta duna bo tambe e oportunidat pa animá e otro rumannan kristian. (Hebreonan 10:24, 25) Si nos ta adorá Yehova ku regularidat na reunionnan kristian, esei lo yuda nos amor pa Dios bira mas i mas fuerte.

²⁰ Nos amor pa Dios lo bira mas fuerte tambe pa medio di estudio personal, meditashon i orashon. Mira e kosnan aki komo oportunidatnan pa bo ta bo so ku Yehova. Segun ku bo ta studia Dios su Palabra skirbí i ta meditá riba dje, Yehova ta transmitiendo su pensamentunan na bo. Segun

19, 20. (a) Pa ki motibunan importante nos ke asistí ku regularidat na e reunionnan kristian? (b) Kon nos por mira nos estudio personal, meditashon i orashon?

Kon Bo Por Sigui Hesus?

- Ora nos ta hasi orashon, kon nos por demostrá konfiansa den Yehova, manera Hesus a demostr'é?—Juan 11:41, 42; Hebreonan 11:6.
- Kon nos por ekspresá amor sinsero pa Yehova den e manera ku nos ta usa su nòmber?—Juan 17:6-8.
- Dikon amor pa Yehova ta rekerí pa nos imitá Hesus den e asuntu di keda separá for di mundu?—Juan 17:14-16; Santiago 4:8.
- Kon nos por apliká Hesus su konseho tokante mantené amor intenso pa Yehova?—Revelashon 2:1-5.

ku bo ta hasi orashon, bo ta habriendo bo kurason na dje. Kòrda ku orashon ta enserá mas ku djis pidi Dios kos. Orashon ta tambe un oportunidat pa gradisí Yehova pa e bendishonnan ku bo a risibí i pa alab'é pa su obranan maravioso. (Salmo 146:1) Es mas, e mihó manera pa gradisí Yehova i pa must'é ku bo ta stim'é ta di alab'é públikamente ku goso i ku entusiasmo.

²¹ Amor pa Dios ta e faktor prinsipal ku por yuda bo al-kansá felisidat eterno. Esei ta tur loke Adam ku Eva tabatin mester pa nan por tabata eksitoso, i ta nèt e kos ku nan no a kultivá. Amor pa Dios ta e kos di mas importante ku bo tin mester pa surpasá kualke prueba di fe, rechasá kualke tentashon i wanta kualke difikultat. Esei ta e faktor di mas importante di ser un siguidó di Hesus. Klaru ku amor pa Dios ta konektá ku amor pa nos próhimo. (1 Juan 4:20) Den e kapítulonon ku ta sigui, nos lo analisá kon Hesus a demostrá su amor pa hende. Den e siguiente kapítulo, nos lo konsiderá dikon asina tantu hende a haña Hesus aserkabel.

21. Kon importante amor pa Yehova ta, i kiko nos lo konsiderá den e kapítulonon ku ta sigui?

“Multitutnan Grandi A Bin Serka Dje”

HESUS tabata sa ku e fin di su bida riba tera tabata aserká rápidamente. E tabatin apénas un par di siman mas, i ainda tabatin hopi kos di hasi! Hesus tabata predikando huntu ku su apòstelnan na Perea, un region ost di Riu Hordan. Nan a prediká bayendo den direkshon zùit rumbo pa Yerusalem, kaminda Hesus lo a asistí na su último Pasku Hudiu ku un final dramátiko.

² Despues ku Hesus a kaba di tene un diskushon riba un tema di peso ku algun lider religioso, a surgi un disturbio chikí. Ta asina ku algun hende a trese nan yunan pa mira Hesus. Aparentemente, tabatin mucha di diferente edat, pasobra Marko a referí na nan ku e mesun palabra ku el a usa mas promé pa deskribí un mucha di 12 año, miéntras ku Lukas a usa un palabra ku por ser tradusí komo ‘yu chikitu.’ (Lukas 18:15; Marko 5:41, 42; 10:13) Klaru ku kaminda tin mucha, hopi biaha ta reina un ambiente animá i boroto. E disipelnan di Hesus a skual e mayornan, kisas asumiendo ku nan Shon tabata muchu okupá pa duna atenshon na e muchanan. Kiko Hesus a hasi?

³ Ora Hesus a mira kiko ta pasando, el a rabia. Ku ken? Ku e muchanan? Ku e mayornan? Nò, ku su disipelnan! El a bisa nan: “Laga e muchanan bin serka mi; no stroba nan, pasobra e reino di Dios ta pertenesé na esnan manera esakinan. Di bèrdat mi ta bisa boso, esun ku no risibí e reino di Dios manera un mucha lo no dreña den dje.” Anto Hesus a tuma e muchanan “den su brasa” i a bendishoná

1-3. Kiko a pasa ora ku mayornan a trese nan yunan serka Hesus, i kiko e insidente aki ta revelá tokante Hesus?

nan. (Marko 10:13-16) E palabranan ku Marko a usa akinan ta indiká ku Hesus a brasa nan kariñosamente, i podisé asta a karga algun beibi den su brasa. Tabata bisto ku Hesus gusta mucha. Sin embargo, esaki ta siña nos algu mas tokante Hesus, esta, ku e ta un persona aserkabel.

⁴ Si Hesus tabata un hòmbler strèng, friu òf orguyoso, e muchanan ei probablemente lo no a sinti nan atraí na dje; i nan mayornan tampoko lo no a sinti nan liber pa aserk'é. Ora bo ta imaginá e esena, bo no ta mira e kara kontentu di e mayornan segun ku e hòmbler bondadoso aki a demostrá su kariño pa nan yunan, a ekspresá kuantu balor nan tin den bista di Dios i a bendishoná nan? Sí, apesar ku Hesus tabatin un responsabilidat di hopi peso, el a keda e hòmbler di mas aserkabel.

⁵ Ken mas a haña Hesus un hòmbler aserkabel? Kiko a hasi Hesus asina fásil pa aserká? Anto kon nos por bira meskos ku Hesus den esaki? Laga nos wak.

Ken A Haña Hesus Aserkabel?

⁶ Ora bo ta lesa e relatonan di Evangelio, podisé lo bo keda asombrá pa e manera ku gran kantidat di hende no a vasilá pa bin serka Hesus. Por ehèmpel, hopi bes nos ta lesa tokante "multitutnan grandi" en konekshon ku Hesus. "Multitutnan grandi tabata siguié for di Galilea." "Multitutnan grandi a bin para tur rònt di dje." "Multitutnan grandi a bin serka dje." "Multitutnan grandi tabata kana huntu kuné." (Mateo 4:25; 13:2; 15:30; Lukas 14:25) Sí, hopi biaha Hesus tabata rondoná pa multitut di hende.

⁷ Por lo general esakinan tabata hende komun i koriente, hende ku e lidernan religioso tabata referí na dje ku menos-

4, 5. (a) Kon nos por tin sigur ku Hesus tabata aserkabel? (b) Ki preguntanan nos lo analisá den e kapitùlo aki?

6-8. Hopi biaha Hesus tabata den kompania di ken, i den ki manera su aktitut tabata diferente for di e aktitut di e lidernan religioso?

presio komo "hende di tera." E fariseonan i saserdotenan a bisa abiutamente: "E multitut aki, ku no konosé e Lei, ta maldishoná." (Juan 7:49) Obranen rabíniko skirbí mas despues ta konfirmá e aktitut ei. Hopi lider religioso a konsiderá e hendenan ei komo di klase inferior i a nenga di kome ku nan, kumpra kos for di nan òf asosiá ku nan. De echo, algun lider religioso a insistí ku no tin speransa di resurekshon pa e hendenan ei ku no tabata konosé e lei oral! Di mes, hopi hende humilde lo a keda leu for di e lidernan ei en bes di pidi nan yudansa òf guia. Pero Hesus tabata diferente.

⁸ Hesus a asosiá libremente ku e pueblo komun. El a kome ku nan, kura nan, siña nan i duna nan speransa. Klaru ku Hesus tabata realístiko; el a rekonosé ku mayoria di hende lo a rechasá e oportunitat pa sirbi Yehova. (Mateo 7;13, 14) Sin embargo, el a karga e speransa ku kada persona lo a re-akshoná favorablemente i a mira den hopi di nan e potencial pa hasi loke ta korekto. Ki un kontraste ku e saserdote i fariseonan sin heful! Pero sorprendentemente, asta saserdote i fariseo a bin serka Hesus, i vários di nan a hasi kambio i a sigui Hesus. (Echonon 6:7; 15:5) Algun di e hendenan riku i poderoso tambe a haña Hesus aserkabel.—Marko 10:17, 22.

⁹ Hende muhé no a vasilá pa bin serka Hesus. Hopi biaha nan lo mester a sinti e menospresio humiliante di e lidernan religioso. E rabinan por lo general no tabata ke pa siña hende muhé. De echo, hende muhé no tabatin mag di testifiká den kasonan legal, ya ku a konsiderá nan komo testigu inkonfiabel. E rabinan asta a hasi un orashon den kua nan a gradisí Dios ku nan no tabata hende muhé! Sin embargo, hende muhé no a nota e tipo di menospresio ei serka Hesus. Hopi a aserk'é, ansioso pa siña. Por ehèmpel, Beibel ta konta nos ku Maria, ruman muhé di Lázaro, tabata sintá

9. Dikon hende muhé a haña Hesus aserkabel?

na pia di Señor ta skucha e palabranan di Hesus ku sumo atenshon miéntras ku su ruman muhé, Marta, tabata hopi okupá i preokupá ku preparashon di kuminda. Hesus a elogiá Maria pasobra el a fiha e prioridat korekto.—Lukas 10: 39-42.

¹⁰ Hende enfermo tambe a basha bin serka Hesus, ounke hopi biaha e lidernan religioso a trata nan komo persona indeseabel. E Lei di Moisés a preskribí ku hende ku lepra mester a keda isolá pa motibunan di salú, pero esei no tabata un hustifikashon pa no mostra bondat na nan. (Levítico, kapítulo 13) Sin embargo, reglanan rabíniko ku a bin despues a deklará ku hende ku lepra ta mesun desagradabel ku sushi humano. Algun lider religioso a bai asta asina leu di tira leprosonan ku piedra pa tene nan leu! Ta difísil pa imaginá kon hende ku a ser tratá asina por a haña e kurashi pa aserká kualke maestro, pero serka Hesus sí leprosonan a bin. Un di nan a ekspresá e famoso palabranan di fe aki: "Señor, si bo kier, bo por hasi mi bira limpi." (Lukas 5:12) Den e siguiente kapítulo nos lo analisá Hesus su reakshon. Pero pa awor ta sufisiente pa bisa ku no por tin un prueba mas konvinsente pa mostra ku Hesus tabata aserkabel.

¹¹ Personanan ku tabata kargá ku sintimentu di culpa a bin serka Hesus libremente. Por ehèmpel, pensa riba e biaha ku Hesus tabata komiendo na kas di un fariseo. Un muhé ku tabata konosí komo un pekadó a drenta paden i hinka rudia na pia di Hesus, yorando pa motibu di su sintimentu di culpa. Su lágrimanan a laba Hesus su pia, i el a usa su kabei pa seka nan. Miéntras ku Hesus su anfitrion a wak tur disgustá i den su mes a kritiká Hesus severamente pasobra el a laga e

10. Kon Hesus su manera di trata ku hende enfermo tabata distinto for di e lidernan religioso?

11. Ki ehèmpel ta mostra ku hende kargá ku sintimentu di culpa a sinti nan liber pa bin serka Hesus, i dikon esaki ta importante?

"Laga e muchanan bin serka mi"



muhé aki yega serka dje, Hesus bondadosamente a elogiá e muhé pa su repentimentu sinsero i a sigur'é ku Yehova a pordon'é. (Lukas 7:36-50) Awe mas ku nunka, hende ku ta kargá ku sintimentu di culpa mester por sinti nan liber pa bin serka esnan ku por yuda nan drecha nan relashon ku Dios! Kiko ta loke a hasi Hesus asina aserkabel?

Kiko A Hasi Hesus un Hende Aserkabel?

¹² No lubidá ku Hesus a imitá su Tata selestial stimá perfektamente. (Juan 14:9) Beibel ta rekordá nos ku Yehova "no ta leu di kada un di nos." (Echonan 17:27) Yehova, siendo Esun "ku ta skucha orashon," ta semper aksesibel pa su sirbidónan fiel i pa ken ku sinseramente ke hañ'é i sirbié. (Salmo 65:2) Figurá bo, e Persona di mas poderoso i importante den universo ta a la bes esun mas aserkabel! Hesus, meskos ku su Tata, stima hende. Den e siguiente kapítulonon nos lo konsiderá e amor intenso ku tabatin den su kurason. Pero Hesus tabata aserkabel prinsipalmente pasobra su amor pa hende tabata masha bisto. Laga nos analisá algun di e karakteristikanan di Hesus ku a demostrá e amor ei.

¹³ Hende a sinti mesora ku *Hesus tabata interesá den nan personalmente*. E interes personal ei no a disparsé ora ku Hesus tabata bou di preshon. Manera nos a mira kaba, ora e mayornan a trese nan yunan serka dje, Hesus a keda aserkabel apesar ku e tabata okupá i kargá ku responsabilidatnan di peso. Ki un bon ehèmpel el a pone pa mayornan! Den e mundu djawe ta un reto pa lanta yu. Sin embargo, ta masha importante pa muchanan mira nan mayornan komo hende aserkabel. Si bo ta un mayor, bo sa ku tin biaha bo ta muchu okupá pa duna bo yu e atenshon ku e mester. Pero pakiko no sigur'é ku lo bo traha tempu p'e mas pronto posibel? Segun ku bo ta kumpli ku bo palabra, bo yu lo siña ku ta

12. Dikon no ta un sorpresa ku Hesus tabata aserkabel?

13. Kon mayornan lo por imitá Hesus?

bale la pena tene pasenshi. E ta siña tambe ku semper e por bin serka bo ku kualke problema òf preokupashon.

¹⁴ Hesus a laga hende sa ku *loke a preokupá nan tabata importante p'e*. Por ehèmpel, konsiderá e promé milager ku Hesus a hasi. E tabata na un fiesta di kasamentu na Kana, un pueblito den Galilea. A surgi un problema bergonso, biña a kaba! Maria, mama di Hesus, a bisa su yu kiko a pasa. Wèl, kiko Hesus a hasi? El a laga e sirbidónan yena seis tinashi grandi di piedra ku awa. Ora nan a hiba un tiki di e awa ei pa e direktor di e fiesta, ata e awa tabata biña di alta kalidat! Akaso esei tabata un triki? Nò, e awa "a bira biña." (Juan 2:1-11) For di hopi tempu pasá hende ta soña di por kombertí un kos den otro. Pa siglonan, hòmbèrnan yamá alkimista a purba kombertí chumbu den oro. Nunka nan no a logra, ounke de echo, chumbu ku oro ta elementonan bastante similar.* Kiko di awa ku biña? For di un punto di bista kímiko, awa ta algu simpel, un kombinashon di dos elemento básiko. Di otro banda, biña ta kontené kasi mil supstansia ku ta konsistí di hopi elemento básiko! Dikon Hesus lo a hasi un akto asina maravioso pa resolvé un problema asina chikí manera skarsedat di biña na un fiesta di kasamentu?

¹⁵ E problema no tabata un kos chikí pa e brùit i e brùidehòm. Den Medio Oriente di antigwedat, hospitalidat na huéspednan invitá tabata un asunto di sumo importansia. Si biña mester a kaba na e fiesta di kasamentu esei lo a

* Studentenan di scheikunde sa ku chumbu ku oro ta bastante serka di otro riba e tabla periódiko di elemento. Un atom di chumbu tin simplemente tres proton mas den su núkleo ku e atom di oro. Físikonan moderno asta a kombertí kantidat chikí di chumbu den oro, pero e proseso no ta ekonómiko pasobra e ta rekerí masha hopi energia.

14-16. (a) Ki sirkunstansianan a pone Hesus hasi su promé milager, i dikon esaki tabata un akto maravioso? (b) Kiko Hesus su milager na Kana ta revelá tokante dje, i ki lès e ta siña mayornan?

*Mustra bo yu ku bo ta
aserkabel i ku bo ta realmente
interesá den dje*



kousa bastante bèrgwensa pa e pareha, lokual lo a tira un sombra skur riba nan dia di kasamentu i riba nan rekuerdonan di e dia ei den e añanan ku lo a sigui. E problema tabata importante pa nan, i e tabata importante pa Hesus. Pues el a hasi algu pa resolv'é. Bo por mira dikon hende tabata bin serka dje ku loke a preokupá nan?

¹⁶ Un biaha mas mayornan por saka un bon lès for di esaki. Kiko si bo yu bin serka bo, tur preokupá ku un problema? Kisas bo ta sinti gana di no wòri ku su preokupashon pasobra ta ko'i kèns. Podisé bo ta asta haña gana di harié. Kompará ku bo karganan, e problema di e mucha en bèrdat por parse ko'i kèns. Pero kòrda ku pa e mucha sí e no ta ko'i kèns! Si e ta importante pa un persona ku bo ta stima hopi, lo e no mester ta importante pa bo tambe? Si bo laga bo yu sinti ku bo ta interesá den loke ta preokup'é, esei lo hasi bo un mayor aserkabel.

¹⁷ Manera nos a konsiderá den Kapítulo 3, *Hesus tabata suave i humilde*. (Mateo 11:29) Mansedumbre òf suavedat ta un bunita kualidat, un prueba fuerte di e humildat ku un persona tin den su kurason. E ta parti di e fruta di Dios su spiritu santu i ta ser konektá ku sabiduria divino. (Galatianan 5:22, 23; Santiago 3:13) Asta ora Hesus a konfrontá e pió provokashon, el a dominá su mes. Su suavedat definitivamente no tabata debilidad. Un komentarista a bisa di suavedat: "Tras di e suavedat aki tin e forsa di stal." Sí, hopi bes nos tin mester di e forsa di stal pa frena nos temperamento i trata otro hende ku suavedat. Pero ku e bendishon di Yehova riba nos esfuerso, nos por imitá Hesus den mustra suavedat, i esei lo hasi nos mas aserkabel.

¹⁸ *Hesus tabata rasonabel*. Ora Hesus tabata na Tiro, un señora a bin serka dje pasobra su yu muhé tabata "kruelmente poseí pa demoño." Den tres diferente manera Hesus a indiká ku e no tabata dispuesto pa hasi loke e señora tabata ke. Di promé, Hesus no a kontest'é; di dos, el a duna e señora un motibu pakiko e no por a hasi loke el a pidi; di tres, Hesus a duna un ilustrashon pa mustra mas kla ainda dikon lo e no a hasié. Akaso Hesus tabata antipátiko, infleksibel? El a laga e señora komprondé ku e tabata bayendo den un direkshon peligroso dor di tribi kuestioná e palabranan di un hònber asina grandi manera e? Nò. Tabata bisto ku e señora a sinti su mes safe. E no a pidi yudansa so, sino tambe el a persistí apeser ku Hesus aparentemente no tabata kier a yud'é. Hesus a mira e fe remarkabel ku a motivá e señora pa persistí, i el a kura su yu. (Mateo 15:22-28) Hesus su aktitut rasonabel, su disponibilidat pa skucha i pa ta fleksibel ora ta apropiá, siguramente a hasi hende ansioso pa aserk'é!

17. Hesus a pone ki ehèmpel di suavedat, i dikon e kualidat aki ta prueba di un hende su forsa?

18. Ki ehèmpel ta revelá Hesus su aktitut rasonabel, i dikon bo ta kere ku e kualidat aki ta hasi un persona aserkabel?

Abo Ta Aserkabel?

¹⁹ Hende ta gusta pensa ku nan ta aserkabel. Por ehèmpel, tin hende den puesto di outoridat ku gusta bisa ku semper nan porta ta habrí, i ku e hendenan bou di nan por bin libremente serka nan. Sin embargo, Beibel tin e spièrtamentu fuerte aki: "Hopi hende ta proklamá nan mes lealtat, ma ken por haña un hende konfiabel?" (Proverbionan 20:6) Ta fásil pa bisa ku nos ta aserkabel, pero di bèrdat nos ta imitá e aspekto aki di Hesus su amor fielmente? E kontesta kisas ta sinta, no den e manera ku nos ta mira nos mes, sino den e manera ku otro hende ta mira nos. Pablo a bisa: "Laga tur hende sa ku boso ta rasonabel." (Filipensenan 4:5, NW) Ta bon pa kada un di nos puntra nos mes: 'Kon otro hende ta mirá mi? Ki reputashon mi tin?'

²⁰ Foral ansianonan kristian ta hasi esfuerso pa ta aserkabel. Nan ta deseá sinseramente di kumpli ku e deskripshon ku tin pará skirbí na Isaias 32:1 i 2: "Kada un lo ta manera un refugio kontra bientu, i un protekshon kontra tempestat, manera koridanan di awa den un tera seku, manera sombra di un baranka mas sha grandi mes den un tera ku tin set di awa." Un ansiano por perkurá tal protekshon, refreskamentu i alivio solamente si e keda aserkabel. Ta bèrdat ku



***Ansianonan ta hasi
esfuerso pa nan
ta aserkabel***

19. Kon nos por sa si di bèrdat nos ta aserkabel?

20. (a) Pakiko ta importante pa ansianonan kristian ta aserkabel?
(b) Pakiko nos mester ta rasonabel den loko nos ta spera di e ansianonan di kongregashon?

Kon Bo Por Sigui Hesus?

- Dikon hende lo por sinti nan motivá pa bin serka nos si nos ta hasi nan pregunta i ta skucha nan kontesta ku atenshon?—Mateo 16:13-17.
- Kon Hesus a demostrá di ta aserkabel asta ora hende a interumpí su privasidat, i kon nos lo por sigui su ehèmpel?—Marko 6:31-34.
- Kon Hesus a konsiderá hende no-kreyente? I si nos imitá su punto di bista balansá, kon esei lo hasi nos aserkabel?—Lukas 5:29-32.
- Si nos imitá e punto di bista positivo ku Hesus tabatin di hende, kon esei lo yuda nos bira mas aserkabel?—Juan 1:47.

no ta semper fásil pa nan hasi esei, pasobra ansianonan tin un karga pisá di responsabilidad den e tempu difísil aki. Sin embargo, ansianonan ta hasi esfuerso pa nan no duna e impreshon ku nan ta muchu okupá pa atendé ku e nesesidatnan di e karnénan di Yehova. (1 Pedro 5:2) Anto otro miembronan di e kongregashon ta purba di nan parti pa ta rasonabel den loka nan ta spera di e hòmbènan fiel ei, mustrandu un aktitut humilde i kla pa koperá.—Hebreonan 13:17.

²¹ Mayornan ta hasi esfuerso pa nan ta semper disponibel pa nan yunan. Esaki ta un asunto hopi serio! Nan ke pa nan yunan sa ku nan por konfia den nan tata òf nan mama. Pues, mayornan kristian ta sòru pa nan ta suave i rasonabel, i ta tene kuido pa nan no bira muchu emoshonal ora un yu konfesá di a kometé un eror òf ta demostrá un manera di pensa robes. Segun ku mayornan ta entrená nan yunan ku pasenshi, nan ta hasi nan bèst pa mantené bon komunikashon. Bon mirá, nos tur ke keda personanan aserkabel, manera Hesus tabata. Den e siguiente kapitùlo nos lo konsiderá Hesus su kompashon sinsero, un di e kualidatnan prinsipal ku a hasié aserkabel.

21. Kon mayornan por keda aserkabel pa nan yunan, i kiko nos lo konsiderá den e siguiente kapitùlo?

El “A Tene Kompashon”

DOS hòmbler siegu tabata sintá kantu di kaminda, djis pafó di Jeriko. Tur dia nan tabata bin einan, buska un lugá kaminda probablemente hopi hende lo pasa i pidi limosna públikamente. Sin embargo, e dia aki nan lo a eksperensiá algu ku lo a kambia nan bida drástikamente.

² Diripiente, e limosneronan a tende un werewere. Ya ku nan no por mira, un di nan a puntra ta kiko ta pasando, i e hendenan a bis'é ku “Hesus di Názarèt tabata pasa.” Hesus tabata riba kaminda pa bai Yerusalem pa último biaha. Pero e no tabata su so; un multitud grandi tabata siguié. Ora ku e limosneronan a tende ta ken ta pasando, nan a kousa un konmoshon ku nan gritu: “Señor, Yu di David, tene misericòrdia di nos!” Iritá, e multitud a manda e limosneronan keda ketu, pero e hòmbènan tabata desesperá. Nan a nenga di stòp di grita.

³ Hesus a tende nan gritamentu riba e bochincha di e multitud. Kiko lo el a hasi? E tabatin hopi kos ta pisa su kabes i su kurason. E tabata a punto di kuminsá e último siman di su bida riba tera. E tabata sa ku sufrimentu i un morto kruel tabata sper'é na Yerusalem. Tòg e no a keda sin hasi kaso di e gritunan insistente. El a para i a pidi pa trese e personanan ku tabata gritando serka dje. Nan a rog'é: “Señor, nos kier pa nos wowonan wòrdu habrí.” Hesus a “tene kompashon” di nan i a mishi ku nan wowonan; i nan a rekobrá

1-3. (a) Kon Hesus a reakshoná ora dos limosnero siegu a rog'é pa yuda nan? (b) Kiko e ekspreshon “tene kompashon” ta nifiká? (Wak nota na pia di página.)



nan bista.* Mesora nan a kuminsá sigui Hesus.—Lukas 18: 35-43; Mateo 20:29-34.

⁴ Esaki no tabata e úniko biaha ku Hesus a mostra kompashon. Na hopi okashon i bou di diferente sirkunstansia, Hesus a sinti su mes profundamente konmoví pa muestra kompashon. Profesia bíbliko a predisí ku lo e "[tabatin] kompashon di e pober." (Salmo 72:13) Anto en bèrdat Hesus a mostra kompreshon pa e sintimentunan di otro hende. El a tuma e inisiativa pa yuda hende. Su kompashon tabata un forsa ku a motiv'é den su predikashon. Laga nos mira kon e Evangelionan ta revelá e tierno kompashon ku tabatin tras di tur loke Hesus a bisa i hasi, i konsiderá kon nos tambe por demostrá e mesun kompashon aki.

El A Tene Kuenta ku Sintimentu di Otro Hende

⁵ Hesus tabata un hòmber di empatia, es desir, el a sinti profundamente pa otro hende. El a komprondé i kompartí e sintimentunan di hende ku tabata sufri. Apesar ku e no a eksperensia tur nan sirkunstansianan, el a sinti realmente nan doló den su kurason. (Hebreonan 4:15) Ora el a kura un señora ku a sufri di un derame di sanger pa 12 aña, el a deskribí e señora su malesa komo un "aflikshon." Pues el a rekonosé ku e malesa ei a kousa e señora hopi angustia i sufrimentu. (Marko 5:25-34) Ora el a mira Maria i e hendenan ku tabata huntu kuné ta yora e morto di Lázaro, nan tristesa a konmov'é asina tantu ku el a bira sumamente emoshoná.

* E palabra griego tradusí komo "tene kompashon" a ser yamá un di e palabranan mas intenso ku tin na griego pa ekspresá e sintimentu di kompashon. Un buki di referencia ta remarká ku e palabra aki ta indiká "no solamente e sintimentu di doló ora bo mira sufrimentu, sino tambe un deseo fuerte pa aliviá i eliminá e sufrimentu."

4. Kon Hesus a kumpli ku e profesia ku lo e "tin kompashon di e pober"?

5, 6. Ki ehèmpelnan ta mostra ku Hesus tabata un hòmber ku a sinti pa otro hende?

Ounke e tabata sa ku e ta bai resusitá Lázaro, el a keda asina konmoví ku su wowonan a yena ku awa.—Juan 11:33, 35.

⁶ Na un otro okashon, un leproso a aserká Hesus i a rog'é: "Si bo kier, bo por hasi mi bira limpi." Kon Hesus, un hòMBER perfekto ku nunca di su bida tabata malu, a reakshoná? El a sinti pa e leproso. Sí, e tabata "yen di kompa-shon." (Marko 1:40-42) Anto el a hasi algu ekstraordinario. E tabata sa bon-bon ku bou di Lei e leprosonan tabata impuru i no tabatin mag di bin kaminda tin hende. (Levíti-ko 13:45, 46) No tin duda ku Hesus por a kura e hòMBER aki sin mishi kuné. (Mateo 8:5-13) Sin embargo, el a skohe pa saka su man i mishi ku e leproso, bisando: "Mi kier, sea limpi." Mesora e lepra a kita. Hesus sí a ekspresá un kompa-shon masha tierno!

⁷ Komo kristian, nos mester imitá Hesus den sinti pa otro hende. Beibel ta urgi nos pa 'tene kompa-shon ku otro.'^{*} (1 Pedro 3:8) Kisas no ta fásil pa komprondé e sintimentunan di hende ku ta sufri di un malesa króniko òf di depreshon, foral si nos mes no a yega di sufri di e kosnan ei. Pero kòrda ku pa bo sinti pa otro hende bo no tin nodi pasa den e mesun sirkunstansianan. Hesus a sinti pa hende malu apesar ku e mes nunca a yega di bira malu. Pues anto, kon nos por kultivá empatia? Pa medio di skucha ku pasenshi ora ku hende ku ta sufri ta deshogá nan mes i ta konta nan sintimentunan. Nos lo por puntra nos mes: 'Si ami tabata den nan situashon, kon lo mi a sinti?' (1 Korintionan 12:26) Si nos bira mas konsiente di e sintimentunan di otro hende, nos lo ta mihó prepará pa "enkurashá esnan ku ta falta ánimo." (1 Tesalonisensenan 5:14) Tin biaha nos por mustra empatia no solamente ku palabra, sino tambe

^{*} E athetivo griego tradusí aki komo "kompa-shon" ta nifiká literalmente "sufri huntu ku."

7. Kiko por yuda nos kultivá empatia, i kon nos lo por ekspresá e kualidat aki?

ku lágrima. Romanonan 12:15 ta bisa: "Yora ku esnan ku ta yora."

⁸ Hesus a tene kuenta ku otro hende, i el a sòru pa e no a hùrt nan sintimentu. Kòrda por ehèmpel e biaha ku nan a trese serka Hesus un hòmber surdu ku kasi no por a papia. Aparentemente Hesus a sinti ku e hòmber aki tabatin poko bèrgwensa, i el a hasi algu ku



'Tene kompasjon ku otro'

normalmente e no sa hasi ora di kura hende: "El a hala [e hòmber] un banda, apartá for di e multitud." Den privá i sin ku e multitud tabata para wak, el a kura e hòmber.—Marko 7:31-35.

⁹ Hesus a aktua ku e mesun konsiderashon ora nan a trese un hòmber siegu serka dje i a pidié kur'é. Hesus a "kohe e siegu na su man i a hib'é pafó di e pueblito." Anto el a kura e hòmber stap pa stap. Esaki kisas a permití e hòmber su selebro i wowonan ahustá gradualmente na e bistanan asombroso i kompliká di e mundu yen di lus di solo rònt di dje! (Marko 8:22-26) Hesus sí a tene konsiderashon ku hende!

¹⁰ Komo siguidó di Hesus, nos tambe mester tene kuenta ku sintimentu di otro hende. Pues, nos tin ku paga tinu kon nos ta papia, kòrdando ku si nos usa nos lenga sin pensa, esei por ofendé otro hende. (Proverbionan 12:18; 18:21) Kristiannan ta mustra komprension pa e sintimentunan di otro hende, p'esei no tin lugá entre nan pa palabranan skèrpi, komentaronan di menospresio ni sarkasmo ku ta pika. (Efesionan 4:31) Ansianonan, kon boso por tene

8, 9. Kon Hesus a tene kuenta ku sintimentu di otro hende?

10. Den ki maneranan nos por tene kuenta ku sintimentu di otro hende?

kuenta ku sintimentu di otro hende? Ora di duna konseho, suavisá boso palabranan ku bondat, i permití esun ku ta skucha boso mantené su dignidat. (Galationan 6:1) Mayor nan, kon boso por tene cuenta ku sintimentu di boso yunan? Ora di disipliná boso yunan, purba hasi esei den un manera ku no ta brongosá nan sin ta na nodi.—Kolosense nan 3:21.

El A Tuma Inisiativa pa Yuda Otro Hende

¹¹ No ta tur biaha hende mester a pidi Hesus pa e mustra kompashon. De echo, kompashon no ta un kualidat pasivo sino aktivo, un kualidat ku ta motivá un persona pa hasi algu pa yuda. P'esei no ta un sorpresa ku tierno kompashon a motivá Hesus pa tuma e inisiativa pa yuda otro hende. Por ehèmpel, ora ku un multitud grandi a keda ku Hesus pa tres dia, sin kuminda, ningun hende no mester a bis'é ku e hendenan tabatin hamber òf sugerí pa hasi algu al respekto. E relato ta bisa: "Hesus a yama su disipelnan serka dje i a bisa: 'Mi tin kompashon di e multitud, pasobra ya ta tres dia kaba ku nan ta serka mi, i nan no tin nada di kome; i mi no kier manda nan bai ku hamber, pa nan no desmayá na kaminda.'" Anto kompletamente di su propio boluntat, el a alimentá e multitud milagrosamente.—Mateo 15:32-38.

¹² Konsiderá un otro relato. Na aña 31, ora ku Hesus tabata yegando serka di e stat di Nain, el a topa un esena tristu. Un proseshon di entiero tabata saliendo for di e stat, kisas rumbo pa e grafnan den e serunan ei banda, pa dera 'e úniko yu hòmpel di un biuda.' Bo por imaginá e doló den e mama ei su kurason? E tabata a punto di dera su úniko yu, i e no tabatin un kasá pa kompartí su tristesa. Di tur e hendenan den e proseshon, Hesus su bista a kai riba e biuda ku awor no tabatin su yu mas. Loke el a mira a konmov'é, sí, "el a

11, 12. Kua relatonan bíbliko ta mustra ku hende no mester a pidi Hesus pa mustra kompashon na otronan?

sinti kompashon p'e." Ningun hende no tabatin nodi rog'é. E kompashon den su kurason a motiv'é pa tuma e inisiativa. Pues, "el a yega serka i a mishi ku e kaha di morto," anto el a resusitá e yònkuman. Kiko a pasa despues? Hesus no a pidi e yònkuman pa djòin e multitud grandi ku tabata biaha huntu ku Hesus. Na lugá di esei, Hesus "a entreg'é bèk na su mama." Asina el a hasi nan un famia atrobe i a perkurá pa e biuda tin un hende pa kuid'é.—Lukas 7:11-15.

¹³ Kon nos por imitá e ehèmpel di Hesus? Klaru ku nos no por hasi milager pa kuminda rende ni resusitá morto. Pero sí nos por imitá Hesus den tuma e inisiativa pa yuda personanan den nesesidat. Kisas un ruman den fe a haña un sla finansiero òf a pèrdè su trabou. (1 Juan 3:17) E kas di un biuda kisas tin mester di reparashonnan urgente. (Santiago 1:27) Podisé nos konosé un famia ku a kaba di pèrdè un ser kerí i ku tin mester di konsuelo òf kualke otro yudansa práktiko. (1 Tesalonisensenan 5:11) Den kasonan di berdadero nesesidat, nos no tin ku warda te ora hende pidi nos pa nos ofresé yudansa. (Proverbionan 3:27) Kompashon lo motivá nos pa tuma e debido inisiativa pa yuda, te kamin-da nos sirkunstansianan ta permití. No lubidá nunca ku un simpel akto di bondat òf un par di palabra di konsuelo pa-piá di kurason por ta ekspreshonnan impaktante di kompashon.—Kolosensenan 3:12.

Kompashon A Motivá Hesus pa Prediká

¹⁴ Manera nos a mira den Sekshon 2 di e buki aki, Hesus tabata un ehèmpel sobresaliente den e trabou di prediká e bon nobo. El a bisa: "Mi mester prediká e reino di Dios na e otro statnan tambe, pasobra ta pa e propósito aki mi a wòrdu mandá." (Lukas 4:43) Dikon el a duna prioridat na e trabou aki? Prinsipalmente debí na su amor pa Dios. Pero

13. Kon nos por imitá Hesus den tuma e debido inisiativa pa yuda personanan den nesesidat?

14. Dikon Hesus a duna prioridat na e trabou di prediká e bon nobo?



Tuma inisiativa pa yuda hende den nesesidat

Hesus tabatin un motibu mas: Kompashon sinsero a motiv'é pa reakshoná riba e nesesidat spiritual di otro hende. Di tur e maneranan ku el a demostrá kompashon, ningun no tabata mas importante ku satisfasé e hamber spiritual di hende. Laga nos analisá dos insidente ku ta revelá kon Hesus a mira e hendenan na ken el a prediká. E konsiderashon aki por yuda nos analisá nos propio motibunan pa partisipá den e ministerio públiko.

¹⁵ Na aña 31, ora Hesus tabatin mas o ménos dos aña trahando duru den e ministerio, el a oumentá su esfuerso pa “pasa den tur e statnan i pueblitonan” di Galilea. Loke el a mira a konmové su kurason. Apòstel Mateo a informá: “Ora ku el a mira e multitutnan, el a sinti kompashon pa nan, pasobra nan tabata kansá i plamá, manera karné sin wardadó.” (Mateo 9:35, 36) Hesus a sinti pa e pueblo komun. E tabata bon konsiente di e kondishon spiritual deplorabel ku nan tabata aden. E tabata sa ku e lidernan religioso—nèt esnan ku lo mester a pastoriá nan—a maltratá

15, 16. Deskribí dos insidente ku ta revelá kon Hesus a mira e hendenan ku el a prediká na dje.

nan i neglighá nan sin miserikòrdia. Motivá pa kompashon profundo, Hesus a traha duru pa hiba e mensahe di speranza na e hendenan. Loke mas nan tabatin mester ta e bon notisia di e Reino di Dios.

¹⁶ Algu similar a pasa vários luna despues, serka di e tempu di Pasku Hudiu na aña 32. Na e okashon ei, Hesus ku su apòstelnan a subi un boto i a krusa Laman di Galilea pa bai na e otro banda pa nan por a haña un lugá ketu pa sosegá. Pero un multitud di hende a kore a lo largu di kosta i a yega na e otro banda promé ku e boto. Kon Hesus a reakshoná? "Ora Hesus a baha for di boto, el a mira un multitud grandi, i el a sinti kompashon pa nan, pasobra nan tabata manera karné sin wardadó; i el a kuminsá siña nan hopi kos." (Marko 6:31-34) Un biaha mas, Hesus a "sinti kompashon" di e pueblo debí na nan kondishon spiritual deplorabel. Meskos ku "karné sin wardadó," nan tabata spiritualmente hambrá i lagá pa nan kuenta pa perkurá pa nan mes. Kompashon ta loke a motivá Hesus pa prediká i no simplemente un sentido di deber.

¹⁷ Kiko ta motivá nos komo siguidó di Hesus pa partisipá den e ministerio? Manera nos a mira den Kapítulo 9 di e buki aki, nos tin un enkargo, un responsabilidat, pa bai prediká i hasi disipel. (Mateo 28:19, 20; 1 Korintionan 9:16) Pero nos motivashon pa partisipá den e trabou aki mester ta mas ku simplemente un sentido di deber òf obligashon. Mas ku tur kos ta amor pa Yehova ta motivá nos pa prediká e bon nobo di su Reino. Ademas, kompashon pa hende ku no ta kompartí nos kreensianan tambe ta motivá nos pa prediká. (Marko 12:28-31) Pues, kon nos por kultivá kompashon pa hende?

¹⁸ Nos tin ku mira hende manera Hesus a mira nan, esta, "kansá i plamá, manera karné sin wardadó." Imaginá si bo

17, 18. (a) Kiko ta motivá nos pa partisipá den e ministerio? (b) Kon nos por kultivá kompashon pa otro hende?

haña un lamchi ku ta kompletamente pèrdí. E pover kria-tura tin hopi hamber i set ya ku e no tabatin un wardadó pa hib'é kaminda tin yerba bèrdè i awa. Lo bo no sinti pa e lamchi ei? Lo bo no hasi bo bèst pa dun'é algu di kome i di bebe? E lamchi ei ta manera hopi hende ku ainda no kono-sé e bon nobo. Neglishá pa wardadónan religioso falsu, nan tin hopi hamber i set spiritual i nan no tin un berdadero speransa pa futuro. Nos tin loke nan mester, esta, e alimen-to spiritual nutritivo i awa refreskante di e bèrdat ku e Pala-bra di Dios ta kontené. (Isaias 55:1, 2) Ora nos reflekshoná riba e nesesidat spiritual di e hendenan rònt di nos, nos ta sinti pa nan. Si nos ta sinti profundamente pa hende, mes-kos ku Hesus a sinti, nos lo hasi tur loke nos por pa kompar-tí e speransa di Reino ku nan.

¹⁹ Kon nos por yuda otro hende sigui e ehèmpel di Hesus? Suponé ku nos ke animá un estudiante di Beibel ku ta kualifiká, p'e kuminsá partisipá den e trabou di predi-ká públikamente. Òf kisas nos ke yuda un persona inaktivo pa partisipá plenamente den e ministerio atrobe. Kon nos por yuda nan? Nos tin ku motivá nan kurason. Kòrda ku na pro-mé lugá Hesus a "sinti kompa-shon" pa hende, anto kaba el a siña nan. (Marko 6:34) Pues si nos por yuda nan kultivá kom-pashon, nan kurason muy pro-bablemente lo motivá nan pa ta manera Hesus i kompartí e bon nobo ku otro hende. Nos

Prediká ku kompashon

19. Kiko nos lo por hasi pa yuda mo-tivá un estudiante di Beibel ku ta kua-lifiká pa partisipá den e ministerio públiko?



Kon Bo Por Sigui Hesus?

- Kon Hesus a mostra kompashon den e manera ku el a ehersé outoridat, i kon nos por imit'é?—Mateo 11:28-30.
- Dikon ta importante pa nos sigui e ehèmpel di Hesus den muestra miseriòrdia, òf kompashon, na otro hende?—Mateo 9:9-13; 23:23.
- Ki akshonnan di Hesus a demostrá ku el a komprondé kon otro hende tabata sinti, i kon nos por imitá su ehèmpel?—Lukas 7:36-50.
- Kon e parábola di e bon samaritano ta mostra ku kompashon ta un kualidat positivo, i den ki manera nos por apliká e lès importante di e relato ei?—Lukas 10:29-37.

lo por puntra nan: "Kon e echo ku bo a aseptá e mensahe di Reino a mehorá bo bida? Kiko di e hendenan ku ainda no konosé e mensahe aki? Akaso nan tambe no tin mester di e bon nobo? Kiko abo por hasi pa yuda nan?" Klaru ku e motivashon di mas fuerte pa partisipá den e ministerio ta amor pa Dios i e deseo di sirbié.

²⁰ Ser un siguidó di Hesus ta enserá mas ku simplemente ripití su palabranan i kopia su echonan. Nos tin ku kultivá e mesun "aktitut" mental ku e tabatin. (Filipensenan 2:5) Nos por ta masha gradisidu anto ku Beibel ta revelá na nos e pensamentu- i sintimentunan ku tabatin tras di tur loke Hesus a bisa i hasi! Si nos familiarisá nos mes ku "e mente di Kristu," nos lo ta mihó prepará pa kultivá kompreshon i kompashon sinsero i asina trata otro hende manera Hesus a trata hende en general. (1 Korintionan 2:16) Den e siguien-te kapítulo nos lo konsiderá e vários maneranan ku Hesus a demostrá amor spesialmente na su siguidónan.

20. (a) Kiko ser un siguidó di Hesus ta enserá? (b) Kiko nos lo konsiderá den e siguiente kapítulo?

“Hesus . . . A Stima Nan te na Fin”

ORA Hesus a reuní ku su apòstelnan den un sala ariba di un kas na Yerusalem, e tabata sa ku esaki lo tabata su último anochi huntu ku nan. E momento pa bolbe serka su Tata tabata yegando. Den apénas algun ora, nan lo a arestá Hesus i pone su fe na prueba manera nunca promé. Sin embargo, ni sikiera su morto inminente no a kita su atenshon for di e nesesidatnan di e apòstelnan.

² Hesus a bisa e apòstelnan di antemano ku lo el a bai laga nan, pero ainda e tabatin mas kos di bisa pa fortalese nan pa loke tabata spera nan. P’esei el a pasa e último momentonan presioso aki siñando nan lesnan masha importante ku lo a yuda nan keda fiel. Su palabranan ta entre esnan mas kariñoso i mas íntimo ku el a yega di kompartí ku nan. Pero ta kiko a pone ku Hesus tabata mas preokupá pa su apòstelnan ku p’e mes? Ta kiko a hasi e último oranan aki ku nan asina presioso p’e? Den un solo palabra: amor. Su amor pa nan tabata profundo.

³ Dékadanán despues, ora ku apòstel Juan a introdusí su relato inspirá di e susesonan di e anochi ei, el a skirbi: “Promé ku e Fiesta di Pasku, Hesus, sabiendo ku su ora a yega ku e mester a laga e mundu aki i bai serka e Tata, a mustra esnan di dje ku tabata den mundu ku el a stima nan te na fin.” (Juan 13:1) Hesus no a warda te e anochi ei pa demostrá su amor na “esnan di dje.” Durante henter su ministerio el a duna prueba di su amor pa su disipelnan den tantísimo manera. Ta bon pa nos analisá algun di e maneranan ei,

1, 2. Kon Hesus a pasa su último anochi ku su apòstelnan, i dikon e momentonan final aki tabata presioso p’e?

3. Kon nos por sa ku Hesus no a warda te su último anochi pa demostrá amor na su siguidónan?

pasobra ora nos ta imit'é den esaki, nos ta duna prueba ku nos ta su berdadero disipelnan.

El A Mostra Pasenshi

⁴ Amor ku pasenshi ta kana huntu. "Amor tin pasenshi," segun 1 Korintionan 13:4, i pasenshi ta enserá soportá otro hende sin rabia òf keha. Hesus mester a tene pasenshi ku su disipelnan? Klaru ku sí! Manera nos a mira den Kapítulo 3, e apòstelnan tabata slow pa kultivá humildat. Mas ku un biaha nan a diskutí ku otro tokante kua di nan tabata esun di mas importante. Kon Hesus a reakshoná? El a rabia ku nan i kon-testá nan tur iritá òf ku renkor? Nò, ku pasenshi el a rasoná ku nan, asta ora "un diskushon" pisá a lanta tokante e asuntu aki durante su último anochi ku nan!—Lukas 22:24-30; Mateo 20:20-28; Marko 9:33-37.

⁵ Mas despues durante e último anochi ei, ora Hesus a bai na e hòfi di Getsemané ku e 11 fiel apòstelnan, su pasenshi a bolbe ser poné na prueba. Lagando ocho di e apòstelnan atras, Hesus a tuma Pedro, Santiago ku Juan i a bai mas paden di e hòfi. Hesus a bisa nan: "Mi alma ta masha tristu mes, te na morto; keda akinan i vigilá huntu ku mi." El a bai un poko mas leu for di nan i a kuminsá hasi orashon intensamente. Despues di a hasi orashon pa basta ratu, el a bolbe serka e tres apòstelnan. Kiko nan tabata hasiendo? Na momento di su prueba di mas grandi, nan tabata morto na soño! El a zundra nan pasobra nan no a keda vigilá? Nò, ku pasenshi el a animá nan. Su palabranan bondadoso a demostrá ku el a komprondé bou di kuantu tenshon nan tabata i kiko tabata nan debilitat.* El a bisa: "E spiritu ta boluntario, ma e karni

* No ta kansansio so a duna e apòstelnan hopi soño. E relato paralelo na Lukas 22:45 ta bisa ku Hesus a "haña nan na soño pa motibu di tristesa."

4, 5. (a) Dikon Hesus tabatin mester di pasenshi pa trata ku su disipelnan? (b) Kon Hesus a reakshoná ora tres di su apòstelnan no a keda vigilá den hòfi di Getsemané?

ta débil." Hesus a keda demostrá pasenshi e anochi ei, apesar ku el a bin haña nan drumí, no ún biaha sino dos biaha mas! —Mateo 26:36-46.

⁶ Ta un animashon pa konstatá ku Hesus no a konsiderá su apòstelnan un kaso pèrdí. Su pasenshi ku tempu a duna fruta, pasobra e hòmbèrnan fiel aki a siña e importansia di ta humilde i alerta. (1 Pedro 3:8; 4:7) Kon nos por imitá Hesus den nos trato ku otro hende? Especialmente ansianonan mester tene pasenshi. Rumannan den fe kisas ta aserká un ansiano ku nan problemanan ora ku e ansiano mes ta kansá òf su kabes ta yen di su mes preokupashonnan. Tin biaha, rumannan ku tin mester di yudansa ta slow pa reakshoná riba konseho. Apesar di esei, ansianonan ku tin pasenshi ta duna instrukshon "ku suavedat" i lo "trata e tou ku ternura." (2 Timoteo 2:24, 25; Echonan 20:28, 29, NW) Mayornan tambe ta hasi bon di imitá e pasenshi di Hesus, pasobra tin biaha muchanan por ta slow pa reakshoná riba konseho òf korekshon. Amor ku pasenshi lo yuda mayornan pa no stòp di hasi esfuerso pa entrená nan yunan. E rekompensanan di tal pasenshi por ta masha grandi.—Salmo 127:3.

El A Satisfasé Nan Nesesidatnan

⁷ Amor ta ser manifestá pa medio di obranan ku no ta reflehá egoismo. (1 Juan 3:17, 18) Amor "no ta buska su propio interes." (1 Korintionan 13:5) Amor a motivá Hesus pa satisfasé e nesidatnan físiko i material di su disipelnan. Hopi biaha el a aktua na nan favor asta promé ku nan a bisa kiko nan tabatin mester. Por ehèmpel, ora el a mira ku nan tabata kansá, el a sugerí nan pa bai huntu kuné "na un lugá solitario i sosegá un ratu." (Marko 6:31) Ora el a ripará ku nan tabatin hamber, el a tuma e inisiativa pa alimentá nan, i huntu ku nan mles di otro hende ku a bin pa skuch'é.—Mateo 14:19, 20; 15:35-37.

6. Kon nos por imitá Hesus den nos trato ku otro hende?

7. Den ki manera Hesus a satisfasé e nesidatnan físiko i material di su disipelnan?

⁸ Hesus a rekonosé e nesetidatnan spiritual di su disipelnan i a satisfasé eseinan tambe. (Mateo 4:4; 5:3, NW) Ora Hesus tabata siña hende, hopi biaha el a duna e disipelnan atenshon spesial. El a duna e Sermon Riba Seru spesialmente na benefisio di su disipelnan. (Mateo 5:1, 2, 13-16) Na okashonnan ku el a siña hende ku ilustrashon òf parábola, "e tabata splika tur kos na su disipelnan ora nan tabata nan so." (Marko 4:34) Hesus a profetisá ku lo e nombra un "esklabo fiel i prudente" pa hasi sigur ku Su siguidónan lo ta bon alimentá den sentido spiritual durante e último dianan. E esklabo ta konsistí di un grupo chikitu di ruman di Hesus, ungi pa spiritu santu, ku ta biba riba tera. Desde aña 1919, e esklabo aki ta perkurando 'kuminda spiritual na su debido tempu.'—Mateo 24:45.

⁹ Riba e dia ku Hesus a muri el a demostrá na un manera masha konmovedor kon interesá e tabata den e bienestar spi-

8, 9. (a) Kiko ta indiká ku Hesus a rekonosé e nesetidatnan spiritual di su disipelnan i satisfasé eseinan? (b) Ora Hesus tabata na staka, kon el a demostrá interes profundo den e bienestar di su mama?

Mayornan amoroso ta tene pasenshi i ta satisfasé e nesetidatnan di nan yunan



ritual di su sernan kerf. Imaginá bo e siguiente esena. Hesus tabata na staka, sufriendo un doló insoportabel. Pa e por a hala rosea, evidentemente e mester a pusha su kurpa ariba ku su pia. Esaki sin duda a kous'é masha hopi doló ya ku e peso di su kurpa tabata habri e heridanan di klabu den su pianan i su lomba tur kòrtá di sota tabata raspa kontra e staka. Lo mester tabata hopi difísil i doloroso pa el a papia, ya ku pa un hende papia e mester por kontrolá su halamentu di rosea. Sin embargo, djis promé ku Hesus a muri el a papia palabranan ku a demostrá su amor profundo pa su mama, Maria. Mirando Maria i apòstel Juan pará einan, Hesus a bisa su mama ku un stèm sufisiente duru ku otro hende pará ei banda por a tende: "Muhé, ata bo yu!" Anto na Juan el a bisa: "Ata bo mama!" (Juan 19:26, 27) Hesus tabata sa ku e fiel apòstel lo a atendé no solamente e nesesidatnan físiko i material di Maria, sino tambe su bienestar spiritual.*

* Aparentemente pa e tempu ei Maria tabata un biuda, i su otro yunan evidentemente no a bira disipel di Hesus ainda.—Juan 7:5.





¹⁰ Mayornan amoroso ta ripará ku ta probechoso pa mediatá riba e ehèmpel di Hesus. Un tata ku realmente ta stima su famia lo perkurá pa nan materialmente. (1 Timoteo 5:8) Kabesnan di famia balansá i amoroso de bes en kuando ta traha tempu pa relahá i rekrea. Mas importante ainda, mayornan kristian ta perkurá pa e nesidatnan spiritual di nan yunan. Kon? E mayornan ei ta hasi areglo pa tene un estudio di Beibel di famia riba un base regular, i nan ta hasi esfuerso pa hasi e seshonnan di estudio aki edificante i agradabel pa nan yunan. (Deuteronomio 6:6, 7) Ku nan palabra i ehèmpel, mayornan ta siña nan yunan ku e ministerio ta un aktividat importante i ku un parti esensial di nan rutina spiritual ta pa prepará pa e reunionnan kristian i asistí na nan.—Hebreonan 10:24, 25.

Dispuesto pa Pordoná

¹¹ Pordoná ta un faseta di amor. (Kolosensenan 3:13, 14) Segun 1 Korintionan 13:5, amor "no ta warda renkor." Na vários okashon, Hesus a siña su siguidónan e importansia di pordoná. El a urgi nan pa pordoná otro hende "no te shete bes, sino te setenta bes shete," es desir, no tabatin un kantidat limitá di biaha pa pordoná. (Mateo 18:21, 22) El a siña nan ku si bo reprendé un pekadó i e mustra repentimentu, lo bo mester pordon'é. (Lukas 17:3, 4) Sin embargo, Hesus no tabata manera e fariseonan hipókrita ku a siña ku boka so; el a siña hende tambe ku su ehèmpel. (Mateo 23:2-4) Laga nos mira kon Hesus a demostrá ku e tabata dispuesto pa pordoná asta ora un amigu di konfiansa a lag'é na kaya.

¹² Hesus tabatin un relashon hopi será ku apòstel Pedro, un hòMBER kariñoso ku de bes en kuando a aktua sin pensa.

10. Kon mayornan por imitá Hesus segun ku nan ta perkurá pa e nesidatnan di nan yunan?

11. Kiko Hesus a siña su siguidónan tokante pordoná?

12, 13. (a) Den ki manera Pedro a laga Hesus na kaya e anochi di Su aresto? (b) Kon loke Hesus a hasi despues di su resurekshon ta mustra bon kla ku el a hasi mas ku djis prediká ku mester pordoná?

Hesus a rekonosé e bon kualidatnan di Pedro i a dun'é vários privilegio spesial. Pedro, huntu ku Santiago i Juan, a presensia sierto milagernan ku e otro apòstelnan no a mira. (Mateo 17:1, 2; Lukas 8:49-55) Manera nos a menshoná anteriormente, Pedro tabata un di e apòstelnan ku a kompañá Hesus bai mas paden di e hòfi di Getsemané e anochi di Su aresto. Sin embargo, e mesun anochi ei ora Hudas a traishoná Hesus i nan a arest'é, Pedro i e otro apòstelnan a bandoná Hesus i hui bai. Mas despues, Pedro tabatin sufisiente kurashi pa para pafó miéntras ku nan tabata husga Hesus ilegalmente. Pero despues Pedro a bolbe haña miedu i a kometé un eror grave: tres biaha el a gaña i a nenga ku e konosé Hesus! (Mateo 26:69-75) Kon Hesus a reakshoná? Kon abo lo a reakshoná si un amigu íntimo laga bo na kaya dje manera ei?

¹³ Hesus tabata kla pa pordoná Pedro. E tabata sa ku Pedro a keda hopi kibrá pa e peso di su piká. De echo, e apòstel arepentí no por a kontené su mes i "a kuminsá yora." (Marko 14:72) Riba e dia ku Hesus a resusitá, el a aparesé na Pedro, probablemente pa konsolá i trankilisá e apòstel. (Lukas 24:34; 1 Korintionan 15:5) Ménos ku dos luna despues, Hesus a duna Pedro e onor di hiba delantera den duna testimonio na e multitud di hende den Yerusalem riba e dia di Pentekòste. (Echonan 2:14-40) Laga nos kòrda tambe ku Hesus no a karga renkor kontra e otro apòstelnan tampoko pasobra nan a bandon'é. Al kontrario, despues di su resurekshon, el a keda yama nan "mi rumannan." (Mateo 28:10) Ta bisto anto ku Hesus a hasi mas ku djis prediká ku mester pordoná.

¹⁴ Komo disipel di Kristu, nos tin ku siña pordoná otro hende. Dikon? Pasobra distinto for di Hesus, nos ta imperfekto, meskos ku e hendenan ku ta peka kontra nos. De bes

14. Dikon nos tin ku siña pordoná otro hende, i kon nos por demostrá ku nos ta kla pa pordoná?

en kuando, nos tur ta trompeká den palabra i den echo. (Romanonan 3:23; Santiago 3:2) Si nos ta pordoná otro hende ora tin base pa mostra misericòrdia, nos ta habri kaminda pa Dios pordoná nos nos pikánan. (Marko 11:25) Pues anto, kon nos por demostrá ku nos ta dispuesto pa pordoná hende ku ta peka kontra nos? Den hopi kaso, amor ta yuda nos pasa por haltu di piká- i faltanan menor di otro hende. (1 Pedro 4:8) Ora hende ku a hasi malu ku nos ta sinseramente arepentí, manera Pedro tabata, nos siguramente lo ke imitá Hesus su aktitut di ta dispuesto pa pordoná. En bes di tene hende na kurason, ta sabí pa nos legumai renkor. (Efesionan 4:32) Hasiendo esei nos ta kontribuí na pas di e kongregashon i tambe na pas den nos mente i kurason.—1 Pedro 3:11.

Hesus A Demostrá Konfiansa

¹⁵ Amor i konfiansa ta kana man na man. “Tur kos [amor] ta kere.”* (1 Korintionan 13:7) Motivá pa amor, Hesus a demostrá di ta dispuesto pa konfia su disipelnan apesar di nan imperfekshonnan. E tabatin konfiansa den nan i tabatin sigur ku nan sinseramente a stima Yehova i kier a hasi su bo-luntat. Asta ora nan a kometé eror, Hesus no a kuestioná nan motibunan. Por ehèmpel, ora e apòstelnan Santiago ku Juan evidentemente a laga nan mama bai pidi pa nan sinta banda di Hesus den su Reino, Hesus no a duda den nan lealtat i kita nan di sirbi komo apòstel.—Mateo 20:20-28.

¹⁶ Hesus a demostrá su konfiansa dor di enkargá su disipelnan ku vários responsabilidat. Na e dos okashonnan

* Klaru ku esaki no ke men ku amor ta kla pa kere kiko ku ta òf ta naíf. Mas bien, e ke men ku amor no ta muchu krítiko ni deskonfiá. Amor ta frena nos pa no ta muchu lihé pa husga e motibunan di otro hende ni konkluí mesora ku nan tin mal intenshon.

15. Dikon Hesus a konfia su disipelnan apesar di nan faltanan?

16, 17. Ki responsabilidatnan Hesus a laga den man di su disipelnan?

ku el a multipliká kuminda milagrosamente i a alimentá e multitutnan, el a enkargá su disipelnan ku e responsabilidadat di parti e kuminda. (Mateo 14:19; 15:36) Komo preparashon pa su último Pasku Hudiu, el a asigná Pedro ku Juan pa bai Yerusalem i perkurá pa e kosnan nesesario. Ta nan mester a sòru di buska e lamchi, biña, pan sin zürdeg, yerba marga i otro artíkulonnan nesesario. Esaki no tabata un asignashon insignifikante, pasobra e selebrashon di e Pasku Hudiu na e manera korekto tabata un rekisito di e Lei di Moisés, i Hesus tabatin ku kumpli ku e Lei ei. Ademas, mas lat e anochi ei Hesus a usa e biña i e pan sin zürdeg komo símbolonan importante ora el a instituí e Konmemorashon di su morto.—Mateo 26:17-19; Lukas 22:8, 13.

¹⁷ Hesus a haña ku ta apropiá pa konfia su disipelnan ku responsabilidadatnan asta mas pisá. Manera nos a menshoná anteriormente, el a enkargá un grupo chikitu di su siguidónan ungi riba tera ku e responsabilidadat importante di prepará i distribuí alimento spiritual. (Lukas 12:42-44) Kòrda tambe ku el a laga den man di su disipelnan e enkargo masha importante pa prediká i hasi disipel. (Mateo 28:18-20) Te awe, apesar ku Hesus ta invisibel i ta goberná for di shelu, e ta konfia e kuido di su kongregashon riba tera den man di hòmbnernan ku e ta konsiderá spiritualmente kualifiká i ku e ta duna komo don na e kongregashon.—Efesonan 4:8, 11, 12.

¹⁸ Kon nos por sigui e ehèmpel di Hesus den nos trato ku otro hende? Ora nos ta demostrá konfiansa den nos rumannan den fe, esei ta un muestra di nos amor. Laga nos kòrda ku amor ta buska loke ta bon den otro hende, no loke ta malu. Ora hende desepshoná nos—lokual sigur lo sosodé de bes en kuando—amor lo yuda nos pa no ta lihé pa asumí ku

18-20. (a) Kon nos por demostrá konfiansa den rumannan den fe? (b) Kon nos por imitá Hesus su aktitut di ta dispuesto pa enkargá otro hende ku responsabilidadat? (c) Kiko nos lo trata den e siguiente kapítulo?

Kon Bo Por Sigui Hesus?

- Dikon ta importante pa nos hasi kaso di Hesus su konseho tokante pordoná otro hende?—Mateo 6:14, 15.
- Kon nos por apliká e lès di e ilustrashon di Hesus ku ta muestra ku nos mester ta kla pa pordoná?—Mateo 18:23-35.
- Kon Hesus a tene konsiderashon ku su disipelnan, i kon nos por imit’é?—Mateo 20:17-19; Juan 16:12.
- Kon Hesus a laga Pedro sa ku e tabatin konfiansa den dje, i kon nos por ekspresá konfiansa den otro hende?—Lukas 22:31, 32.

nan tin mal motibu. (Mateo 7:1, 2) Si nos mantené un punto di bista positivo di nos rumannan den fe, nos lo trata nan na maneranan ku ta edifiká nan en bes di kibra nan.—1 Tesalonisensenan 5:11.

¹⁹ Nos por imitá Hesus i ser dispuesto pa enkargá otro hende ku responsabilidad? Ta bon pa rumannan ku tin puestu di responsabilidad den kongregashon siña enkargá otro hende ku tareanan apropiá i signifikativo, ku e konfiansa ku nan lo hasi nan bèst. Den tal kaso ansianonan ku eksperiensia por duna e entrenamentu nesario i balioso na rumannan hóben kualifiká ku ta “aspirá” pa yuda den kongregashon. (1 Timoteo 3:1; 2 Timoteo 2:2) E entrenamentu aki ta sumamente importante. Segun ku Yehova ta sigui aselerá e kresementu di e obra di Reino, lo tin ku entrená hòmbenan kualifiká pa atendé e oumento.—Isaias 60:22.

²⁰ Hesus a laga un ehèmpel maravioso pa nos pa loke ta muestra amor na otro hende. Di tur e maneranan ku nos por siguié, esun di mas importante ta pa medio di imitá su amor. Den e siguiente kapítulo nos lo trata e manera di mas grandi ku el a ekspresá su amor pa nos, esta, e echo ku e tabata dispuesto pa entregá su bida.

“Ni Un Hende No Tin Amor Mas Grandi ku Esaki”


“ATA e hòmbler!” Ku e palabranan aki e gobernadó romano Ponsio Pilato a presentá Hesukristu na e multitut rabiá pará pafó di palasio di gobernadó e mainta trempa di e Pasku Hudiu di aña 33. (Juan 19:5) Apénas algun dia promé, un multitut di hende a aklamá Hesus ora ku el a hasi su entrada triunfal den Yerusalem komo e Rei apuntá pa Dios. Sin embargo, e anochi aki e multitut rabiá tabatin kompletamente un otro opinion di dje.

² Hesus tabata bistí ku un mantel púrpura manera e hendenan di kas real sa bisti, i un korona riba su kabes. Pero e mantel i korona tabata pa hasi bofon di su puesto di rei. E mantel a tapa su lomba ku tabata tur kòrtá i na sanger debí na e sota ku el a haña ku zuip, i e korona tabata di sumpiña i primí riba su kabes tur na sanger. E pueblo, instigá pa e saserdotenan prinsipal, a rechasá e hòmbler pará nan dilanti. E saserdotenan a grita: “Klab’é na staka! Klab’é na staka!” Ku un kurason asesino, e pueblo a grita: “E mester muri.”—Juan 19:1-7, NW.

³ Ku dignidat i kurashi, Hesus a wanta e humiashon i a sufri sin keha.* E tabata plenamente prepará pa muri.

* Dos biaha nan a skupi Hesus e dia ei. Promé tabata e lidernan religioso i despues tabata e soldánan romano. (Mateo 26:59-68; 27:27-30) Asta e trato di despresio aki Hesus a soportá sin keha, kumpliando ku e palabranan profétiko: “Mi no a skonde mi kara pa humiashon i skupimentu.”—Isaias 50:6.

1-4. (a) Kiko a sosodé ora Pilato a presentá Hesus na un multitut rabiá pará pafó di palasio di gobernadó? (b) Kon Hesus a reakshoná riba e humiashon i sufrimentu, i ki preguntanan importante ta surgi?



Mas lat riba e dia di Pasku Hudiu ei, el a someté su mes bo-luntariamente na un morto doloroso riba un staka di tor-mento.—Juan 19:17, 18, 30.

⁴ E echo ku Hesus a entregá su bida a demostrá ku e tabata un berdadero amigu pa su siguidónan. El a yega di bisa: "Ni un hende no tin amor mas grandi ku esa-ki, ku un hende ta duna su bida pa su amigunan." (Juan 15:13) Esaki ta lanta algun pregunta importante. Tabata realmente nesesario pa Hesus pasa den tur e sufrimentu ei i despues muri? Dikon e tabata dispuesto pa hasi esei? Komo "su amigunan" i siguidónan, kon nos por imitá su ehèmpel?

Pakiko Hesus Mester A Sufri i Muri?

⁵ Komo e Mesias primintí, Hesus tabata sa kiko pa spera. E tabata na haltura di e tantísimo profesianan den e Skri-tura Hebreo ku a predisí en detaye e sufrimentu i morto di e Mesias. (Isaias 53:3-7, 12; Daniel 9:26) Mas ku un biaha el a prepará su disipelnan pa e pruebanan ku tabata sper'é. (Marko 8:31; 9:31) Riba kaminda pa Yerusalem pa celebrá su último Pasku Hudiu, el a bisa su apòstelnan spesífika-mente: "E Yu di hende lo wòrdu entregá na e saserdotenan prinsipal i eskribanan; i nan lo konden'é na morto, i lo en-treg'é na e paganonan. I nan lo hasi bofon di dje i skupi riba dje i sut'é i mat'é." (Marko 10:33, 34) No tabata trata aki di palabranan bashí. Manera nos a mira, en bèrdat nan a hasi bofon di Hesus, skupié, sut'é i mat'é.

⁶ Pero pakiko Hesus mester a sufri i muri? Pa vários moti-bu masha importante. Di promé, dor di keda leal, Hesus lo a duna prueba di su integridat i sostené e soberania di Yehova. Kòrda ku Satanás a pretendé falsamente ku hende ta sirbi Dios solamente pa motibunanan egoista. (Jòb 2:1-5)

5. Kon bin Hesus tabata sa ki pruebanan spesífiko tabata sper'é?

6. Dikon Hesus mester a sufri i muri?

Kedando fiel "te na morto" riba un staka di tormenta, Hesus a duna e kontesta mas kompletu posibel riba Sata-nas su akusashon sin base. (Filipensenan 2:8; Proverbio-nan 27:11) Di dos, e sufrimentu i morto di e Mesias lo a kubri òf paga pa e pikánan di otro hende. (Isaias 53:5, 10; Daniel 9:24) Hesus a "duna su bida komo preis di reskate pa hopi," i asina a habri kaminda pa nos por tin un rela-shon aprobá ku Dios. (Mateo 20:28) Di tres, dor di wanta tur tipo di difikultat i sufrimentu, Hesus "a ser probá den tur sentido meskos ku nos mes." P'esei e ta un Sumo Saser-dote miserikòrdioso, unu ku por "kompadesé di nos debi-lidatnan."—Hebreonan 2:17, 18, NW; 4:15.

Dikon Hesus Tabata Dispuesto pa Entregá Su Bida?

⁷ Pa bo por komprondé mihó kiko Hesus tabata dispues-to pa hasi, pensa riba esaki: Ta kua hònber lo laga su famia i su kas atras i bai biba na un pais stranhero si e sa ku ma-yoria di habitante di e pais ei lo rechas'é, ku lo e ser some-té na humiashon i sufrimentu i ku por último nan lo ase-sin'é? Pensa awor riba loke Hesus a hasi. Promé ku el a bin na tera, e tabatin un puesto privilegiá den shelu na lado di su Tata. Sin embargo, Hesus boluntariamente a bandoná su kas selestial i a bin na tera komo hende. El a hasi esei, sa-biendo ku mayoria di hende lo a rechas'é i ku nan lo a so-met'é na humiashon kruel, sufrimentu intenso i un mor-to doloroso. (Filipensenan 2:5-7) Kiko a motivá Hesus pa hasi e sakrifisio ei?

⁸ Mas ku tur kos Hesus a ser motivá pa un amor pro-fundo pa su Tata. Hesus su perseveransia tabata prueba di su amor pa Yehova. E amor ei a pone ku Hesus tabata preokupá pa e nòmber i reputashon di su Tata. (Mateo 6:9;

7. Kuantu kos Hesus a sakrifiká ora el a bin na tera?

8, 9. Kiko a motivá Hesus pa entregá su bida?

Juan 17:1-6, 26) Riba tur kos, Hesus kier a mira e nòmber di su Tata ser hasí limpi di e reproche ku a ser montoná riba dje. Pues pa Hesus, tabata un gran onor i privilegio di por a sufri pa kousa di hustisia, pasobra e tabata sa ku su integridat lo a kontribuí na santifikashon di e nòmber bon i glorioso di su Tata.—1 Krónikanan 29:13.

⁹ Tabatin un motibu mas pakiko Hesus a entregá su bida: amor pa humanidat. E amor aki a originá for di prinsipio di historia humano. Hopi promé ku Hesus a bin na tera, Beibel ta revelá ki sintimentu e tabatin pa hende: "Mi delisia tabata den e yunan di hende." (Proverbionan 8:30, 31) Su amor tabata masha bisto tempu e tabata riba tera. Manera nos a mira den e tres kapítulon anterior di e buki aki, Hesus a demostrá su amor pa hende en general i pa su siguidónan en partikular den hopi manera. Pero dia 14 di nisan di aña 33, boluntariamente el a entregá su bida pa nos. (Juan 10:11) Di bèrdat no tabatin un manera mas grandi pa el a demostrá su amor pa nos. Akaso nos mester imit'é den esaki? Sí. De echo, nos a haña un mandamentu pa hasié.

"Stima Otro Meskos Ku Ami A Stima Boso"

¹⁰ E anochi promé ku Hesus a muri, el a bisa su disipelnan di mas íntimo: "Un mandamentu nobo mi ta duna boso, pa boso stima otro, i meskos ku ami a stima boso, pa boso tambe stima otro. Na esaki tur hende lo sa ku boso ta mi disipel, si boso tin amor un pa otro." (Juan 13:34, 35) Dikon "stima otro" tabata "un mandamentu nobo"? E Lei di Moisés ya a yega di duna e mandamentu: "Stima bo próhimo manera bo mes." (Levítiko 19:18) Pero e mandamentu nobo ta rekerí un amor mas grandi, un amor ku lo a motivá nos pa entregá nos bida na fabor di otro hende. Hesus

10, 11. Kiko ta e mandamentu nobo ku Hesus a duna su siguidónan, kiko e ta enserá, i dikon ta importante pa nos obedes'é?

mes a splika esaki ora el a bisa: "Esaki ta mi mandamentu, ku boso stima otro meskos ku ami a stima boso. Ni un hende no tin amor mas grandi ku esaki, ku un hende ta duna su bida pa su amigunan." (Juan 15:12, 13) Bon mirá, e mandamentu nobo ta bisa: "Stima otro hende, no *meskos* ku bo mes, sino *mas ku* bo mes." E manera ku Hesus a biba i a muri tabata definitivamente un ehèmpel di tal amor.

¹¹ Dikon ta importante pa nos obedesé e mandamentu nobo? Kòrda ku Hesus a bisa: "Na esaki [e amor di sakrifisio propio] tur hende lo sa ku boso ta mi disipel." Sí, amor di sakrifisio propio ta identifiká nos komo kristiannan berdadero. Nos lo por kompará e amor aki ku un badge. Delegadonan ku ta asistí na e kongresonan anual di Testigunan di Yehova ta bisti un badge. E karchi ta identifiká e persona, mustrando su nòmber i kongregashon. Amor di sakrifisio propio pa otro ta e "badge" ku ta identifiká kristiannan berdadero. Ku otro palabra, e amor ku nos ta muestra na otro mester ta asina riparabel ku e mester fungi komo un señal, òf badge, ku ta bisa opservadónan ku en bèrdat nos ta berdadero siguidó di Kristu. Kada un di nos ta hasi bon di puntra nos mes: 'E "badge" di amor di sakrifisio propio ta bisto den mi bida?'

Kiko Amor di Sakrifisio Propio Ta Enserá?

¹² Komo siguidó di Hesus, nos tin ku stima otro manera é a stima nos. Esaki ta nifiká ku nos ta dispuesto pa hasi sakrifisio pa nos rumannan den fe. Te kon leu nos mester ta dispuesto pa hasi sakrifisio? Beibel ta bisa nos: "Na esaki nos konosé amor, ku el a entregá su bida pa nos; i nos mester entregá nos bida pa e rumannan." (1 Juan 3:16) Meskos ku Hesus, nos mester ta dispuesto pa muri pa otro si ta nesesario. Den tempu di persekushon, nos lo preferá

12, 13. (a) Te kon leu nos mester ta dispuesto pa hasi sakrifisio pa demostrá nos amor pa otro? (b) Kiko hasi sakrifisio propio ta nifiká?

di sakrifiká nos propio bida ku traishoná nos rumannan spiritual i asina pone nan bida na peliger. Den paisnan dividí pa konflikto rasial òf étniko, nos lo riska nos propio bida pa protehá nos rumannan, sin importá ki antesedente rasial òf étniko nan tin. Ora nashonnan ta bai guera, nos ta preferá di bai será òf asta muri ku hisa arma kontra nos rumannan den fe òf kontra kualke otro hende.—Juan 17:14, 16; 1 Juan 3:10-12.

¹³ Ser dispuesto pa entregá nos bida pa nos rumannan no ta e úniko manera pa demostrá amor di sakrifisio propio. De echo, ta masha poko di nos hamas ta haña nos tin ku hasi un sakrifisio asina grandi. Sin embargo, si nos ta stima nos rumannan suficiente pa muri pa nan, nos lo no mester ta dispuesto pa hasi sakrifisionan mas chikí, ha-siendo tur loke nos por pa yuda nan awor? Hasi sakrifisio propio ta nifiká legumai nos propio bentaha òf komodidad p'e benefisio di otro hende. Nos ta pone nan nesesisat i bienestar promé ku di nos, asta ora esaki no ta kumbiní nos. (1 Korintionan 10:24) Den ki maneranan práktiko nos por demostrá amor di sakrifisio propio?

Den Kongregashon i den Famia

¹⁴ Ansianonan di kongregashon ta hasi hopi sakrifisio pa "pastoriá e tou." (1 Pedro 5:2, 3) Fuera di perkurá pa nan mes famia, nan kisas tin ku tuma tempu anochi òf den wikènt pa atendé asuntunan di kongregashon. Esei ta inklui prepará parti pa reunion, hasi bishita di pastoreo i atendé kasonan hudisial. Hopi ansiano ta hasi sakrifisio-nan adishonal, ya ku nan ta traha duru na asamblea i kongreso i ta sirbi komo miembro di Komité di Kontakto ku Hospital, Grupo di Bishitá Pashènt i Komité Regional di Konstruksion. Ansianonan, no lubidá nunca ku ora

14. (a) Ki sakrifisio ansianonan mester hasi? (b) Kiko bo ta pensa di e ansianonan ku ta traha duru den bo kongregashon?

boso ta sirbi ku un spiritu dispuesto—usando boso tempu, energia i rekursionan pa pastoriá e tou—boso ta demostrando amor di sakrifisio propio. (2 Korintionan 12:15) Tantu Yehova komo e kongregashon ku boso ta pastoriá ta apresiá boso esfuerso inegoista.—Filipensenan 2:29; Hebreonan 6:10.

¹⁵ Pero kiko di e kasánan di ansiano? Akaso e señoranan aki ku ta apoyá nan kasá no ta hasi sakrifisio di manera ku nan esposo por kuida e tou? Siguramente ta un sakrifisio pa un esposa ora ku su kasá tin ku dediká tempu na asuntunan di kongregashon; tempu ku di otro manera lo el a dediká na su famia. Pensa tambe riba e esposanan di superintendentenan di sirkuito i di distrito, i e sakrifisio nan ku nan ta hasi pa kompañá nan kasá di kongregashon pa kongregashon i di sirkuito pa sirkuito. Nan ta renunsiá un kas di nan mes i kisas tin ku drumi tur siman den un otro kama. Esposanan ku di buena gana ta pone e interesnan di kongregashon promé ku di nan mes ta meresé elogio pa e manera generoso ku nan ta desplegá amor di sakrifisio propio.—Filipensenan 2:3, 4.

¹⁶ Kon nos por demostrá amor di sakrifisio propio den famia? Mayornan, boso ta hasi hopi sakrifisio pa kuida boso yunan i pa ‘lanta nan den e disiplina i instrukshon di Yehova.’ (Efesionan 6:4) Kisas boso tin ku traha hopi ora na un trabou agotador djis pa pone pan riba mesa i pa hasi sigur ku boso yunan tin paña adekuá pa bisti i un dak riba nan kabes. Boso ta preferá di hasi sakrifisio personal ku priva boso yunan di e nesidadnan di bida. Boso ta hasi hopi esfuerso tambe pa studia ku boso yunan, hiba nan reunionnan kristian i traha huntu ku nan den sirbishi di

15. (a) Menshoná algun sakrifisio ku kasánan di ansiano ta hasi. (b) Kiko bo ta pensa di e esposanan ku ta apoyá nan kasá i ta dispuestos pa kompartí nan kasá ku bo kongregashon?

16. Mayornan kristian ta hasi ki sakrifisio pa nan yunan?

vèlt. (Deuteronomio 6:6, 7) Boso amor di sakrifisio propio ta agradá Esun ku a originá bida di famia i lo por nifiká bida eterno pa boso yunan.—Proverbionan 22:6; Efesionan 3:14, 15.

¹⁷ Esposonan, kon boso por imitá Hesus den muera amor di sakrifisio propio? Beibel ta kontestá: "Esposonan, stima boso esposa, meskos ku Kristu tambe a stima e iglesia i a entregá su mes p'e." (Efesionan 5:25) Manera nos a mira, Hesus a stima su siguidónan asina tantu ku el a muri pa nan. Un esposo kristian ta imitá e aktitut di Hesus. Hesus no tabata egoista i e "no a agradá su mes." (Romanonan 15:3) Un esposo asina ta pone di buena gana e nesesidatnan i interesnan di su kasá promé ku di dje. E no ta insistí pa tur kos bai manera e gusta, mas bien e ta demostrá ku e ta dispuesto pa bai na e manera ku su esposa ta preferá ora ku ningun prinsipio bíbliko ta ser violá. E esposo ku ta demostrá amor di sakrifisio propio ta gana Yehova su aprobashon i e amor i rèspèt di su kasá i yunan.

Kiko Abo Lo Hasi?

¹⁸ No ta fásil pa obedesé e mandamentu nobo pa stima otro, pero nos tin un motivashon fuerte pa hasié. Pablo a skirbi: "E amor di Kristu ta obligá nos, yegando na e konklushon aki, ku ún a muri pa tur . . . i el a muri pa tur, pa esnan ku ta biba no biba mas pa nan mes, ma pa esun ku a muri i ku a resusitá pa nan motibu." (2 Korintionan 5:14, 15) Siendo ku Hesus a muri pa nos, nos lo no mester sinti nos obligá di biba p'e? Nos por hasi esei dor di sigui su ehèmpel di amor di sakrifisio propio.

¹⁹ Hesus no a eksagerá ora el a bisa: "Ni un hende no tin

17. Kon esposonan por imitá Hesus su amor di sakrifisio propio?

18. Kiko ta motivá nos pa sigui e mandamentu nobo pa stima otro?

19, 20. Ki regalo presioso Yehova a duna nos, i kon nos por demostrá ku nos ta asept'é?

Kon Bo Por Sigui Hesus?

- Ki proseder inegoista Hesus a indiká pa su siguidónan?
—Mateo 16:24-26.
- Dikon un proseder di sakrifisio propio ta bale la pena?
—Marko 10:23-30.
- Kon Hesus a duna prueba ku e ta e Bon Wardadó, i kiko ansianonan kristian por siña di su ehèmpel?—Juan 10:11-15.
- Den ki maneranan práktiko nos por imitá Hesus i demostrá amor di sakrifisio propio?—1 Juan 3:17, 18.

amor mas grandi ku esaki, ku un hende ta duna su bida pa su amigunan.” (Juan 15:13) E echo ku Hesus tabata dispuesto pa entregá su bida pa nos tabata e ekspreshon di mas grandi di *su* amor pa nos. Sin embargo, tin un otro persona ku a demostrá un amor asta mas grandi na nos. Hesus a splika: “Dios a stima mundu asina tantu, ku el a duna su Yu unigénito, pa ken ku kere den dje no bai pèrdí, ma tin bida eterno.” (Juan 3:16) Dios ta stima nos asina tantu ku el a duna su Yu komo un reskate, hasiendo posibel ku nos por ser librá for di piká i morto. (Efesionan 1:7) E reskate ta un regalo presioso for di Yehova, pero e no ta obligá nos pa asept’é.

²⁰ Ta keda na nos si nos ta aseptá e regalo di Yehova. Kon nos ta asept’é? Ora nos “kere” òf ehersé fe den su Yu. Sin embargo, fe no ta palabra so. Fe ta keda demostrá pa medio di akshon, na e manera ku nos ta biba. (Santiago 2:26) Nos ta duna prueba di nos fe den Hesukristu ora nos ta siguié dia tras dia. Esei lo trese bendishonnan riku awor i den futuro, manera e último kapitulo di e buki aki lo splika.

“Keda Sigui Mi”

DIESUN hòmber tabata pará huntu riba un seru. Ku gran amor i atmirashon nan tabata mira e di 12 persona. E tabata den kurpa humano, pero de echo tabata Hesus resusitá, kende a bolbe bira e yu spiritual di mas poderoso di Yehova. Tabata pa delaster biaha ku Hesus a reuní ku su apòstelnan riba Seru di Oleifi.

² E seru aki siguramente a trese hopi rekuerdo pa Hesus. E ta forma parti di un kareda di seru di kalki enfrente di Yerusalem na otro banda di Roi Kedron. Ta na barika di e serunan aki e pueblo di Betania tabata keda, kaminda Hesus a resusitá Lázaro. Apénas algun siman promé, Hesus a sali for di Bètfrage ku a keda djis ei banda pa hasi su entrada triunfal den Yerusalem. Probablemente e hòfi di Getsemané, kaminda Hesus a pasa e oranan di agonía promé ku su aresto, tambe tabata situá na Seru di Oleifi. Anto awor riba e mesun seru aki Hesus a prepará pa bai laga su amigu- i siguidónan di mas íntimo atras. Su palabranan di despedida tabata hopi bondadoso. Anto diripiente el a kuminsá subi bai shelu! E apòstelnan a keda pará, tur babuká, ta mira nan Shon stimá ta subi bai laira. Finalmente, un nubia a kit'é for di nan bista i nan no a mir'é mas.—Echonan 1:6-12.

³ E esena aki ta laga bo pensa riba un despedida tristu, di sintimentunan miksto? Wèl, e no tabata asina. De echo, manera dos angel a rekordá e apòstelnan, Hesus su historia definitivamente no a kaba. (Echonan 1:10, 11) Den

1-3. (a) Den ki manera Hesus a bai laga su apòstelnan, i dikon esaki no tabata un despedida tristu? (b) Dikon nos tin ku siña tokante e bida ku Hesus a hiba desde ku el a regresá na shelu?

hopi sentido, su subida pa shelu tabata apénas e komienso. E Palabra di Dios no ta laga nos den skuridat tokante kiko a sigui pasa ku Hesus. Ta importante pa haña sa di e bida ku Hesus a hiba for di dia ku el a bai for di tera. Pakiko? Kòrda e palabranan ku Hesus a papia ku Pedro: “Keda sigui mi.” (Juan 21:19, 22, NW) Nos tur tin ku obedesé e mandamentu ei, no simplemente komo un eskoho temporal sino komo nos estilo di bida. Pa por hasi esei, nos tin ku komprondé kiko nos Shon ta hasiendo awor i ki asignashonnan el a haña den shelu.

E Bida di Hesus Despues Ku El A Bai for di Tera

⁴ E Skritura no ta bisa nada tokante Hesus su yegada den shelu, ki bonbiní el a haña ni di su reenkuentro gososo ku su Tata. Sin embargo, Beibel a revelá sí di antemano kiko lo a pasa den shelu asina ku Hesus lo a bolbe bèk einan. Ta asina ku pa 15 siglo largu, e pueblo hudiu regularmente tabata testigu di un seremonia sagrado. Un biaha pa aña, e sumo saserdote a dreña den e Santísimo di e tèmpep pa spat e sanger di e sakrifisionan di Dia di Ekspiashon dilanti di e arka di aliansa. Riba e dia ei, e sumo saserdote a prefigurá e Mesias. Despues ku Hesus a bolbe na shelu el a kumpli ku e nifikashon profétiko di e seremonia ei un biaha pa semper. El a dreña den shelu den e presensia mahestuoso di Yehova—e lugá di mas santu den universo—i a presentá na su Tata e balor di su sakrifisio di reskate. (Hebreonan 9: 11, 12, 24) Yehova a asept’é?

⁵ Nos ta haña e kontesta ora nos konsiderá kiko a pasa poko despues ku Hesus a subi na shelu. Un grupo chikitu di mas o ménos 120 kristian tabata huntu den un sala ariba

4. Kon Beibel a revelá di antemano kiko lo a pasa den shelu despues ku Hesus lo a bolbe einan?

5, 6. (a) Kiko tabata e evidensia ku Yehova a aseptá Kristu su sakrifisio di reskate? (b) Ken ta benefisiá di e reskate, i kon?

na Yerusalem ora ku diripiente un zonidu manera un bien-tu violento i fuerte a yena e lugá. Loke a parse lenga di kandela a bai para riba nan kabes, nan a yena ku spiritu santu i a kuminsá papia den vários lenga. (Echonan 2:1-4) E suseso aki a nifiká e nasementu di un nashon nobo, Israel spiritual, ku tabata Dios su "rasa skohí" i "saserdosio real" nobo, apuntá pa kumpli ku Dios su boluntad riba tera. (1 Pedro 2:9) Pues, tabata bisto ku Yehova Dios a aseptá i a aprobá e sakrifisio di reskate di Kristu. Dramamentu di spiritu santu tabata un di e promé bendishonnan ku e reskate a hasi posibel.

⁶ Di e tempu ei en adelante, e reskate di Kristu a benefisiá su siguidónan rònt mundu. Sea ku nos ta parti di e "tou chikitu" di kristian ungi, ku lo goberná ku Kristu den shelu, òf parti di e "otro karnéan," ku lo biba bou di su gobernashon riba tera, nos ta benefisiá di su sakrifisio. (Lukas 12:32; Juan 10:16) E sakrifisio ei ta e base pa nos speransa i pa nos haña pordon pa nos pikánan. Tanten ku nos ta sigui "kere" òf ehersé fe den e reskate ei, siguiendo Hesus dia tras dia, nos por tin un konsenshi limpi i un speransa briante pa futuro.—Juan 3:16.

⁷ Kiko Hesus ta hasiendo den shelu desde ku el a bolbe einan? E tin gran outoridat. (Mateo 28:18) Sí, Yehova a apunt'é pa goberná riba e kongregashon kristian, un asig-nashon ku el a kumpli kuné na un manera amoroso i hustu. (Kolosensenan 1:13) Manera Beibel a profetisá, Hesus a perkurá hòmbènan responsabel pa atendé e nesesidatnan di su tou. (Efesionan 4:8) Por ehèmpel, el a skohe Pablo p'e ta un "apòstel di e paganonan," i a mand'é bai plama e bon nobo na paisnan leu. (Romanonan 11:13; 1 Timoteo 2:7) Kasi na final di promé siglo, Hesus a manda mensahe-nan di elogio, konseho i korekshon na shete kongregashon

7. Ki outoridat Hesus a haña despues ku el a bolbe na shelu, i kon abo por apoy'é?

den e provinsia romano di Asia. (Revelashon, kapitulo 2-3) Abo ta rekonosé Hesus komo Kabes di e kongregashon kristian? (Efesionan 5:23) Pa bo por keda siguié, lo bo mester fomentá un spiritu di obediencia i koperashon den bo kongregashon lokal.

⁸ Hesus a haña mas outoridat ainda na aña 1914. E aña ei el a keda nombrá komo Rei di Yehova su Reino Mesiániko. Ora ku e gobernashon di Hesus a kuminsá “tabatin guera den shelu.” Ku ki resultado? Satanas ku su demoñonan a ser tirá abou riba tera, lokual a inisiá un era di “ai.” E guernanan, kriminalidat, teror, malesa, temblor i hamber ku ta reina i ku ta afligí hende den nos tempu ta rekordá nos ku Hesus ta gobernando aktualmente den shelu. Satanas ainda ta “e prens di e mundu aki” pa “un poko tempu mas.” (Revelashon 12:7-12; Juan 12:31; Mateo 24:3-7; Lukas 21:11) Sin embargo, Hesus ta dunando hende na tur parti di mundu e oportunidat pa aseptá su gobernashon.

⁹ Ta di sumo importansia pa nos tuma nos posishon na banda di e Rei Mesiániko. Den tur nos desishonnan diario, nos tin ku buska su aprobashon, no aprobashon di e mundu degradá aki. Segun ku e “Rei di Reinan i Señor di Señornan” aki ta inspekshoná humanidat, su kurason hustu ta kima di rabia i ta abundá ku goso. (Revelashon 19:16) Dikon?

E Rabia i e Goso di e Rei Mesiániko

¹⁰ Nos Shon, meskos ku su Tata, ta felis di naturalesa. (1 Timoteo 1:11, NW) Komo hende, Hesus no tabata ni krítiko ni eksigente. Sin embargo, tin hopi kos ta pasando riba tera awe ku lo mester ta yen’é ku rabia hustu.

8, 9. Ki outoridat Hesus a haña na 1914, i kiko esei lo mester nifiká pa nos den e desishonnan ku nos ta tuma?

10. Ki karakter Hesus tin di naturalesa, sin embargo ta kiko ta yena nos Shon ku rabia hustu?

Definitivamente e ta rabiá ku tur e organisashonnan relihioso ku falsamente ta pretendé di ta represent'é. El a profetisá esei: "No ta tur hende ku bisa mi: 'Señor, Señor,' lo drenta e reino di shelu; ma esun ku hasi e boluntat di mi Tata ku ta den shelu. Hopi lo bisa mi den e dia ei: 'Señor, Señor, nos no a hasi hopi milager den bo nòmber?' E ora ei lo mi deklará na nan: 'Nunka mi no a konosé boso; bai for di mi, boso ku ta hasi inikidat.'"—Mateo 7:21-23.

¹¹ Hopi hende awe ku ta yama nan mes kristian lo por haña e palabranan ei straño. Pakiko Hesus lo dirigí palabranan fuerte asina na hende ku a hasi "hopi milager" den su nòmber? E iglesianan di kristiandat a spònsa obranan di karidat, a yuda pover, traha hospital i skol, i a hasi hopi otro obra mas. Pa komprondé dikun nan ta meresé Hesus su rabia, konsiderá e siguiente ilustrashon.

¹² Un tata ku mama tin ku bai di biahe. Nan no por bai ku e muchanan, pues nan ta kontratá un baby-sitter. E instrukshon ku nan ta dun'é ta simpel: "Kuida e muchanan. Duna nan kuminda, sòru pa nan ta limpi i wak pa nada no pasa ku nan." Pero ora e mayornan bolbe kas, nan ta keda di shòk pa mira nan yunan tur hambrá. E muchanan ta tur sushi, enfermo i infelis. Nan ta yorando pa haña atenshon di e baby-sitter, pero e no ta hasi kaso di nan. Dikon? Pasobra e ta riba trapi ta laba bentana. Rabiá, e mayornan ta eksigí un splikashon. E baby-sitter ta kontestá: "Wak tur loke mi a hasi! E bentananan no ta limpi? Mi a drecha kos na kurpa di kas tambe, i tur esei pa boso!" Esaki lo laga e mayornan sinti nan mihó? Nò! Niun ora so nan no a pidié hasi e tareanan ei; úniko kos ku nan tabata ke ta p'e kuida e muchanan. E echo ku e no a kumpli ku nan instrukshon ta hasi nan furioso.

11-13. Dikon algun hende kisas ta keda straña pa e palabranan ku Hesus ta dirigí na esnan ku ta hasi "hopi milager" den su nòmber, sin embargo dikun e ta rabiá? Ilustrá esei.

¹³ Kristiandat a aktua meskos ku e baby-sitter ei. Hesus a laga instrukshon serka su representantenan pa nan alimentá e hendenan spiritualmente dor di siña nan e bèrdat di e Palabra di Dios i yuda nan keda spiritualmente limpi. (Juan 21:15-17) Sin embargo, kristiandat a faya barbaramente i no a obedesé su instrukshon. Kristiandat a laga e hendenan spiritualmente hambrá, konfundí pa falsedat i ignorante di e bèrdatnan fundamental di Beibel. (Isaias 65:13; Amos 8:11) Asta su intentonan pa drecha e mundu aki no por hustifiká su desobedensia deliberá. De echo, e sistema mundial aki ta manera un kas ku a keda destiná pa basha abou! E Palabra di Dios ta mustra bon kla ku pronto e sistema mundial di Satanas lo ser destruí.—1 Juan 2:15-17.

¹⁴ Di otro banda, Hesus lo mester ta hopi kontentu ora e wak abou for di shelu i mira miónes di hende ta kumpli ku e enkargo di hasi disipel ku el a duna su siguidónan promé ku el a bai for di tera. (Mateo 28:19, 20) Ta un gran privilegio di por kontribuí na e goso di e Rei Mesiániko! Laga nos ta determiná pa nunca stòp di yuda “e esklabo fiel i prudente.” (Mateo 24:45) Distinto for di klero di kristiandat, e grupo chikitu aki di ruman ungi obediientemente a hiba delantera den e trabou di prediká i fielmente a alimentá e karnénan di Kristu.

¹⁵ Nos por tin sigur ku e Rei ta rabiá ora e ta mira e falta di amor ku ta reina riba tera awe. Kisas nos ta kòrda kon e fariseonan a kritiká Hesus pasobra el a kura hende riba sabat. Nan kurason tabata asina duru, nan tabata asina terko, ku nan no por a mira mas ayá di nan propio interpretashon di e Lei di Moisés i di e lei oral. E milagernan di Hesus a trese masha hopi benefisio mes pa hende! Pero e goso, e alivio,

14. Ki trabou ta hasi Hesus kontentu awe, i dikon?

15, 16. (a) Kiko Hesus ta pensa di e falta di amor ku ta reina awe, i kon nos por sa esei? (b) Kon bin kristiandat meresé e rabia di Hesus?

e fe mas fuerte ku e milagernan ei a produsí no a nifiká nada pa e fariseonan. Kiko Hesus a pensa di e hòmbèrnan ei? Un biaha el "a wak nan tur ku kara rabiá, tristu pa motibu di e duresa di nan kurason."—Marko 3:5.

¹⁶ Awe, Hesus ta mira hopi mas tantu kos ku ta lag'é sinti su mes masha "tristu." E lidernan di kristiandat ta siegá pa nan deboshon na tradishon- i doktrinan ku no ta na armonia ku e Skritura. Ademas, e predikashon di e bon nobo di e Reino di Dios ta hasi nan furioso. Den hopi parti di mundu, klero a instigá persekushon kruel kontra e kristiannan ku sinseramente ta purba prediká e mensahe ku Hesus a prediká. (Juan 16:2; Revelashon 18:4, 24) Na mesun tempu, e miembronan ei di klero hopi biaha ta animá nan propio siguidónan pa bai guera i kita bida di otro hende, komo si fuera esei lo agradá Hesukristu!

¹⁷ Na kontraste, e berdadero siguidónan di Hesus ta hasi esfuerso pa mustra amor na nan próhimo. Nan ta prediká e bon nobo na "tur klase di hende," manera Hesus a hasi, apesar di oposishon. (1 Timoteo 2:4, NW) Anto e amor ku nan ta mustra na otro ta sobresaliente; esei ta e marka prinsipal ku ta identifiká nan. (Juan 13:34, 35) Segun ku nan ta trata nan rumannan kristian ku amor, rèspèt i dignidat, nan realmente ta siguiendo Hesus, i ta hasi e kurason di e Rei Mesíaniko kontentu!

¹⁸ Nos tin ku kòrda tambe ku nos Shon ta sinti su mes masha tristu ora su siguidónan keda sin perseverá i ta laga nan amor pa Yehova fria i ta stòp di sirbié. (Revelashon 2: 4, 5) Sin embargo, Hesus ta keda kontentu ku esnan ku ta perseverá te na fin. (Mateo 24:13) Pues riba tur kos, laga nos kòrda semper riba e mandamentu aki di Kristu: "*Keda*

17. Kon e berdadero siguidónan di Hesus ta hasi su kurason kontentu?

18. Kiko ta hasi nos Shon masha tristu, sin embargo kon nos por agrad'é?

sigui mi.” (Juan 21:19, NW) Ban konsiderá algun di e bendishonnan ku e Rei Mesiániko lo drama riba esnan ku perseverá te na fin.

Bendishon Kontinuo pa Fiel Sirbidónan di e Rei

¹⁹ Sigui Hesus ta e kaminda pa un bida hopi bendishoná for di awor. Si nos aseptá Kristu komo nos Shon, siguiendo su instrukshon i usando su ehèmpel komo nos guia, nos lo haña tesoronan ku hende rònt parti di mundu ta buskando sin por haña. Nos lo ser bendishoná ku trabou ku ta duna nos bida propósito, un famia di rumannan den fe uní den un berdadero laso di amor, un konsenshi limpi i pas mental. Den poko palabra, nos lo haña un bida felis ku ta duna satisfakshon. Anto tin mas kos ku nos lo haña.

²⁰ Yehova a duna Hesus komo un “Tata Eterno” pa esnan ku tin e speransa di biba pa semper riba tera. Hesus ta remplasá e promé tata humano, Adam, kende lamentablemente a laga tur su desendientenan na kaya. (Isaias 9:6, 7) Si nos aseptá Hesus komo nos “Tata Eterno” i ehersé fe den dje, nos tin un speransa sigur di bida eterno. Ademas, asina nos ta hala mas i mas serka di Yehova Dios. Manera nos a siña, e mihó manera pa obedesé e mandamentu divino, “sea imitadónan di Dios, manera yunan stimá,” ta di hasi esfuerso pa sigui e ehèmpel di Hesus dia aden dia afó.—Efesionan 5:1.

²¹ Segun ku nos ta imitá Hesus i su Tata, Yehova, nos tin un privilegio maravioso. Nos ta reflehá un lus briante. Den un mundu tapá ku skuridat, kaminda míles di miónes di hende ta ser gañá pa Satanas i ta imitá su karakterístikanan, nos ku ta sigui Kristu ta reflehá tur kaminda e lus

19, 20. (a) Sigui Hesus ta hiba na ki bendishon for di awor? (b) Kon e echo ku nos ta sigui Kristu por yuda nos satisfasé nos nesidat di tin un tata?

21. Kon siguidónan di Kristu ta reflehá lus den un mundu skur?



di mas briante, esta, e lus di bèdatnan spiri-
tual, e lus di bon kualidatnan kristian, e lus di
berdadero goso, pas i amor. Na mesun tempu, nos ta hala
mas serka di Yehova, i esei ta e meta di mas haltu ku kual-
ke kriatura inteligente por pone.

²² Pensa tambe riba loke Yehova ke hasi pa bo den futu-
ro pa medio di su Rei Mesiániko. Pronto e Rei ei lo hiba
un guera hustu kontra Satanas su sistema di kosnan malba-
do. E viktoria di Hesus ta sigur! (Revelashon 19:11-15) Des-
pues di esei, Kristu lo kuminsá ku su Reinado di Mil Aña

22, 23. (a) Ki bendishonnan den futuro lo bin pa esnan ku fielmen-
te ta keda sigui Hesus? (b) Kiko lo mester ta nos determinashon?

Kon Abo Por Sigui Hesus?

- Kiko lo yuda bo adaptá bo manera di pensa na esun di Kris-tu?—1 Korintionan 2:13-16.
- Den ki maneranan bo tin intenshon di sigui Hesus ku mas kuidou i atenshon?—1 Pedro 2:21.
- Kiko lo bo hasi pa bo amor pa Hesus no fria?—Revelashon 3: 14-18.
- Kon bo por demostrá ku di bèrdat bo ke pa Kristu goberná riba tera den futuro serkano?—Revelashon 22:17, 20.

riba tera. Su gobièrnu selestial lo distribuí e benefisionan di e reskate na tur hende fiel, elevando nan na perfekshon. Imaginá bo ku salú perfekto, semper hóben i fuerte, trahando felismente huntu ku un famia humano uní pa transformá e tera aki den un paradeis! Na fin di Hesus su reinado di Mil Aña lo e entregá e gobernashon bèk na su Tata. (1 Korintionan 15:24) Si bo keda sigui Kristu fielmente, lo bo haña un bendishon asina maravioso ku e ta asta difísil pa imaginá, esta, “e libertat glorioso di e yunan di Dios”! (Romanonan 8:21) Sí, nos lo tin tur e bendishonnan ku Adam ku Eva tabatin i a pèrdè. Siendo yunan terenal di Yehova, nos lo ta librá pa semper di e mancha di piká di Adam. Di bèrdat, “lo no tin morto mas.”—Revelashon 21:4.

²³ Kòrda e hóben gobernante riku ku nos a papia di dje den Kapítulo 1. El a nenga Hesus su invitashon: “Bin, sigui mi.” (Marko 10:17-22) No kometé e eror ei nunca! Nos ta spera ku bo ta aseptá Hesus su invitashon ku goso i entusiasmo. Sea determiná pa perseverá, pa keda sigui e Bon Wardadó dia aden dia afó, aña aden aña afó, i asina biba pa mir’é hiba finalmente tur e propósitonan di Yehova na nan glorioso kumplimentu!

Bo ke haña mas informashon?

Bo por tuma kontakto ku Testigunan di Yehova na **www.jw.org**.